

Deposito

12



B. I.

8.52. A. 9.

2. 0 0 0 0 0

DE SEPTEM

VERBIS

Concilio Trinitatis mouit pueri

CHRISTO IN CRUCE

PROLATIS

LIBRI DVO

Auctore



ROBERTO

S. R. E. CARD.

BELLARMINO

E Societate IESV.



ROMÆ, Typis Bartholomæi Zannetti. 1618.

SUPERIORVM PERMISSV.

**Imprimatur, si videbitur Reueren-
dissimo Patri Magistro Sac. Pal.
Apostolici.**

Cesar Fidelis Vicefg.

Imprimatur.

*Fr. Hiacynthus Petronius Ord.
Præd. Sacri Apostolici Palat.
Magister.*

VENERABILI
CONGREGATIONI
COELESTINORVM

Monachorum Ordinis Sancti
Benedicti.

*Robertus Card. Bellarminus
eiusdem Congregationis
Protector S. D.*



APIENTER

S omnino Pyn-
phius Abbas a-
pud Cassianum,
perfectum mo-
nachum cum Christo Domino
crucifixo comparandum cen-
sit. Virtutes enim, quæ in
perfecto monacho potissimum
requiruntur, tres numerari so-
lent; paupertas, omnem pro-
a 2 prie-

*Lib 4. de
inst renū
cians 6.*

prietatem excludens ; castitas,
carnalium voluptatum semper
expers ; & obedientia à nutu
Præfecti omnino dependens ;
quibus in regula S. Benedicti,
loci stabilitas adiungi solet . Si
quis autem velit voluntariæ pau-
pertatis usque ad omnimodam
nuditatem, & egestatem exem-
plar cernere, Christum crucifi-
xum intueatur, qui sicut dum
viueret, non habuit, ubi caput
reclinaret : sic in morte, ipsa,
etiam vestimenta, quæ sola illi
reliqua erant, inter crucifixores
diuidenda dimisit . Et si quis
cupiat speculum intueri mortifi-
cationis carnis, quæ castita-
tem impollutam custodiat, in
Christo crucifixo sine dubita-
tione reperiet ; quippe quem à
planta pedis usque ad verticem
capitis dolor continuus occu-
pa-

pabat. Quòd si & obedientiæ
perfectæ typum requirat, nus-
quàm alibi clarius cernet, quàm
in illo, qui *factus est obediens* *Philip. 2.*
vsque ad mortem, mortem au-
tem crucis. Neque solam obe-
dientiæ virtutem, sed etiam co-
mites eius indiuiduas, patien-
tiam & humilitatem; & princi-
piū eius & finem, ardentissimā
charitatē, & in his omnibus per-
seuerantiā vsque in finem, quæ
per stabilitatem significatur, in
Christo crucifixo, tanquam in
eminentissima virtutum omniū
Idea, conspiciet. Verè igitur &
Christus in cruce pendens exē-
plar est clarissimum monasticæ
perfectionis: & perfectus mo-
nachus crucifixum Dominum
verissimè repræsentat. Hanc
Christi crucifixi repræsentatio-
nem, vel similitudinem sanctus

Petrus Cœlestinus in primis ad
vium expressisse videtur : eius
enim vita ab ipsa pænè infan-
tia vsque ad extremam senectu-
tem, & mortem, nihil fuit aliud
nisi assidua meditatio crucis, &
perpetua imitatio crucifixi. Ad
quam rem propriè designan-
dam, crux aurea in aëre, diui-
no miraculo pendens, visa est
ante fores cubiculi eius morien-
tis, à feria sexta vsque ad vespere-
ram sabbathi, in qua spiritum
Deo felicissimè reddidit. Quam
crucem à multis conspectam,
cum stupore fuisse, refert Petrus
ab Alliaco Cardinalis Came-
racensis; & res eadem, vt pla-
nè caeleste signum, in ipso cano-
nizationis eius diplomate com-
memoratur. Quæ cum ita sint,
iure mihi videor libros meos de
septem verbis in Cruce à Chri-
sto


*Lib. 2. c.
19. Vita
S. Petri
Cœlesti-
ni.*

sto pronunciatis , Coelestinis
meis offerre , ac dicare potissi-
mum debuisse . In his enim li-
bris explicare conatus sum cru-
cifixi virtutes præcipuas , quæ
omnibus quidem fidelibus val-
dè vtilis sunt, sed ijs, qui crucis
mortificationem ex proprio in-
stituto sequuntur, omninò ne-
cessariæ . Qui enim cum Chri-
sto cruci affixi sunt, & mundo
mortui, per externam obseruan-
tiam regularem ; & virtutibus
Christi crucifixi carent : ij cum
infelici latrone crucis ignomi-
niam, & dolores patiuntur; sed
Christi crucifixi gloriã, & præ-
miã non assequuntur. *& melius
erat illis , vt loquitur sanctus
Petrus, non cognouisse viam iu- 2. Pet. 3.
stitiæ (perfectæ) quàm post
agnitionem retrorsum conuerti
ab eo , quod illis traditum est,*
san-

sancto mandato. Quare monachos omnes, sed in primis Coelestinos meos admoneo, vt si velint esse quod nomine praeferrunt, librum crucis Christi assidue legant, & iterum atque iterum voluant, & reuoluant: ac vt commentarium habeant ad obscura loca intelligenda dilucidum & fidele, Beati Petri Coelestini, & aliorum Sanctorum, vitas frequenter legant, & quae didicerint, opere complere studeant. Sic enim fiet, vt quotidie magis crux illis dulcescat, & imitatio crucifixi sic illis suavis, amabilisq; reddatur, vt facile contemnant Scribas & Phariseos, id est, carnem & sanguinem clamantes, atque dicentes, Descende de cruce. Sic olim discipuli sancti Francisci, cum libros sacros nondum haberent,

vt

vt sanctus refert Bonauentura, *In vita*
librum crucis Christi continua- *S. Frãci-*
tis aspectibus, diebus ac nocti- *sci c. 4.*
bus reuoluebant, exemplo Pa-
tris, & eloquio eruditi, qui iu-
giter faciebat eis de cruce Chri-
sti sermonem. Accipite igitur
venerabiles Patres munuscu-
lum à Protectore vestro, quod
erit etiam post obitum eius pi-
gnus amoris, quo vos omnes
ex corde dilexit; & virtutum
sancti Petri Cœlestini hæredes,
& Christi crucifixi veros disci-
pulos, & imitatores semper esse
cupiuit.





INDEX LIBRORVM ET CAPITVM.

Libri Primi.

- Cap. I. **D**E primo verbo explicato
ad literam. pag. 11
- Cap. II. De primo fructu verbi primi.
pag. 23
- Cap. III. De secundo fructu verbi primi.
pag. 32
- Cap. IV. De secundo verbo explicato ad
literam. 44
- Cap. V. De primo fructu verbi secundi.
pag. 62
- Cap. VI. De secundo fructu verbi secun-
di. 68
- Cap. VII. De tertio fructu verbi secundi.
pag. 72
- Cap. VIII. De tertio verbo explicato ad li-
teram. 87
- Cap. IX. De primo fructu verbi tertij. 95
- Cap. X. De secundo fructu verbi tertij.
pag. 99
- Cap. XI. De tertio fructu verbi tertij. 103
- Cap. XII. De quarto fructu verbi tertij. 117

Libri

Libri Secundi.

Cap. I. **D**E quarto verbo explicato
ad literam. 127

Cap. II. De primo fructu verbi quar-
ti. 141

Cap. III. De secundo fructu verbi quar-
ti. 145

Cap. IV. De tertio fructu verbi quarti.
pag. 149

Cap. V. De quarto fructu verbi quar-
ti. 155

Cap. VI. De quinto fructu verbi quarti.
pag. 164

Cap. VII. De quinto verbo explicato ad
literam. 171

Cap. VIII. De primo fructu verbi quinti.
pag. 176

Cap. IX. De secundo fructu verbi quinti.
pag. 185

Cap. X. De tertio fructu verbi quinti.
pag. 190

Cap. XI. De quarto fructu verbi quinti.
pag. 210

Cap. XII. De sexto verbo explicato ad li-
teram. 216

Cap. XIII. De primo fructu verbi sexti. 233

Cap. XIV. De secundo fructu verbi sexti.
pag. 238

Cap. XV. De tertio fructu verbi sexti. 241

Cap. XVI. De quarto fructu verbi sexti.
pag. 253

Cap. XVII. De quinto fructu verbi sexti.
pag. 257

Cap.

Cap. XVIII. De sexto fructu verbi sexti .
pag. 260

Cap. XIX. De septimo verbo explicato ad
literam . 271

Cap. XX. De primo fructu verbi septi-
mi . 278


Cap. XXI. De secundo fructu verbi septi-
mi . 284

Cap. XXII. De tertio fructu verbi septi-
mi . 291

Cap. XXIII. De quarto fructu verbi septi-
mi . 295

Cap. XXIV. De quinto fructu verbi septi-
mi . 301





PRAEFATIO.



Ecce iam quartus agitur annus, cum me ad exitum paraturus, ad locum quietis secedo à negocijs vacuus,

sed non vacans à meditatione scripturarum sanctarum, & à scriptione eorum, quæ meditati occurrunt: ut si prodesse iam voce, vel scriptione longa non valeo, saltem pijs libellis fratribus meis possim utcumque prodesse. Cogitanti verò mihi, quid potissimum eligerem, quod & me ad be-

ne moriendum disponderet, & proximis meis ad bene viuendum, prodesset : occurrit mors ipsa Domini, atque illa postrema concio, quam septem breuissimis, sed grauissimis sententijs cōstantem, ex cruce, quasi ex editissima cathedra, Redemptor mundi ad humanum genus vniuersum habuit. siquidem in concione illa, siue in septem verbis illis, continentur omnia, de quibus idem Dominus ait, *Ecce ascendimus Hierosolymam, & consummabuntur omnia, quæ scripta sunt per Prophetas de filio hominis*. Ea, quæ Prophetæ de Christo futura prædixerunt, ad quatuor capita reuocantur; ad conciones ad populum; ad orationem ad Patrem; ad mala grauissima patienda; & ad opera sublimia, & admirabilia perpetranda. Quæ quidem omnia in ipsa Christi vita mirificè claruerunt. Concionabatur enim Dominus frequentissimè, in templo, in synagogis, in campis,

in

Præfatio.

3

in locis desertis, in domibus priuatis, denique etiam de nauicula ad turbas in littore consistentes. Porro noctes vt plurimum consumebat in oratione ad Deum. sic enim loquitur Euangelista, *Erat* Luc. 6.
pernoctans in oratione Dei. Opera & 21
 verò admiranda in expellendis dæmonibus, & ægrotis curandis, & panibus multiplicandis, & tempestatibus sedandis, in Euangelijis Matt. 8.
 leguntur passim. Denique mala, Marc. 4.
 quæ reddebantur ei pro bonis, Luc. 6.
 plurima erant, non solum in contumelijs verborum, sed etiam in Ioan. 6.
 lapidatione, & præcipitio. Cæterum hæc omnia verissimè consummata sunt in cruce. Sic enim Ioan. 8.
 concionatus est ex cruce, vt plurimi redirent tundentes pectora Luc. 4.
 sua; nec solum corda hominum, sed etiam petra scissæ sint. Sic etiam orauit in cruce, vt Luc. 23.
cum clamore valido, & lacrymis orans exauditus sit pro sua reuerentia, Hebr. 5.
 vt Apostolus loquitur ad Hebræos. Quæ verò passus est in-

cruce, tantò maiora sunt ijs, quæ in reliqua vita passus est, vt hæc sola ad passionem propriè pertinere videantur. Denique signa, & prodigia nunquam maiora edidit, quàm cum in cruce veluti ad extremam imbecillitatem atque infirmitatem redactus esse videretur. Tunc enim non solùm ostēdit signa de cælo, quæ antea Iudæi ab eo importunè petierant; sed etiam paulò post signum edidit omnium signorum maximum, cum mortuus & sepultus, propria virtute ab inferis redijt, & corpus ipse suum ad vitam, & vitam immortalem reuocauit. Verè igitur in cruce cōsummata sunt omnia, quæ scripta fuerunt per Prophetas de filio hominis.

Sed antequam de ipsis verbis Domini scribere incipiam, visum est operæpretium, vt de ipsa cruce, quæ sedes concionantis, & altare sacrificantis, & stadium pugnantis, & officina mirabilia facientis fuit, pauca dicamus. De
stru-

Præfatio. §

structura igitur crucis communior veterum sententia est, quod ex tribus lignis constiterit; vno oblongo, in quo corpus crucifixi extendebatur; altero transuerso, in quo manus figebantur; tertio affixo ad partem inferiorem, in quo pedes crucifixi quiescebant, sed clavis confixi, ne dimoueri possent. Ita tradunt patres antiquissimi, sanctus Iustinus, & sanctus Irenæus. Qui auctores satis apertè indicant, vtrumque pedem supra scabellum stetisse, non vnum pedem super alterum. Ex quo sequitur, clauos Christi quatuor fuisse, non tres tantum, vt multi existimant; qui ea de causa pingunt Christum Dominum ita cruci affixum, vt vnum pedem super alterum habeat. Sed apertissimè contra sentit Gregorius Turonicus, & confirmatur eius sententia ab antiquis picturis. Vidi ego ipse Parisijs in bibliotheca Regia antiquissimos Evangeliorum libros manuscriptos, in

*In dial.
cum Tri-
phon.*

*Lib. 5. ad
uers. ha-
res. Val-
entin.*

*Lib. de
glor. Mar
tyr. c. 6.*

quibus pictus erat frequēter Chri-
stus crucifixus, & semper cum
quatuor clavis.

Porro lignum oblongum supra
transuersum aliquantulum emi-
nuisse, tradit sanctus Augustinus,
Epiſ. 120. & sanctus Gregorius Nyſſenus: &
Ser. 1. de ex Apostolo id colligi poſſe vide-
Reſur. tur. Cū enim Apostolus ad Ephe-
Ephes. 3. ſios ſcribit, *Vt poſſitis comprehen-
dere cum omnibus ſanctis, quæ
ſit latitudo, & longitudo, ſublimi-
tas, & profundum,* ſatis aperte
deſcribit figuram crucis, quæ
quatuor habet extrema; latitudi-
nem, in ligno transuerſo; longi-
tudinem, in oblongo; altitudi-
nem, in ea parte oblongi, quæ ex-
tat, atque eminet ſupra trans-
uerſum; & profundum, in ea par-
te, quæ ſub terram abſconditur.
Hoc genus tormenti non caſu, ne-
que inuitus Dominus noſter ſubi-
uit; ſed ab ipſa æternitate præele-
git, vt ſanctus Augustinus docet,
Epiſ. 120 idque ex illo Actorum Apoſtoli-
Act 2. co teſtimonio, *Hunc de finito con-
ſilio*

Præfatio .

7

alio, & præscientia Dei traditum, per manus iniquorum interemissis. Et ideo Christus ipse initio prædicationis Nicodemo dixit, Sicut Moyses exaltauit serpentem in deserto, ita exaltari oportet filium hominis; ut omnis qui credit in illum non pereat, sed habeat vitam æternam. Et sæpe Apostolos de sua cruce loquens, ad imitandum hortabatur, dicens, Qui vult venire post me, abneget semetipsum, tollat crucem suam, & sequatur me.

Ioan. 3.
Mat. 16

Cur autem hoc supplicium Dominus elegerit, ille solus propriè nouit, qui elegit. Sed tamen non desunt mysteria, quæ sancti Patres excogitauerunt, & nobis scripta reliquerunt. Sanctus Irenæus libro paulò ante notato, scribit, duo crucis brachia sub vno titulo conuenire, in quo scriptum erat, IESVS NAZARENVS REX IVDÆORVM, ut intelligeremus, duos populos, Hebraicum, & Gentilem, qui antea diuisi erant,

Lib. 5.

Orat. 1.

in vnum corpus, sub vno capite Christo aliquando fuisse iungendos. Sanctus Gregorius Nyssenus in oratione de resurrectione scribit, partem crucis, quæ cælum respicit, significare, per crucem, quasi per clauem cælum aperiri; partem verò, quæ ad centrum mundi vergit, significare, spolian- dum fuisse infernum à Christo, cū ad eum descendisset; duo crucis brachia, quæ ad orientem, & occidentem porriguntur, repurgationem mundi totius per Christi sanguinem futuram significare. Sancti verò Hieronymus in epist.

Epist. 120

ad Ephesios, Augustinus ad Honoratum, & Bernardus de consideratione, præcipuum crucis my-

Lib. 5.

sterium ab Apostolo breuiter at-

Ephes. 3.

tingi docent in verbis illis, *quæ sit latitudo, longitudo, sublimitas, & profundum*. Significantur autem in his verbis, primum attributa Dei; in altitudine potentia; in profundo sapientia; in latitudine bonitas; in longi-
tudine

Præfatio . 9

tudine æternitas . Deinde virtutes Christi patientis ; in latitudine charitas ; in longitudine patientia ; in altitudine obedientia ; in profundo humilitas . Denique virtutes hoc tempore necessariae ijs , qui saluantur per Christum ; in profundo fides ; in altitudine spes ; in latitudine charitas ; in longitudine perseuerantia . Ex quibus intelligimus , solam charitatem , quæ meritò dicitur Regina virtutum , ubique locum habere in Deo , in Christo , & in nobis : reliquas virtutes , alias esse in Deo , alias in Christo , alias in nobis . Proinde mirum non est , si in ipsis Christi nouissimis verbis , quæ nunc explicanda suscepimus , primum locum obtineat charitas .

Nos igitur primum explicabimus tria prima verba , quæ dicta sunt à Christo circa horam sextam , antequam sole obscurato tenebræ fierent super omnem terram . Deinde considerabimus

10 Præfatio.

ipsam solis defectionem; & tunc
veniemus ad explicanda reliqua
verba Domini, quæ prolata fue-
runt circa horam nonam, ut scri-
bit sanctus Matthæus, videlicet
recedentibus tenebris, & morte
Christi propinquante, vel potius
imminente.


Matt. 27



LIBER I.
DE PRIMIS TRIBVS
verbis in Cruce
prolatis.

C A P. I.

*Explicatur ad literam ver-
bum primum , Pater di-
mitte illis , non enim
sciunt , quid faciunt .*

CHRISTVS Iesus
Verbū æterni Pa-
tris , & de quo
idem Pater aper-
tè dixit, *Ipsū* Matt. 17
audite ; & qui de
se apertè pronuntiauit, *Vnus est* Matt. 23
magister vester Christus , vt offi-
cio suo plenissimè satisfaceret,
non solum viuens à docendo nun-
quam cessauit, sed etiam moriens,

12 De sept. verb. Dom.

ex cathedra crucis verba pauca ,
sed ardentia , sed vtilissima , sed
efficacissima prædicauit ; & planè
dignissima , quæ à Christianis om-
nibus in intimo cordis recipian-
tur , & custodiantur , & exami-
nentur , & re ipsa , ac factis adim-
pleantur . Prima sententia hæc

Luc. 23.

*est, Iesus autem dicebat, Pater di-
mizite illis , non enim sciunt quid
faciunt .* Quam sententiam tan-
quam verè nouam , & insolitam ,
voluit Spiritus sanctus prædici ab

Is. 41. 53.

*Isaia propheta in illis verbis , Et
pro trāsgressoribus rogauit .* Quam
verè autē dixerit Apostolus Pau-

1. Cor. 13.

*lus , Charitas non quarit quæ sua
sunt ,* ex ordine harum sententia-
rum facilè potest intelligi . Siqui-
dem ex numero harum senten-
tiarum , tres ad bonum aliorum
pertinent , tres ad bonum pro-
prium , vna est cōmunis . Sed pri-
ma cura Domino fuit de alijs , po-
strema de se .

Ex primis autem tribus senten-
tijs , quæ ad alios pertinent , pri-
ma

Lib. I. Cap. I. 13

ma dirigitur ad inimicos, secunda ad amicos, postrema ad consanguineos. Cuius ordinis hæc est ratio: quoniam charitas primum succurrit magis egentibus; & qui tunc magis egebant, inimici erant; & nos quoque tanti Magistri discipuli, magis egebamus, ut nos institueret de dilectione inimicorum, quæ difficilior, & rarior est, quam de dilectione amicorum, vel consanguineorum, quæ facillima est, & nobiscum quodam modo nascitur, & nobiscum crescit, & sæpè plus quam oportet, inualescit. Ait igitur Evangelista, *Iesus autem dicebat.* Illud, *autem*, designat tempus, & occasionem orandi pro inimicis; atque opponit verba verbis, & operibus opera. Ac si diceret Evangelista, Illi Dominum crucifigebant, & vestes eius, ipso aspiciente, inter se diuidebant; alij irridebant, & infamabant, quasi seductorem, & mendacem: ille, autem cum hæc videret, & audiret,

14 De sept. verb. Dom.

ret, & dolor atrocissimus esset ob manus, & pedes recens crudelissime perforatos, reddens bona pro malis dicebat, *Pater dimitte illis.*

Patrem appellat, non Deum, aut Dominum, quia intelligebat, in hac causa opus esse benignitate Patris, non seueritate Iudicis: & quia ad Deum flectendum, sine dubio iratum ob tam ingentia scelera, opus erat amabile nomen Patris obijcere. Itaque illud, *Pater*, hoc significare videtur, Ego filius tuus, qui patior, ignosco, ignosce & tu Pater. Mihi filio tuo dona hanc offensionem, quamuis isti non mereantur. Memento etiã, te quoque esse Patrem istorum, per creationem, qua eos fecisti ad imaginem & similitudinem tuam. Ostende igitur in illos paternam charitatem tuam, quoniam etsi mali sunt, tamen filij sunt.

Dimitte. Hæc vox cõtinet summam petitionis, quam filius Dei, tanquam aduocatus inimicorum suorum Patri suo repræsentat. Po-
test

Lib. I. Cap. I. 15

test autem illud verbum, *Dimitte*,
 referri tùm ad pœnam, tùm ad
 culpam. Si referatur ad pœnam,
 exaudita fuit hæc oratio, quia,
 cum mererentur Iudæi propter
 hoc scelus, statim grauissimè pu-
 niri; & vel igne de cælo cadente
 consumi, vel diluuiò aquarum
 perire, vel ferro, & fame exter-
 minari; dilata fuit pœna huius
 peccati ad annos quadraginta;
 & si interim gens illa pœniten-
 tiam egisset, salua, incolumisq;
 mansisset; sed quia pœnitentiam
 non egit, immisit in eos Deus
 exercitum Romanorum, Vespas-
 iano imperante, qui ciuitatem
 primariam euertit, & gentem
 Iudæorum partim fame in obsi-
 dione, partim gladio capta ciui-
 tate necauit, partim vendidit,
 partim captiuos adduxit, partim
 in varias terras, & loca disperfit.
 Quod ipsum Dominus primùm
 per parabolam vineæ, & Regis Matt. 20
 facientis nuptias filio suo; & si Matt. 22
 multitudinem ficulneæ infructuosæ; Luc. 13.
 dein-

16 De sept. verb. Dom.

Act. 19.

deinde etiam difertis verbis in die Palmarum, flendo, & lamentando prædixit. Quod verò ad culpam attinet, exaudita fuit oratio; quia multis per huius orationis meritum data est à Deo gratia compunctionis, & resipiscentiæ. Inter quos illi sunt, qui re-

Luc. 13.

uertebantur percutientes pectora sua. Et Centurio, qui dicebat,

Matt. 27

Verè filius Dei erat iste. Et plurimi, qui paulò post ad Apostolorum prædicationem conuertebantur, & confitebantur, quem negauerant; & adorabant, quem despexerant. Cur autem non omnibus conuersionis gratia data sit, ratio est, quia oratio Christi conformis erat sapientiæ, & voluntati Dei. Quod alijs verbis scribit S. Lucas in Actis Apostolorum, cum

Act. 13.

dicat, Crediderunt quotquot præordinati erant ad vitam æternam.

Illis. Per hanc vocem significantur ij, quibus indulgentiam Christus orauit. Et quidem primi videntur illi esse, qui Christum

re ip.

re ipsa cruci affixerunt, & eius vestimenta inter se diuiserunt; deinde omnes illi, qui causa passionis Dominicæ fuerunt; vt Pilatus, qui sententiam tulit; vt populus, qui clamauit, *Tolle, tolle, crucifige eum*; vt Principes Sacerdotū, & Scribæ, qui eum falsò accusauerunt; ac vt altius ascendamus, ipse etiā primus homo, & eius omnis posteritas, qui peccando causam passioni Christi dederunt. Itaque inimicis suis omnibus veniam petijt ex cruce Dominus. Inter inimicos autem nos omnes eramus, dicente Apostolo, *Cum inimici essemus, reconciliati sumus Deo per mortem filij eius.* Itaque nos omnes, etiam antequam nati essemus, numerati sumus in sacratissimo illo *Memento*, vt sic loquar, quo summus Pontifex Christus orauit in Missa illa sacrosanctissima, quam in ara crucis peregit. Quid ergo retribues Domino anima mea, pro omnibus, quæ retribuit tibi, etiam ante-

18 De sept. verb. Dom.

tequam esses? Vidit pius Dominus, te quoque inter inimicos suos aliquando futuram; & te non quarente, neque petente, pro te ad Patrem orauit, vt tibi non imputaretur stultitia. An non & te oporteret semper meminisse tam dulcis patroni, & omnibus viribus laborare, vt nulla te præteriret occasio illi seruiendi? An non etiam par esset, vt tanto exemplo permotus disceres & tu non solum inimicis tuis facile ignoscere, & pro eis orare; sed etiam quotquot poteris ad idem faciendum adducere? Omnino ita est, & hoc ipsum facere cupio, & statuo, modò qui dedit tam insigne exemplum, porrigat etiam ex eadem pietate sua ad opus tam grande efficax auxilium.

Non enim sciunt quid faciunt.
Vt videretur rationabilis intercessio, extenuat, siue excusat Christus delictum inimicorum suorum, eo modo quo potuit. Excusare certè non poterat iniustitiam in

Pi-

Pilato, neque crudelitatem in militibus, neque inuidiam in Principibus Sacerdotum, neque stultitiam & ingratitude in populo, neque falsa testimonia in perierantibus. Hoc solum restabat, ut excusaret in omnibus ignorantiam. Verè enim, ut Apostolus 1. Cor. 2. loquitur, *si cognouissent, nunquam Dominum gloriæ crucifixissent.* Sed quamuis neque Pilatus, neque Principes Sacerdotum, neque populus, neque ministri cognouissent, Christum esse Dominum gloriæ; cognouit tamen Pilatus, illum fuisse virum iustum, & sanctum, & à Principibus Sacerdotum per inuidiam traditum; & agnouerunt Principes Sacerdotum, illum verè esse Christum in lege promissum, ut sanctus Thomas docet; quia negare non poterant, neque negabant, eum multa signa facere, quæ Messiam futurum fuisse Prophetæ prædixerant. Cognouit denique populus, Christum sine causa iusta damnari, palam


In Comment. ad 2. c. prioris ad Corinthios.

20 De sept. verb. Dom.

Luc. 23. Iam clamante Pilato, *Nullam*
Mat. 27 *causam inuenio in eo. & Innocens*
ego sum a sanguine iusti huius.
Quamuis autem nō cognouerint
Iudæi, siue Principes, siue popu-
li, Christum esse Dominum glo-
riæ; tamen cognoscere potuissent,
nisi malitia excæcasset corda illo-
rum. Sic enim loquitur sanctus
Ioan. 12. Ioannes: *Cum tanta signa fecis-*
fet coram eis, non credebant, quia
dixit Isaias: Excaca cor populi
huius, & aures eius aggraua, ut
videntes non videant, & audien-
tes non audiant, & conuertantur,
& sanem eos. Neque verò excæ-
catio excusat excæcatum, quia
voluntaria, & concomitans est,
non præcedens. Ad quem modum
illi etiam, qui ex malitia peccant,
laborant semper ignorantia ali-
qua, quæ tamen non excusat, quia
non præcedit, sed comitatur. Ve-
Prou. 24. rè enim Sapiens dicit, *Errant qui*
operantur malum. Et verè etiam
Philosophus dicit, *Omnis malus*
ignorans. Et de omnibus peccan-
tibus

Lib. I. Cap. I. 21

tibus verè dici potest, *Non sciunt quid faciunt*. Nemo enim potest velle malum sub ratione mali, quia voluntatis obiectum, non est res bona, vel mala, sed solum bona. atque idcirco qui eligunt malum, semper eligunt sub ratione boni repræsentatū, immò etiā sub specie maximi boni, quod tūc obtineri possit. Cuius rei causa est perturbatio partis inferioris, quæ offundit tenebras rationi, & facit, vt non discernat nisi id parum boni, quod est in ea re, quæ appetitur. Qui enim eligit adulterium, vel furtum facere, nunquam eligeret, nisi attenderet ad bonū delectationis, vel lucri, quod est in adulterio, vel furto; & nisi oculos mentis clauderet ad malū turpitudinis, vel iniustitiæ, quæ est in adulterio, vel furto. Itaque similis est omnis qui peccat, homini, qui ex alto semetipso in fluuiū precipitare cupiens, ante claudit oculos, ac postea semet in flumē projicit. Sic igitur, omnis qui male a-



22 De sept. verb. Dom.

git, odit lucē, & ignorantia voluntaria laborat, quę nō excusat, quia voluntaria est. At si non excusat, cur Dominus ait, *Dimitte illis, nō enim sciunt, quid faciunt?* Ad hoc responderi potest, verba Domini primum intelligi posse de crucifixoribus, quos probabile est, penitus ignorauisse Christi non solum diuinitatem, sed etiam innocentiam; & simpliciter functos officio suo. Pro his ergo verissimē Dominus dixit, *Pater ignosce illis, quia nesciunt quid faciunt.*

Deinde si intelligantur de nobis, qui nondum eramus; vel de multis peccatoribus absentibus, qui vere nesciebant, quid tūc Hierosolymis ageretur; verissime Dominus dixit, *Nesciunt quid faciunt.* Denique si intelligantur de ijs, qui præsentes erāt, & Christum esse Messiam, vel innocentem hominem non ignorabant: tunc dicendum erit, Christi charitatem tantam fuisse, vt peccatum inimicorum suorū extenuare volue-

Lib. I. Cap. II. 23

voluerit, eo modo quo poterat. Quamuis enim ignorantia illa simpliciter non excuset: tamen rationem aliquam, quamuis tenuem, excusationis habere videtur; quia grauius peccassent, si omni prorsus ignorantia caruissent. Et quamuis non ignoraret Dominus excusationem illam non tam excusationem, quam vmbra excusationis esse: voluit tamen illam afferre, vt ex ea intelligeremus, bonam eius voluntatem erga peccatores, & quam auidè arripuisset excusationem meliorem etiam pro Caypha, & Pilato, si vlla melior, & rationabilior inueniri potuisset.

C A P. I I.

*De primo fructu primi verbi
in cruce prolati.*

EXplicauimus, quæ sit sententia primi verbi à Christo in cruce prolati; nunc fructus aliquos,

24 De sept. verb. Dom.

quos, eosq; optimos, & nobis omnibus vtilissimos ex eo verbo decerpere meditando curabimus.

Primum omnium ex hac prima parte concionis Christi in cathedra crucis habitæ discimus, charitatem Christi ardentiorē fuisse, quā nos intelligere, vel cogitare possimus. Atque hoc est, quod Apostolus ad Ephesios scri-

Ephes. 3. bens ait, *Scire etiam supereminentem scientiæ charitatem Christi.* Significat enim eo loco Apostolus, per mysterium crucis, posse nos discere, magnitudinem charitatis Christi tantam esse, ut superemineat scientiam nostrā; cum sit maior, quā ut nos eam cognitione apprehendere valeamus. Nos enim cum vno aliquo graui dolore cruciamur, siue dentium, siue oculorum, siue capitis, siue alterius membri, ita in illo vno tolerando occupamur, ut nihil aliud cogitare possimus: ideo neque visitationes amicorum, neque negotiorum tractatores ad-

mit-

Lib. I. Cap. II. 25

mittimus. Christus autem crucifixus, coronam spineam in capite gerebat, ut satis apertè docent antiquissimi scriptores, Tertul-
 lianus latinus libro cōtra Iudæos; & Origenes græcus in Matthæū: proinde caput ad crucem sine dolore applicare, siue admouere, non poterat. Manus eius & pedes clauī tenebant, ex quorum terebratione dolorem acerbissimum & continuum Dominus hauriebat. Corpus nudum, & multa flagellatione, & longis itineribus fatigatum, ad ignominiam, & frigus publicè expositum, & pondere suo manuum, & pedum vulnera cum immani, & perpetuo cruciatu diuexans, pio Domino multos simul dolores, & quasi cruces plurimas afferebat. Et tamen, ò charitas verè scientiam nostrā superans, his omnibus contemptis, quasi nihil ipse pateretur, de sola inimicorum suorum salute sollicitus, & impendens illis periculum auertere cupiens, ad Pa-

*Lib. con-
 tra Iud.
 cap 13.
 Tract. 35*

26 De lept. verb. Dom.

trem clamat, *Pater dimitte illis.* Quid faceret, si scelesti illi homines, persecutionem iniuste patientur, non facerent? si amici, si consanguinei, si filij, non hostes, non proditores, non scelestissimi parricidæ fuissent? Verè, benignissimè Iesu, charitas tua scientiam nostram vincit. Video enim cor tuum inter tot procellas iniuriarum, & passionum, quasi scopulum in medio mari fluctibus undique assiduè pulsatum, immotum tamen & pacificum. Aspicias enim hostes illos tuos, crudeles, qui post tot mortalia inflicta vulnera, patientiam tuam irrident, & lætantur, cum malefecerint: aspicias, inquam, non ut inimicus, inimicos ferocientes; sed ut pater filiolos vagientes; vel ut medicus ægrotos ex graui morbo delirantes; ideo non eis irasce-
ris, sed eorum misereris; & omnipotenti Patri curandos, sanandosque commendas. Hæc enim vis est veræ charitatis, ut cum

om-

omnibus pacem habeat, nullos reputet inimicos, sed & cum ijs, qui oderunt pacem, viuat pacifice.

Atque hoc est, quod in cantico amoris de virtute perfectæ charitatis prædicatur, *Aquæ multæ cant. 8. non potuerunt extinguere charitatem, neque flumina obruent illam.* Aquæ multæ, passionēs multæ sunt, quas nequitia spiritalis, quasi tartareæ procellæ, per Iudæos, & Gentiles, quasi nubes odiorum grauidas, in Christum effuderunt: sed tamen diluuium, istud aquarum idest pœnarum, non potuit extinguere incendium charitatis, quod ardebat in pectore Christi. Ideo Christi charitas in diluuiō illo aquarum multarum eminebat, & ardebat, dicens, *Pater dimittis illis.* Nec solum aquæ illæ multæ non potuerunt extinguere charitatem Christi; sed neque deinceps flumina persecutionum obruere potuerunt charitatem membrorum Christi.

28. De sept. verb. Dom.

48. 7. Ideo paulò post charitas verè
christianà ardens in pectore san-
cti Stephani non potuit extingui
ab imbre lapidum, sed exarsit, &
clamauit, *Domine ne statuas illis
hoc peccatum*. Ac deinceps Chri-
sti perfectà, atque inuicta chari-
tas propagata in multis millibus
sanctorum Martyrum, & Confes-
sorum, ita pugnavit aduersus flu-
mina persecutorum tùm inuisibi-
lium, tùm visibilium; vt verè dici
possit vsque ad mundi consumma-
tionem, neque flumina passionum
obruent incendium charitatis.

Ac vt ab humanitate Christi ad
diuinitatē eius ascendamus, ma-
gna fuit Christi hominis charitas
erga crucifixores suos: sed maior
fuit erga eosdem, & postea erit
vsque ad mundi cōsummationem
charitas Christi Dei, & Patris
eius, ac Spiritus sancti erga homi-
nes, qui cum ipso Deo inimicitias
gerunt; & si possent, deturbarent
eum de cælo, & in crucem age-
rent, atque occiderent. Quis co-
gitando

gitando assequi poterit charitatem Dei erga homines ingratos & malos? Angelis peccantibus 2. Pet. 2 non pepercit Deus, neque locum pœnitentiæ indulgit; homines peccantes, & blasphemantes, & ad Diabolum hostem Dei deficientes, patienter sæpè tolerat; nec solum tolerat, sed interim pascit, ac nutrit, quin etiam sustentat, ac portat: *In ipso enim vivimus, move- Act. 17 uemur, & sumus*, vt Apostolus loquitur. Nec solum boni, ac iusti, sed etiam ingrati & mali, vt Dominus loquitur apud Lucam. Luc. 6 Nec solum bonus Dominus noster nutrit, & pascit, sustentat, & portat inimicos suos; sed etiam sæpè cumulat beneficijs, ornat ingenio, diuitijs auget, euehit ad honores, sublimat ad Regna: atque interim patienter expectat, vt reuertantur à via iniquitatis, & perditionis.

Ac vt cætera omittamus, quæ infinitam orationem desiderarēt, si de charitate Dei in homines

30 De sept. verb. Dom.

malos, atque inimicos diuinæ maiestatis, omnia quæ dici possent enumerare vellemus; Christi beneficium solum, de quo nunc agimus; consideremus. Nonne sic

Ioan. 3. Deus dilexit mundum, ut filium suum unigenitum daret? Mundus inimicus Dei est, nam in ma-

1. Ioan. 5 ligno positus est, ut loquitur san-

1. Ioan. 2 ctus Ioannes. & Qui diligit mun-

dum; non est charitas Patris in

eo, ut idem ipse testis est. & Ami-

cia mundi huius inimica est Dei.

1a. 4. & Qui voluerit amicus esse saeculi huius, inimicus Dei constitui-

tur, ut scribit sanctus Iacobus.

Deus igitur diligens mundum,

inimicum suum dilexit; sed ut fa-

ceret amicum. Nam ideo misit

Isai. 9. ad illum filium suum, qui est Prin-

ceps pacis, ut per eum reconcilia-

retur mundus Deo. ideo enim

nascente Christo, cecinerunt An-

Luc. 2. geli, Gloria in excelsis Deo, & in

terra pax. Itaque Deus dilexit

mundum inimicum, ut per Chri-

stum offerret illi reconciliationem,

& re-

Lib. I. Cap. II. 31

& reconciliatus euaderet supplicium debitum inimico . Mundus Christum non recepit ; auxit culpam ; insurrexit in Mediatorem : inspirauit Deus Mediatori, vt redderet bona pro malis , & rogaret pro persecutoribus : rogauit, *exauditus est pro sua reuerentia* . *Hebr. 5.*

Expectauit Dei patientia, vt mundus per Apostolorum prædicationem pœnitentiã ageret : & qui pœnitentiã egerunt, indulgentiã acceperunt; qui nō egerunt, tandē post longam Dei patientiam, iusto Dei iudicio exterminati sunt .

Verè igitur ex hoc primo Christi verbo discimus supereminentem scientiæ charitatem Christi: discimus quoque supereminentē scientiæ charitatem Dei Patris, qui *sic dilexit mundum, vt filium suum* *Ioan 5.* *unigenitum daret; vt omnis qui credit in ipsum, non pereat, sed habeat vitam æternam.*

C A P. I I I.

De altero fructu eiusdem primi verbi à Christo in cruce prolati.

ALter fructus, & quidem valdè salutaris omnibus gustantibus cum, erit, si discant homines acceptas iniurias facilè condonare, ac per hoc amicos sibi ex inimicis facere. Ad hoc autem, persuadendum satis magnum argumentum esse deberet exemplum Christi, & Dei. Nam si Christus crucifixoribus ignovit, & pro eisdem oravit: cur id non faciet christianus? Si Deus creator, qui posset, vt Dominus, & Iudex, statim ultionem sumere de peccatoribus, tamen expectat, vt peccator ad pœnitentiam redeat; & ad pacem & reconciliationem inuitat, paratus ignoscere ijs, qui maiestati suæ iniuriam fecerunt: cur id

Lib. I. Cap. III. 33

id non faciet creatura? Adde, quòd iniuriæ condonatio non caret ingenti præmio. Scriptum est in historia de vita & obitu sancti Engelberti Archiepiscopi Coloniensis, quòd cùm ille in itinere positus ab inimicis suis occideretur, & ille in corde suo diceret, *Pater ignosce illis*, reuelatum de eo fuit, quòd ob illam vnam actionem, Deo supra modum gratam; non solum anima illa subito ab Angelis suscepta in cælum delata fuerit; sed etiã inter choros Martyrum collocata, palmam, & coronam Martyrum acceperit, & multis post obitum miraculis clauerit.

*Vide apud Sur.
die 7. No-
uembri.*

O si scirent homines Christiani, quàm facilè possent, si vellent, incomparabilibus thesauris ditari; & quàm illustres honorum, & gloriæ titulos promereri, si vellent perturbationibus animi sui dominari, & breues, ac paruas iniurias excelsò animo præterire: certè non tam duri, & inexorabi-

34 De sept. verb. Dom.

les essent ad iniurias condonandas, vel tolerandas. Sed inquirunt, videtur omnino iuri naturæ aduersari, quòd quis iniuste se conculari, & verbis aut factis violari patiatur: videmus enim animalia bruta, quæ solo naturæ instinctu ducuntur, in bestias inimicas, vbi eas conspexerint, acriter insilire, easq; moribus, vel calcibus interimere. Experimur & ipsi in nobis, cum fortè in inimicum nostrum incidimus, continuo accendi bilem, ebullire sanguinem, vindictæ cupiditatem naturaliter exoriri. Fallitur omnino, qui sic ratiocinatur, & confundit iustam defensionem cum ultione iniusta. Defensio iusta reprehendi non potest: & hoc est quod natura ipsa docet, vim vi repellere, non acceptam iniuriam vindicare. Repugnare ne iniuria sibi fiat, nemo prohibet: sed acceptam iniuriam vlcisci, lex diuina vetat. id enim non ad priuatos homines, sed ad publicum magistratū pertinet.

Lib. I. Cap. III. 35

tinet. & quia Deus Rex Regum
est, ideò clamat, & dicit, *Mibi*

*Dent. 32
Rom. 12.*

vindictam, & ego retribuam.

Quòd autem bestia in bestias ini-
micas naturaliter irruant, ex eo
nascitur, quòd bestia sint, & di-
scernere nequeant inter naturā,
& vitium naturæ. Homines au-
tem, qui ratione præditi sunt, se-
parare debent naturam, siue per-
sonam, quæ à Deo creata bona
est; & vitium, siue peccatum,
quod malum est, & à Deo non
prodiit. Proinde debet homo, cum
iniuriam accepit, diligere perso-
nam, & odisse iniuriam; nec tam
irasci homini inimico, quàm mi-
fereri; & imitari medicos, qui di-
ligunt agrotos, & ideò diligen-
tissimè curant, sed odio habent
morbum, & ad eum expellendum,
& destruendum, atque ad nihilum
redigendum pro viribus incum-
bunt. Atque hoc est, quod Ma-
gister, & Medicus animarum
Christus docuit, cum ait, *Diligi-*

Matt. 5.

te inimicos vestros, benefacite his

36 De sept. verb. Dom.

qui vos oderunt, & orate pro persequentibus, & calumniantibus vos. Neque similis fuit Magister noster Christus Scribis & Phariseis; qui sedentes super cathedrā Moyſi docebant, & non faciebāt: sed sedens in cathedra sanctæ crucis, quod docuit, fecit: dilexit enim inimicos suos, & pro ijs oravit, dicens, *Pater dimitte illis, non enim sciunt, quid faciunt.* Quòd vero etiam in hominibus sanguis bullire incipiat, cū eos, à quibus iniuriam acceperunt, vident; ratio est, quia sunt homines animales, & nondum didicerunt motus partis inferioris, quæ nobis cum bestiis communis est, frangere rationis coercere. Qui enim spirituales sunt, & motibus corporis non subiacerent, sed præesse novērunt, non irascuntur inimicis, sed misereantur, & beneficijs illos ad pacem, atque concordiam allicere student.

At hoc, inquiunt, nimis difficile est, & durum, præsertim homini-

Lib. I. Cap. III. 37

minibus, qui nobiliter nati, de
honore solliciti esse debent. Im-
mò verò facile est: nam iugum
Christi, qui legem istam sectato-
ribus suis imposuit, suaue est; & Matt. 11
onus eius leue, vt Euangelia te-
stantur: & mandata eius graua
non sunt, vt sanctus Ioannes affir-
mat. 1. Ioan. 5
Quòd si difficilia, & graua
nobis videntur, id nobis accidit,
quia charitas Dei modica, aut
nulla in nobis est: nihil enim est
difficile charitati; dicente Apo-
stolo, *Charitas patiens est, benigna* 1. Cor. 13
est, omnia suffert, omnia credit,
omnia sperat, omnia sustinet.
Neque solus Christus inimicos
dilexit, quamuis in hac re super
omnes emineat: nam in lege na-
turæ sanctus Patriarcha Ioseph Gen. 45.
inimicos suos, à quibus venditus
fuit, mirificè dilexit. Et in lege
scripta David Saulem inimicum 1. Reg. 4.
patientissimè tulit, à quo longo
tempore quæsitus est ad mortem.
& ipse contra, cùm posset Sauli
necem inferre, semper abstinuit.

In

38 De sept. verb. Dom.

Act. 7.

Euseb. in
hist. li. 2.
c. 22.

1. Cor. 4.

In lege autem gratiæ, Christi exemplum sequutus est Stephanus protomartyr, qui cū lapidaretur, orabat dicens, *Domine ne statuas illis hoc peccatum*. & sanctus

Iacobus Apostolus, & Episcopus Hierosolymæ, qui à Iudæis de loco sublimi deiectus, ac morti proximus clamabat, *Domine da illis*

veniam, quia nesciunt quid faciunt. Et Apostolus Paulus de se, & de coapostolis suis dicit, *Ma-*

ledicimur & benedicimus, persecutionem patimur, & sustinemus,

blasphemamur, & obsecramus.

Denique Martyres plurimi, & innumerabiles alij, Christi exemplum sequuti, hoc mandatum,

facile impleuerunt. Sed inquit

adhuc alij, non nego, ignoscendum esse inimicis; sed tempore

suo, cū videlicet recesserit me-

moriam acceptæ iniuriæ; & animus

à turbatione illa conquieuerit.

Sed quid, si interim rapiaris ex

hac vita, & sine veste charitatis

inueniaris, & dicatur tibi, Quo-

modo

Lib. I. Cap. III. 39

modo huc intraſti non habens ve- Mat. 22.
ſtem nuptialem? nonne tunc ob-
 mutesces, & audies ſententiam
 Domini dicentis, *Ligatis mani-*
bus, & pedibus eius, projcete in
tenebras exteriores: ibi erit fletus,
& ſtridor dentium. quin potius
 ſolenter attendis, & imitaris exē-
 plum Domini tui, qui illo ipſo
 tempore, quo accipiebat iniuriā,
 & ſtillabant manus, & pedes eius
 recenti ſanguine, & totum corpus
 eius acerbiffimis doloribus tor-
 quebatur, dicebat Patri, *Pater*
dimitte illis. Hic eſt verus, & vni-
 cus magiſter, quem omnes audi-
 re debent, qui in errorem induci
 non volunt: de hoc Deus Pater de
 cælo pronunciauit, *Ipfum audite.* Mat. 17
 In hoc ſunt omnes theſauri ſa- Coloſſ. 2.
 pientię, & ſcientię Dei. Certè ſi
 Salomonem conſuluiffes, fatis tu-
 to conſilium eius, vel iudicium
 ſequereris: & ecce plusquam Sa- Mat. 12
 lomon hic.
 Sed audio adhuc nescio quem
 reclamantem, & dicentem: Si ve-
 limus

40 De sept. verb. Dom.

limus reddere bonum pro malo ,
 beneficium pro iniuria , benedi-
 ctionem pro maledicto: insolescēt
 improbi, audaciores fient grassa-
 tores; opprimuntur iusti, concu-
 labitur virtus . Non ita est, nam
 Prov. 15. sapē, vt Sapiens loquitur, *Respon-*
sio mollis frangit iram : nec rarò
 patientia iusti admirationi fuit
 persecutori , & de hoste amicissi-
 mum reddidit . Neque desunt in
 terris Magistratus politici, & Re-
 ges, ac Principes, quibus cura est,
 vt secundum seueritatem legum
 coërceantur impij ; & detur ope-
 ra , vt iusti quietam , & tranquil-
 lam vitam ducant . Sed etiam si
 aliquando dormitaret alicubi hu-
 mana iustitia, vigilat semper pro-
 uidentia Dei, quæ nullum malum
 impunitum , & nullum bonum ir-
 remuneratum relinquet: & admi-
 rabili ratione facit, vt improbi
 dum se iustos opprimere arbitrā-
 tur , illos exaltent , & illustriores
 reddant . Sic enim loquitur san-
 ctus Leo : *Sauisti persecutor in*

serm. de
 S. Laure.

Mar-

Lib.I. Cap.III. 41

*Martyrem, seuisisti, & auxisti
palmam, dum aggeras pœnam.*

*Nam quid non ad victoris glo-
riam ingenium tuum reperit, quã-
do in honorem transierunt trium-
phi etiam instrumenta supplicij?*

Quod idem dicere possumus de
omnibus Martyribus, necnon
etiam de veteribus sanctis. Ni-
hil enim magis illustrauit, & exal-
tauit Iosephum patriarcham,
quàm persecutio fratrum. Dum
enim per inuidiam illum Madia-
nitis vendunt, causa illi fuerunt,
vt totius Aegypti, & fratrum suo-
rum Princeps fieret.

Gen. 43

Sed his omiſſis, colligamus in
summa, quanta, & quàm ingentia
detrimenta patiantur, qui vt vm-
bram dedecoris apud homines
fugiant, iniurias ab inimicis acce-
ptas obstinato animo vlcisci vo-
lunt. Primùm stultos se produnt,
cùm velint maiori malo tollere,
minus malum: est enim princi-
pium omnibus notum, & ab Apo-
stolo declaratum, cùm ait, *Non
sunt*

42 De sept. verb. Dom.

Rom. 3. *sunt facienda mala, ut veniant bona:* sicut etiam non sunt facienda maiora mala, ut tollantur mala minora. Qui iniuriam accipit, incidit in malum pœnæ: qui vindictam facit, incidit in malum culpæ. At sine vlla comparatione maius est malum culpæ, quàm pœnæ: siquidem pœna facit hominem miserum, sed non malum; culpa facit miserum & malum: pœna priuat hominem bono temporali; culpa priuat bono temporali, & æterno. Itaque similis est is, qui ut medeatur malo pœnæ, incidit in malum culpæ, ei, qui ut accommodet calceum nimis breuem, abscindit sibi partem pedis: quæ manifesta insania est. Sed non inueniuntur qui in rebus temporalibus ita insaniant: inueniuntur tamen homines planè excæcati, qui non metuunt Deum, grauissimè offendere, ut vmbra, ut dixi, humani dedecoris fugiāt, vel ut honoris fumum a pud homines conseruent. Isti enim incidunt

Lib. I. Cap. III. 43

dunt in iram, atque odium Dei; unde nisi maturè resipiscant, & feriam pœnitentiam agant, semperiterno opprobrio, & supplicio mulctabuntur, & gloriam, ac decus æternum amittent. Deinde, diabolo, & angelis eius, qui hostes illorum ad iniuriam inferendam incitarunt, hac ipsa de causa, vt rixæ, & inimicitix orirentur, rem gratissimam faciunt. Quàm turpe autem sit inimico sæuissimo generis humani potius gratificari, quàm Christo: piorum omnium iudicio, & considerationi relinquo. Præterea non raro accidit, vt qui iniuriam accepit, & vlcisci illam parat, inimicum suum grauitè vulneret, vel occidat: & ex sententia Principis confiscatis bonis, vel interimatur ipse; vel solum vertere cogatur, unde & ipse, & filij, & domus eius tota infelicem vitam ducere cogatur. Sic diabolus ludit, & illudit eos, qui mancipia falsi honoris magis esse cupiunt, quàm
Chri-

44 De sept. verb. Dom.

Christi Regis optimi, serui, & fratres, & cohæredes Regni amplissimi, & sempiterni. Quare cùm tanta, & tam grauis iactura maneat stultos homines, qui contra præceptum Domini inimicis reconciliari recusant: omnes qui sapiunt, Christum, magistrum omnium, in Euangelio docentem, & de cruce factis doctrinam suam confirmantem, audiant, & sequantur.

Mat. 5

Luc. 23.

C A P. I V.

Explicatur ad litteram verbum secundum: Amen dico tibi: hodie tecum eris in paradiso. Luc. 23.

Luc. 23.

Alterum verbum, siue altera sententia à Christo in cruce prolata, teste sancto Luca, fuit illa magnifica promissio ad latronem secum in cruce pendentem,

Ho.

Lib. I. Cap. IV. 45

Hodie mecum eris in paradiso.
 Occasio huius sententię fuit, quòd
 cum duo latrones cum eo crucifi-
 xi fuissent, vnus à dextris, & al-
 ter à sinistris; vnus ad peccata
 sua præterita adiecit, vt Christũ
 blasphemaret, & imbecillitatis
 argueret dicens, *Sit tu es Chri-*
stus, saluum fac te metipsum, &
nos. Scribũt quidem sanctus Mat- Matt. 27
 thæus, & sanctus Marcus, latro- Mar. 15.
 nes cum Christo crucifixos imbe-
 cillitatem illi exprobrasse. Sed
 omnino credibile est, Matthæum,
 & Marcum accepisse numerum
 multitudinis pro numero singu-
 lari, quod frequens est in Scriptu-
 ris sanctis, vt sanctus Augustinus
 obseruauit in libris de consensu Lib. 3. c.
 Euangelistarum. Nam & Aposto- 16
 lus ad Hebræos scribens, de Pro- Hebr. ii.
 phetis dicit, *Obturauerunt ora*
leonum, lapidati sunt, secti sunt,
circumierunt in melotis, & in pel-
libus caprinis: & tamen qui ob-
 turauit ora leonum, vnus fuit
 Daniel: & qui lapidatus est, vnus
 Hie-

46 De sept. verb. Dom.

Hieremias fuit : & qui sectus est , vnus Isaias . Adde , quòd Matthæus , & Marcus non disertè scribunt , vtrumque latronem exprobrasse Christo , sicut Lucas disertè scribit , *Unus autem de his , qui pendebant latronibus , blasphemabat eum .* Accedit quoque , quòd nulla est ratio , cur idem latro nunc blasphemaret , nunc laudaret . Quod enim aliqui dicunt , latronem hunc , qui ante blasphemabat , mutasse sententiam , & Christum laudasse , quando audiuit eum dicentem , *Pater dimitte illis , non enim sciunt , quid faciunt ,* repugnat Euangelio manifestè . Sanctus enim Lucas narrat , Christum pro persecutoribus suis orasse , Patrem , antequam latro deterior inciperet blasphemare . Itaque sequenda est sententia sancti Ambrosij , & sancti Augustini , qui ex duobus latronibus , vnum solum blasphemasse , & alterum laudasse , & defendisse Christum sentiunt . Igitur latroni blasphemanti respondit

Luc. 23.

In Luc.

23

Lib. 3. de
consensu
Euang.

Lib. I. Cap. IV. 47

spondit alter ; *Neque tu times Deum, quòd in eadem damnatione es.* Felix iste latro ex confortio crucis Christi, & ex luce diuina, quæ ei affulgere cæperat, fratrem suum corripere, atque ad meliorem mentem conuertere satagit. Verborum autem eius hæc sententia est, Tu quidem ludæos blasphemantes imitari voluisti ; sed illi nondum iudicium Dei timere didicerunt ; quia vicisse se credunt, & de victoria sua exultant, cùm Christum cruci affixum cernunt ; se autem liberos, & solutos, & nihil mali patientes vident. Tu autem qui propter delicta tua suspensus in cruce ad mortem properas, quare non incipis Deum timere ? cur addis peccata peccatis ? Deinde proficiens in opere bono, & luce gratiæ Dei auctus, confitetur peccata sua, & Christi innocentiam prædicat. *Et nos quidem, inquit, iuste damnati sumus ad crucem, nam digna factis recipimus : hic autem*

48 De sept. verb. Dom.

autem nihil mali gessit. Postremo crescente lumine gratiæ, addit, Domine memento mei, cum veneris in Regnum tuum. Ad-

Ioan. 13. miranda prorsus Spiritus sancti gratia in corde huius latronis illuxit. Apostolus Petrus negat; latro cruci affixus confitetur: Discipuli euntes in Emmaus, dicunt,

Luc. 24. *Nos autem sperabamus; hic autem confidenter loquitur, dicens, Memento mei, dum veneris in*

Ioan. 20. *Regnum tuum.* Thomas Apostolus, nisi videat Christum resurrexisse, negat se crediturum; latro in cruce Christum cruci affixum aspiciens, Regem post mortem futurum non dubitat.

Quis latronem illum mysteria tam alta docuerat? Dominum, vocat, quem nudum, vulneratum, dolentem, palam irrisum, & despectum, secum pendere considerat: dicit venturum post mortem in Regnum suum. Ex quo intelligimus, illum non somniare Christi Regnum temporale in terris futu-

futurum, quale Iudæi expectant; sed æternum Regem post mortem futurum in cælis. Quis illum ista tam sublimia sacramenta docuerat? nemo omninò, nisi spiritus veritatis, qui præuenit eum in benedictionibus dulcedinis. *Di-* Psal. 20.
xit post resurrectionem suam,
 Apostolis Christus: sic scriptum est, & sic *oportuit pati Christum,* Luc. 24.
& ita intrare in gloriam suam.
 Sed latro miro modo hoc ipsum prænouit, & confessus est eo tempore, quo nulla erat in Christo similitudo regnantis. Reges enim regnant dum viuunt, cum autem viuere desinunt, regnare etiam desinunt; Latro verò apertè dixit, Christum per mortem iturum ad Regnum. Id quod in parabola quadam Dominus exposuit, cum ait, *Homo quidam nobilis abiit in* Luc. 19.
regionem longinquam accipere sibi Regnum, & reuerti. Hæc Dominus dixit proximus passioni, significans, se per mortem iturum in regionem longinquam; id est,

50 De sept. verb. Dom.

ad alteram vitam, siue ad cælum; quod longissimè distat à terra; iturum autem, vt acciperet sibi Regnum maximum, & sempiternum: ac postea rediturum in die Iudicij, vt redderet omnibus, quod in hac vita meruerant, siue præmium, siue penam. De hoc igitur Regno Christi, quod statim à morte accepturus erat, latro Sapiens dicit, *Memento mei, dum veneris in Regnum tuum.* Ac nonne Christus Dominus etiam, ante mortem Rex erat? Erat omnino. nam ideò Magi clamabant, *Mat. 2. Vbi est, qui natus est Rex Iudæorum?* & Christus ipse Pilato dixit, *Ioan. 18. Tu dicis, quia Rex sum ego: ego in hoc natus sum, & ad hoc veni in mundum, vt testimonium perhibeam veritati.* Sed tamen Rex erat in hoc mundo, quasi peregrinus inter hostes; & ideo nō agnoscebatur, vt Rex, nisi à paucis; & contemnebatur, & malè excipiebatur à plurimis. Itaque ideò dixit in parabola supra citata, *se-*
ite.

Lib.I. Cap.IV. 51

iturum in regionem longinquam,
accipere sibi Regnum; nec dixit,
acquirere, quasi alienum; sed ac-
cipere suum, & reuerti: & latro
sapienter dixit, *cum veneris in*
Regnum tuum.

Porro Christi Regnum hoc lo-
co non intelligitur potestas regia,
vel dominium. hoc enim ab ini-
tio habuit, iuxta illud psalmi, *Ego*
autem constitutus sum Rex ab eo Psal. 2.
super Sion montem sanctum eius.
Et alio loco, *Dominabitur à mari* Psal. 71.
usque ad mare; & à flumine us-
que ad terminos orbis terrarum.
Et Isaias dicit, *Paruulus datus* Isai. 9.
est nobis, & filius natus est nobis:
& factus est principatus eius su-
per humerum eius. Et Hieremias,
Et suscitabo David germen iu- Hiere. 23
stum: & regnabit Rex, & sa-
piens erit: & faciet iudicium, &
iustitiam in terra. Et Zacharias, Zach. 9.
Exulta satis filia Sion, iubila fi-
lia Hierusalem, ecce Rex tuus
veniet tibi iustus, & Saluator:
ipse pauper, & ascendens super
C 2 asi.

52 De sept. verb. Dom.

*asnam, & super pullum filium
asinae.* Non igitur de hoc Regno
loquitur Christus in parabola de
Regno accipiendo, neque bonus
latro; cum ait, *Memento mei,
cum veneris in Regnum tuum;*
sed loquitur vterque de perfecta
beatitudine, per quam homo exi-
mitur ab omni seruitute, & sub-
iectione rerum creatarum; & so-
li subijcitur Deo, cui servire re-
gnare est; & ab ipso Deo consti-
tuitur super omnia opera eius.
Hoc Regnum, quod attinet ad
beatitudinem animæ, Christus
habuit ab initio conceptionis suæ:
sed quantum ad corpus, non ha-
buit de facto, sed solum de iure,
nisi post resurrectionem. Dum
enim peregrinaretur in terris,
subiectus erat fatigationi, fami,
siti, iniurijs, vulneribus, & ipsi
morti; quia tamen illi debebatur
gloria corporis, ideò post mortē
intrauit in gloriam suam, quæ vi-
delicet illi debita erat. Sic ipse
Dominus loquitur post resurre-
ctio-

Lib. I. Cap. IV. 53

tionem, *Nonne oportuit Christum* Luc. 24.

pati, & ita intrare in gloriam suam? Quæ quidem gloria

ideò etiam dicitur sua, quia potest eam alijs etiam dare; & inde

quoque dicitur, *Rex gloria.* & Psal. 21.

Dominus gloria. & *Rex Regum.* 1. Cor. 2.

& ipse dicit Apostolis, *Ego dispono vobis Regnum* : nos enim Apo. 19.

gloriam, & regnum accipere

possumus, sed non dare. & dicitur nobis, *Intra in gaudium Do-* Luc. 22.

mini tui; non, in gaudium tuum.

Hoc igitur est Regnum, de quo Matt. 25.

bonus latro dicit, Cum veneris in

Regnum tuum.

Sed prætereundæ non sunt exi-

miae virtutes, quæ micant in ora-

tione istius sancti latronis, ut mi-

nus miremur, cum responsionem

Christi Domini audiemus. *Do-*

mine, inquit, *memento mei, cum*

veneris in Regnum tuum. Do-

minum appellat, quo titulo se

famulum, vel mancipium potius

emptitium esse faretur; & Chri-

stum, ut redemptorem agnoscit.

54 De sept. verb. Dom.

Addit, *Memento mei*, quod est verbum plenum fide, spe, dilectione, deuotione, humilitate. Non ait, si poteris: quoniam credit, eum omnia posse. Non dicit, si placebit tibi: quia de charitate eius, & pietate planè confidit. Non dicit, cupio Regni consortium: quia humilitas eius id non ferebat. Denique nihil in particulari petit, sed tantùm, *Memento mei*; ac si dicere vellet, si solùm dignaberis meminisse mei, si in me oculum tuæ benignitatis declinare volueris; id mihi satis est, quia de tua potentia, & sapientia certus sum; & de pietate, & charitate omnino confido. Adiungit postremo, *Cum veneris in Regnum tuum*, vt ostendat, se nihil fragile, aut caducum petere, sed ad sola sempiterna, & sublimia suspirare. Sequitur, vt responsionem Christi audiamus. *Amen*, inquit, *dico tibi, hodie mecum eris in paradiso*. Illud, *Amen*, est vox Christo solemnis, qua utebatur, cum ali-

Lib. I. Cap. IV. 55

aliquid seriò affirmare vellet.

Certè sanctus Augustinus non ti- Traff. 4^u
in Ioan.
muit dicere, istam vocem esse

quasi iuramentum Christi: non
est enim propriè iuramentum,

quia cum Dominus apud Mat- Matt. 5.
thæum dixerit, *Ego dico vobis,*

non iurare omnino. & paulò post,

Sit autem sermo vester, est, est:

non, non: quod autem his abun-

dantius est, à malo est. Non est

ullo modo credibile, Dominum,

toties iurauisse, quoties pronun-

tiauit *Amen*, cum vocem illam,

Amen, frequentissimè vsurpau-

erit; & apud sanctum Ioannem,

non solum *Amen*, sed *Amen*,

Amen. Rectè igitur sanctus Au-

gustinus non dixit, *Amen* esse iu-

ramentum, sed quasi iuramentum

Christi. Significat enim ea vox,

verè: & cum quis ait, verè dico

tibi, seriò affirmat, quod est pro-

prium iuramenti. Christus igi-

tur optima ratione latroni dixit,

Amen dico tibi; id est, omnino af-

firmo, & tantum non iuro: quo-

36 De sept. verb. Dom.

niā tribus de causis potuisset latro
ambigere de promissione Christi,
nisi tam asseueranter affirmaret.
Primum, ratione personæ pro-
priæ, quæ non videbatur vllō mo-
do tanto præmio, vel tanto mune-
re digna. Quis enim suspicari
potuisset, latronem de cruce ad
Regnum repente posse transire?
Deinde, ratione personæ Christi
promittentis, qui tunc videbatur
ad extremam inopiam, & debili-
tatem, & calamitatem redactus.
Potuisset enim latro sic ratioci-
nari, si iste non potuit viuens ali-
quid amicis suis præstare; quo-
modo poterit mortuus? Denique,
ratione rei promissæ: promitte-
batur enim paradysus: atqui pa-
radysus, vt tunc notus erat, non
ad animas, sed ad corpora per-
tinebat. Siquidem paradisi nomi-
ne, terrestris paradysus apud He-
bræos significabatur. Credibilis
erat latroni, si Dominus dixisset,
hodie mecum eris in refrigerij
loco cum Abraham, Isaac, & Ia-
cob.

cob. Ob istas igitur causas iure
Dominus præmisit illa verba,
Amen dico tibi.

Hodie. non dicit, in die Iudi-
cij, cum iustis ad dexteram te lo-
cabo. Non ait, post aliquot an-
nos purgatorij, ad refrigerium,
te perducam: non, post aliquot
menses, vel dies te consolabor;
sed *hodie*, antequam sol occum-
bat, mecum transibis de patibulo
crucis ad delicias paradisi. Mira
liberalitas Christi, mira felicitas
peccatoris. Non sine causa san-
ctus Augustinus in lib. de origine
animæ, sanctum Cyprianum secu-
tus, existimat latronem illum,
posse vocari martyrem; & ideò
sine purgatorio transiisse de hoc
mundo ad patriam. Martyrem
autem ideò posse vocari bonum
latronem, quia publicè con-
fessus est Christum, quando ne
ipsi quidem Apostoli verbum de
eo facere audebant. Itaque ob
liberam confessionem, habitam
fuisse apud Deum mortem illius

Lib. I. c.

2.

58 De sept. verb. Dom.

cum Christo, ac si eam pertulisset pro Christo. Illud autem, *Me- cum eris*, quamuis nihil promitteretur aliud, magnum præmium latroni fuisset: nam vt scribit sanctus Augustinus, *ubi malè poterat esse cum illo, & ubi benè esse poterat sine illo?* Non enim paruam mercedem promisit Christus ijs, qui eum sequuntur, quando dixit, *Qui mihi ministrat, me sequatur, & ubi sum ego, illic & minister meus erit.* Sed non societatem suam solùm promisit, sed addidit, *in paradiso.*

Quid hoc loco paradysus significet, etiamsi nonnulli ambigere videantur: non videtur in quaestionem reuocari posse. Certum enim est, Christum ea die post mortem fuisse cum corpore in sepulchro, cum anima apud inferos. id enim disertis verbis symbolū fidei tradit. Certè autem neque sepulchro, neque inferis nomen paradisi cælestis, aut terrestris attribui potest. Non sepulchro, quòd illud
angu.

Lib. I. Cap. IV. 59

angustissimus fuerit locus, & solis cadaueribus recipiendis aptus : vt omittam, quòd in eo sepulchro solum Christi corpus, non etiam latronis positum fuerit ; proinde si de eo loco ageretur, non fuisset adimpleta promissio, *hodie mecum eris*. Neque verò inferis vlla ratione paradisi nomen aptari potest. Paradisus enim significat hortum deliciarum. Et quidem in paradiso terrestri erant arbores florigeræ, & fructiferæ : erant aquæ limpidissimæ, erat aëris amœnitas maxima. In paradiso cælesti erant, & sunt deliciæ immortales, lumen indeficiens, sedes beatorum. Apud inferos verò, etiam in ea parte, vbi sanctorum Patrum animæ morabantur, nulla erat lux, nulla amœnitas, nullæ deliciæ : non quidem illæ animæ torquebantur, sed contra potius consolabatur eas, & exhilarabat spes redemptionis futuræ, & visitatio Christi ad eos venturi. Sed tamen in obscuro carcere quasi

60 De sept. verb. Dom.

Ephes. 4.
Psal 67.

Zach 9.

captivæ detinebantur. Sic enim loquitur Apostolus Prophetâ exponens, *Ascendens in altum, captivam duxit captivitatem.* Et Zacharias ait, *Tu in sanguine testamenti tui emisisti vinctos tuos de lacu, in quo non est aqua. vbi vocabula illa, vinctos tuos; & de lacu, in quo non est aqua, non paradisi amœnitatem, sed carceris obscuritatem significant.* Igitur nomen paradisi hoc loco, nihil significat aliud, nisi beatitudinem animæ, quæ in visione Dei posita est: illa enim verè paradysus deliciarum est, non corporalis, aut localis, sed spiritualis, & cælestis. Atque hæc est ratio, cur petenti latroni, ac dicenti, *Memento me dum veneris in regnum tuum;* Christus non responderit, *hodie mecum eris in Regno meo;* sed, *in paradiso.* quia non fuerat Christus ea die futurus in Regno suo, id est, in perfecta felicitate corporis, & animæ; sed in die Resurrectionis ad Regnum illud perventurus

Lib. I. Cap. IV. 61

turus erat, quando corpus habiturus erat immortale, impassibile, gloriosum, ac nulli omnino servituti, vel subiectioni obnoxium. Neque in hoc Regno socium habiturus erat bonum latronem usque ad communem resurrectionem, atque ultimi iudicii diem. Verissime autem, & propriè illi dixit, *hodie mecum eris in paradiso*: quoniam illa ipsa die communicaturus erat tum animæ boni latronis, tum animabus omnium Sanctorum apud inferos degentium, gloriam visionis Dei, quam ipse ab ipsa conceptione acceperat: hæc enim est gloria, siue felicitas essentialis, atque id bonum, quod est præcipuum in cælesti paradiso. Et est sanè admiranda proprietas verborum Christi. Non enim dixit, erimus hodie in paradiso, vel adibimus hodie paradisum: sed, *mecum eris hodie in paradiso*. Quasi dicere voluisset, tu mecum es hodie in cruce, sed non es mecum in paradiso,

62 De sept. verb. Dom.

radiso, in quo ego sum, quò ad
portionem animæ superiorem; ;
Sed paulò post, hac ipsa die, me-
cum eris non solum extra crucem,
sed etiam intra paradisum.

C A P. V.

De primo fructu verbi secundi.

EX verbo secundo in cruce
prolato, aliquot, eosq; exi-
mios fructus colligere possumus.
Primus fructus est, consideratio
immensæ misericordiæ, & libera-
litis Christi; & quàm bonum,
atque vtile sit illi seruire. Chri-
stus oppressus doloribus, potuif-
set latronem orantem non audi-
re; sed charitas maluit obliuisci
dolorum acerbissimorum, quàm
miserum peccatorem cõsentem
non audire. Idem Dominus ad
maledicta, & exprobrationes sa-
cerdotum & militum omnino ob-
mu-

mutuit; sed ad clamorem pauperis pœnitentis, & confitentis charitas obmutescere non potuit. Ad maledicta obmutuit, quia patiens est: ad confessionem non obmutuit, quia benigna est. Sed de liberalitate quid dicemus? Qui seruiunt temporalibus Dôminis, sæpè multum laborant, & modicum est, quod lucrantur. Certè non paucos videmus quotidie, qui in aulis Principum ætatem contriuerunt, & in senio postea domum redeunt penè mendici. Christus autem Princeps verè liberalis, verè magnificus, nihil accepit ab isto latrone, nisi pauca verba bona, & bonum illi obsequendi desiderium: & ecce qualem mercedem accepit. Ipsa die, primùm dimittuntur ei debita multa, quæ toto vitæ tempore peccando contraxerat: deinde admiscetur principibus populi sui, Patriarchis videlicet & Prophetis: denique assumitur ad consortium mensæ suæ, dignitatis suæ,

64 De sept. verb. Dom.

suæ, gloriæ suæ; atque adeò omnium bonorum suorum. *Hodie*, inquit, *mecum eris in paradiso*. Et quod dixit, fecit, neque distulit mercedem eius ad alteram diem; sed illa ipsa die mercedem plenam, confertam, coagitatam, superaffluentem dedit in sinum eius.

Luc. 6.

Neque cum solo latrone isto Christus hoc fecit. Reliquerunt Apostoli nauiculas, aut telonia, aut domunculas suas, ut Christo seruirent: ille verò constituit eos

Psal 44. *Principes super omnem terram;*

Matt. 10 subiecit eis dæmonia, & serpentes, & omnia morborum genera.

Dedit aliquis, ut Christo obsequeretur, pauperi cibum, aut ve-

Matt. 25 stes: audiet in die Iudicii, *Esuri-*

ui, & dedisti mihi panem: nudus eram, & vestisti me: accipe

ergo, & posside Regnum sempiternum. Denique, ut alia prætermittam, audi liberalitatem

Domini plane incredibilem, nisi

Matt. 29 Deus esset, qui promittit: *Omnia,*

qui

qui reliquerit domum, vel fratres,
aut sorores, aut patrem, aut ma-
trem, aut uxorem, aut filios, aut
agros propter nomen meum, cen-
tuplum accipiet, & vitam aternā
possidebit.

*In Com-
ment. ad
cap. 19.
Matth.*

Explicant autem san-
ctus Hieronymus, & alij sacri Do-
ctores hanc promissionem, vt hac
sit eorum verborum sententia:
qui rem aliquam temporariam
pro Christo in praesenti vita di-
miserit; duplicem mercedem ac-
cipiet; & vtramque incompara-
biliter maiorem, quā sit res il-
la pro Christo dimissa. Primum
enim accipiet spirituale gaudiū,
sive spirituale donum in hac vita,
centuplo maius, ac pretiosius,
quā sit res illa pro Christo di-
missa, sic vt recto iudicio malit vir
ille spirituale illud bonum sibi re-
tinere, quā illud cum centum
domibus, vel agris, vel alijs re-
bus similibus commutare. Dein-
de ac si merces ista exigua, aut
nulla fuisset, accipiet felix ille
mercator, in futuro saeculo vitam

ater-

66 De sept. verb. Dom.

æternam; quæ voce, immensa bonorum omnium copia significatur.

Hæc videlicet est Christi Regis maximi liberalitas in eos, qui serio se ipsius seruitio mancipare non dubitant. An non igitur stulti sunt, qui Christo dimisso, mammonæ, aut gulæ, aut luxuriæ seruire cupiunt? Sed, inquiunt, qui Christi diuitias non nouerunt; ista verba sunt, nos enim videmus Christi famulos plerunque pauperes, sordidos, abiectos, tristes. Istud verò centuplum, quod magnificas, nunquam vidimus. Ita est, carnalis homo non vidit vnquam illud centuplum, quod Christus promisit, quia non habet oculos, quibus videri potest: neque vnquam solidum illud gaudium gustauit, quod pura conscientia, & vera charitas in Deum degustare solet. Sed exemplum afferre volo, ex quo vtrumque carnalis etiam animus spirituales delicias, & diuitias suspicari possit.

Le-

Legitur in libro exemplorum de illustribus viris Ordinis Cisterciensis, Arnulphum quendam virum nobilem, & diuitem relictis omnibus factum esse monachum Cisterciensem sub Abbate sancto Bernardo. Hunc Deus flagellis durissimis variorum morborum, præsertim circa finem vitæ exercuit. Sed cum doloribus acrius torqueretur, cepit magna voce clamare, ac dicere, *Vera sunt omnia, quæ dixisti Domine Iesu. Interrogantibus qui astabant, cur ista diceret, ait, Dominus in Euangelio suo dicit, Qui reliquerit diuitias, & omnia, quæ habet propter ipsum, eum accepturum centuplum in hac vita, & postea vitam æternam. Ego vim huius promissionis, nunc demum intelligo, & fateor, me nunc centuplum accipere omnium quæ dimisi: siquidem immensa huius doloris acerbitas adeo mihi sapit propter spem diuinæ miserationis, quæ in ea reposita est mihi, ut hac ipsa*

Dist. 3.
exempl. 26.

68 De sept. verb. Dom.

caruisse me nolim, pro centuplicata mundi substantia, quam reliqui. Verè enim spirituale gaudium, quod modo est in spe, centies milles exuperat gaudium saculare, quod nunc est in re. hæc ille. Perpendat Lector hæc verba, & postea iudicet, quanti facienda sit spes certa, diuinitus infusa, beatitudinis æternæ iam iam obtinendæ.

C A P. V I.

De secundo fructu verbi secundi.

Alter fructus est eiusdem secundi verbi, cognitio potentiae gratiae Dei, & imbecillitatis voluntatis humanæ. Ex qua cognitione discere poterimus, optimum esse confidere plurimum in auxilio Dei, & diffidere plurimū de viribus proprijs. Cognoscere cupis potentiam gratiae Dei? respice

spice latronem bonum. Hic fuerat insignis peccator, & in statu illo deterrimo perseverauerat usque ad supplicium crucis, id est, paulò minus, quàm usque ad mortem: & non aderat illi in tanto periculo damnationis æternæ ullus, qui vel consilio, vel auxilio eum iuaret: quamvis enim vicinissimus esset Saluatori, tamen audiebat Pontifices, & Phariseos affirmantes illum esse seductorem, ambitiosum, Regni alieni affectatorem: audiebat latronem socium suum, similia Christo improperantem. Nemo erat, qui pro Christo verbum aliquod loqueretur; ac ne ipse quidē Christus blasphemias illas, & maledicta refellebat. Et tamen aspirante gratia Dei, cùm hic nullum ad salutem subsidium habere videretur, & gehennæ vicinissimus esset, & à vita æterna, quàm longissimè abesset: in momento illustratus, & ad meliora conuersus, confitetur Christum, esse innocentem, & Regem futuri

70 De sept. verb. Dom.

ri sæculi : & quasi prædicator effectus , corripit sodalem suum , suadet illi pœnitentiam ; & coram omnibus , commendat se deuotè , & humiliter Christo . Denique ita se gerit , vt quod supererat pœnalis cruciatus in ligno , conuerteretur illi in purgatoriâ pœnam , & mox à morte intraret in gaudium Domini sui . Ex quo intelligimus , nullum debere desperare salutem , quando iste qui venit ad vineam Domini hora ferè duodecima , mercedem accepit cum ijs , qui venerant hora prima . Contra verò latro alter , vt ostendatur infirmitas humana , non est correctus ex tam insigni charitate Christi , qui pro crucifixoribus suis tam amanter orauit ; neque ex proprio supplicio suo , neque ex admonitione , & exemplo socij ; neque ex insolitis tenebris , & scissione petrarum ; neque exemplo eorum , qui Christo mortuo , reuertebantur percutientes pectora sua . Quæ omnia

Lib. I. Cap. VI. 71

nia contigerunt post conuersionem boni latronis, ut intelligeremus, latronem alterum sine his subsidijs conuerti potuisse, alterum cum his omnibus non potuisse, vel potius noluisse.

At cur, inquires, Deus vni gratiam conuersionis inspirauit, alteri non inspirauit? Respondeo, sufficientem gratiam neutri dedisse, & si alter eorum perijt, culpa sua perijt: si alter conuersus est, gratia Dei conuersus est, non sine cooperatione liberi arbitrij.

Sed cur, inquires, non dedit vtrique Deus gratiam illam efficacē, quæ à nullo duro corde respuitur? Istud ad secreta Dei pertinet, quæ nos admirari, non scrutari decet, cum illud nobis satis esse debeat, non esse iniquitatem apud Deum, ut Apostolus loquitur, & iudicia Dei occulta esse posse, iniusta esse non posse, ut loquitur sanctus Doctor Augustinus.

Rom. 9.

Illud magis ad nos pertinet, ut ab his exemplis discamus non

Epi. 103

differ-

712 De sept. verbis Dom.

differre conuerſionem, uſque ad
 uitæ finem. Nam etſi vni conti-
 git, in extrema hora Dei gratiam
 inuenire; alteri contigit iudicium
 inuenire. Et ſi quis vel hitorias
 legat, vel caſus quotidianos ob-
 ſeruet, inueniet profectò, rarissi-
 mos fuiſſe, qui feliciter de hoc
 mundo exierint, cum per totum
 uitæ ſuæ curſum perditè vixerint;
 & contra plurimos fuiſſe, qui poſt
 vitam negligenter actam, ad pec-
 nas æternas rapti fuerint. Quem-
 admodum è contrario paucos om-
 nino numerari, qui benè, ſanctèq;
 vixerint, & tamen infelicitè, mi-
 ſerèq; perierint; & contra pluri-
 mos numerari, qui poſt vitam ſan-
 ctè, pièq; ductam ad gaudia ſem-
 piterna peruenerint. Nimiſ om-
 nino audaces ſunt, nimisq; teme-
 rarij, qui in re tanti momenti,
 cum de vita ſempiterna, vel de
 ſempiternis ſupplicijs agitur, au-
 dent vel vnum diem in peccato
 lethali hærerè, cum ſingulis mo-
 mentis de vita præſenti abire
 quea-

queamus ; & post mortem nullus
sit amplius locus poenitentiae , &
in inferno nulla sit redemptio.

C A P. V I I.

*De tertio fructu verbi
secundi.*

FRUCTUS tertius ex eodem ver-
bo Domini colligi poterit, si
quis aduertat, tres fuisse in loco
eodem, & hora eadem crucifixos:
innocentem vnum, videlicet Chri-
stum: alterum poenitentem, latro-
nem bonum: tertium obstinatum
in peccato, latronem malum.
Vel si magis placeat, tres fuisse
vno tempore cruci affixos: Chri-
stum semper, & excellenter san-
ctum: latronem vnum, semper, &
eximiè improbum: latronem al-
terum, aliquando scelestum, ali-
quando sanctum. Ex qua re intel-
ligere possumus, neminem in hac
vita sine cruce posse viuere ; &

74 De sept. verb. Dom.

frustra niti illos, qui crucem omnino fugere se posse confidunt; illos verò sapientes esse, qui de manu Domini crucem suam accipiunt, eamq; vsque ad mortem non solum patienter, sed etiam libenter ferunt. Quòd omnes boni crucem suam habeant, ex verbis Domini potest intelligi. *Qui*

Matt. 16 *vult, inquit, venire post me, abneget semetipsum, tollat crucem suam, & sequatur me. & alibi,*

Luc. 14. *Qui non baiulat crucem suam, & venit post me, non potest meus esse discipulus. Quod idem Apo-*

4. Tim. 3. *stolus apertè docet, cùm ait, Omnes qui volunt piè vivere in Christo Iesu, persecutionem patientur. cui concordant sancti Patres Latini, & Græci, ex quibus, causa breuitatis, duos tantùm adducā.*

Sanctus Augustinus in commentario psalmorum. Vita ista, inquit, parua, tribulatio est: si non est tribulatio, non est peregrinatio. si autem peregrinatio est, aut parum patriam diligis, aut sine dubio

dubio tribularis. & alio loco, Si putas te nondum habere tribulationes, nondum capisti esse Chri- *ad psal. 11.*

stianus. Sanctus Ioan. Chrysostomus in homilia quadam ad populum Antiochenum, sic loquitur,

A Christiani vita insolubile vinculum est tribulatio. Idem Doctor, *Hom. 67. ad pop. Hom. 29.*

Non potes, inquit, dicere, *in epist. ad Hebr.*

quia iustus est aliquis, qui expers tribulationis existat. Denique id ipsum ratio manifestè probat.

Res enim contrariæ sine mutua concertatione simul esse non possunt. Ignis, & aqua, donec inter se distant, omnino quiescunt: cum in vnum locum conueniunt, continuo aqua fumare, saltare, stridere incipit, donec vel aqua consumitur, vel ignis extinguitur.

Contra malum, bonum est, inquit *Eccles 33*

Ecclesiasticus, & contra mortem, vita: sic & contra virum iustum, peccator. Iusti sunt igni similes,

lucent, ardent, sursum ascendunt, semper operantur, & efficaciter agunt quicquid agunt. Iniusti cō-

76 De sept. verb. Dom.

tra, similes sunt aquæ, frigidi, per
 terram labentes, lutum vbique
 facientes. Quid ergo mirum, si
 omnes boni persecutionem a ma-
 lis patiuntur? Quia verò, vsque
 ad mundi consummationem, per-
 mixta erunt triticum, & zizania
 in eodem agro: palea, & frumen-
 tum in eadem area: boni & mali
 pisces in eodem reti; id est, homi-
 nes probi, & improbi non solum
 in eodem mundo, sed etiam in
 eadem Ecclesia; ideò fieri non
 potest, vt probi & sancti viri ab
 improbis, & sceleratis tribulatio-
 nem non patiantur.

Sed nec improbi sine cruce in
 hoc mundo viuunt. Quâuis enim
 à viris pijs impij persecutionem
 non patiantur, patiuntur tamen
 ab alijs impijs, patiuntur à pro-
 prijs vitijs, patiuntur à mala con-
 scientia. Certè sapientissimus Sa-
 lomon, qui si vllus alius, felicissi-
 mus fuisse visus est, crucem se
 portare negare non potuit, cum

Ecclef. 2. ait, Vidi in omnibus vanitatem,

& af.

*& afflictionem animi . & paulò
infra , Et reduit me vita mea , vi-
dentem mala uniuersa esse sub so-
le , & cuncta vanitatem , & affli-
ctionem spiritus . Et Ecclesiasti-
cus , vir quoque sapiens valde , ge-
neralem sententiam protulit , di-
cens , Occupatio magna creata est
omnibus hominibus , & iugum <sup>Ecclesia-
stici 40.</sup>
graue super filios Adam . Sanctus
Augustinus in psalmos , Inter om- <sup>in psal.
45.</sup>
nes , inquit , tribulationes , nulla
est maior , quàm conscientia deli-
etorum . Sanctus Ioan. Chryosto- ^{hom. 30.}
mus in homilia de Lazaro docet
multis verbis , non posse impro-
bos cruce sua carere . nam si pau-
per est , paupertas illi crux est ; si
abest paupertas , adest cupiditas ,
quæ magis affligit ; si ex morbo
decumbit , in cruce iacet ; si liber
à morbo est , inflammatur ira , quæ
ipsa quoque crux est . Sanctus ve-
rò Cyprianus ex ipsa natiuitate
demonstrat , omnem hominem ad
crucem , & tribulationem nasci ,
eamque naturaliter fletu suo præ-*

78 De sept. verb. Dom.

Serm. de
passione.

dicere . *Vnusquisque nostrum ,
inquit , cū nascitur , & hospitio
mundi huius excipitur , initium
sumit à lacrymis . Et quamuis
adhuc omnium nescius , & igna-
rus , nihil aliud nouit , in illa ipsa
prima natiuitate , quàm flere : pro-
uidentia naturali lamentatur vi-
tæ mortalis anxietates , & labores ;
& procellas mundi , quas ingredi-
tur , in exordio statim suo plora-
tu , & gemitu rudis anima prote-
statur .*

Quæ cū ita sint , nemini du-
bium esse potest , quin sit crux bo-
nis , malisq; communis . Illud re-
stat , vt demonstramus , crucem
piorum esse breuem , leuem , & fru-
giferam : & contra , crucem im-
probiorum , esse diuturnam , gra-
uem , & sterilem . Ac de cruce
quidem piorum , quòd sit breuis ,
dubitari non potest , cū ultra
tempus vitæ huius extendi non
possit . Morientibus enim iustis ,

*Apoc. 14 iam dicit spiritus , vt requiescant
à laboribus suis , & quòd absterget
Deus*

Deus omnem lacrymam ab oculis eorum. Vitam autem præsentem esse breuissimam, quamuis dum fluit, videatur esse prolixa, Scriptura diuina non obscurè significat, cum dicit, Breues dies hominis sunt. &, Homo natus de muliere, breui viuens tempore. &, Quæ est vita vestra? vapor est ad modicum parens, & deinceps exterminabitur. Apostolus autem, qui grauissimam crucem portasse videtur, & tempore satis longo, ab adolescentia videlicet vsque ad senectutem: tamen sic loquitur in epistola ad Corinthios, Momentaneum hoc, & leue tribulationis nostræ, supra modum in sublimitate æternum gloriæ pondus operatur in nobis. Vbi momento indiuisibili comparat annos tribulationis supra triginta, & leuem tribulationem dicit, esurire, sitire, nudum esse, colaphis cædi, persecutionem assiduè pati, ter virgis fuisse cæsum à Romanis, quinquies flagellatū à Iudæis,

Iob. 14.

Ibid.

Iac. 4.

2. Cor. 4.

1. Cor. 4.

2. Cor. 11.

80 De sept. verb. Dom.

semel lapidatum fuisse, ter naufragium fecisse. Denique versatum in laboribus plurimis, in carceribus abundantius, in plagis supra modum, in mortibus frequenter. Quæ igitur tribulationes graues dici poterunt, si istæ leues verè dicuntur, & sunt? Quid, si addam, iustorum crucem, non solum leuem esse, sed etiam suauem, & dulcem ob superabundantem diuini spiritus cōsolationem? Christus ipse de iugo suo, quod & crux dici potest, ita pronunciat, *Iugum meum suauē est, & onus meum leue.* & alibi, *Plorabitis, & flebitis vos, mundus autem gaudet: vos autem contristabimini, sed tristitia vertetur in gaudium; & gaudium vestrum nemo tollet a vobis.* & Apostolus, *Repletus sum consolatione, superabundo gaudio in omni tribulatione nostra.* Denique crucem iustorum nō solum breuem, & leuem esse, sed etiam frugiferam, vtilissimam, foecundissimam fructuum optimorum esse,

Joan. 16.

Matt. 11

2. Cor. 7.

Lib. I. Cap. VII. 81

esse, negari non potest, cum Dominus noster apertissime dicat apud sanctum Matthæum, *Beati qui persecutionem patiuntur propter iustitiam: quoniam ipsorum est Regnum celorum.* & Apostolus in epistola ad Romanos clamat, *Non sunt condignæ passionēs huius temporis ad futuram gloriam, quæ reuelabitur in nobis.* Cui concordat coapostolus eius Petrus, cum ait, *Communicantes Christi passionibus gaudete, ut & in reuelatione gloriæ eius gaudeatis exultantes.*

Iam verò quòd crux improborum sit longissima, durissima, & sine vlllo premio, vel fructu, nullo negotio demonstrari potest. Certè crux mali latronis non cum temporali vita finem accepit, ut crux latronis boni; sed usque ad hanc diem apud inferos durat, & in omnem æternitatem durabit. *Vermis enim impiorum apud inferos non morietur, & ignis eorum non exstinguetur.* Et crux

82 De sept. verb. Dom.

Luc. 16. diuitis Epulonis, id est, sitis cum-
mulandarum opum, quas Domi-
Mat. 13 nus cum spinis verissimè compa-
rauit, quæ sine molestia tractari,
& conseruari non possunt, non
in morte finita est, vt crux Laza-
ri mendici: sed ad inferos eum
comitata perpetuò vrit, ac tor-
quet, ac dicere cogit, vtinam
aquæ gutta linguam meam refri-
geraret, *quia crucior in hac flam-*
ma. Itaque crux improborum
finem nullum inueniet. Et in
hoc ipso tempore, quàm sit gra-
uis & aspera, testantur voces illo-
rum, quos liber Sapientiæ lamen-
Sap. 3. tantes introducit. *Lassati sumus*
in via iniquitatis & perditionis,
& ambulauimus vias difficiles.
Quid? an non sunt viæ difficiles,
ambitio, auaritia, luxuria? non
sunt viæ difficiles, quæ illa vitia
comitantur, iræ, rixæ, inuidiæ?
non sunt viæ difficiles, opera, quæ
ex his vitijs nascuntur, prodition-
es, conuicia, contumeliæ, vulne-
ra, mortes? ista certè eiusmodi
sunt,

Lib.I. Cap.VII. 83

sunt, vt non rarò adigant homines, vt desperantes ipsi sibi vitam auferant; & vt crucem vnā efugiant, ipsi sibi crucem grauiorem accersant.

Sed quid tandem lucri crux improborum parit? quem fructum affert? certè boni aliquid afferre non potest, quia non faciunt spinæ vuas, nec tribuli ficus. Iugum Domini quietem affert, dicente ipso Domino, *Tollite iugum meum* Mat. 11. *super vos, & inuenietis requiem animabus vestris.* Iugum diaboli, quod est Christi iugo contrarium, quid afferre potest, nisi sollicitudinem, & anxietatem? Et quod omnium grauissimum est, crux Christi gradus est ad sempiternam felicitatem; Oportuit enim Luc. 14. *Christum pati, & ita intrare in gloriam suam.* Crux diaboli gradus est ad æterna supplicia. sic enim dicet in iudicio Dominus, Mat. 25. *Ite in ignem æternum, qui paratus est diabolo, & angelis eius.* Qui ergo sapiunt, non quærant de

84 De sept. verb. Dom.

cruce sua descendere, si cum Christo crucifixi sunt, ut stultè malus latro quæsiuit: sed potius cum latrone bono lateri Christi libenter inhæreant, & patientiam postulent à Deo, non de cruce descensum. Sic enim Christo compatientes, Christo etiam conregnabunt, dicente Apostolo, *Si compatimur, & cōglorificabimur.* Qui verò crucem diaboli patiuntur, si sapiunt, eam primo quoque tempore permutare satagāt: mutant, si aliquid luminis in ipsis est, quinque iuga bouum cum vno Christi iugo. Iuga bouum quinque nihil aliud significare videntur, nisi labores, & dolores, quos tolerant homines improbi, ut quinque sensibus carnis suæ deseruiāt. Tum verò cum vno Christi iugo suauis, ac leui, quinque iuga bouum commutantur, cum homo labores, quos peccando tolerabat, in labores agenda pœnitentiæ, Deo iuuante permutat. Felix anima, quæ carnem suam cum vitijs, &

con-

Rom. 8.

Luc. 24.


Lib.I. Cap.VII. 85

concupiscentijs crucifigere nouit : & quas pecunias in explendis cupiditatibus infumebat, in elemosynis faciendis infumere assuefcit : & quas horas perdebat in comitandis, aut visitandis magnis uiris , molestissima ambitione cogente; eas in oratione , vel sacra lectione consumit, ambiendo gratiam Dei, & Principum curiæ cælestis. sic enim crux mali latronis, cum Christi cruce , id est, crux grauis, & sterilis, cum cruce leui, & fructuosa mutatur.

Prudenter omnino apud sanctum Augustinum miles honoratus, cum suo commilitone de cruce mutanda sic differebat . *Dic Lib 2. cō*
quæso te, omnibus istis laboribus f. 11. 6.
nostris, quò ambimus peruenire?
quid quærimus? cuius rei causa
militamus? maior ne esse poterit
spes nostra in palatio, quàm ut
amici Imperatoris simus? & ibi
quid non fragile, plenumque peri-
culis? & per quot pericula perue-
nitur ad grandius periculum? &
quan-

86 De sept. verb. Dom.

quandiu istud erit? Amicus autem Dei, si voluero esse, ecce nunc fio. hæc ille, qui prudentissimè iudicauit, labores in ambienda gratia Imperatoris, grauissimos, & longissimos, & sæpè infructuosos; vtilissimū esse mutare in labores suauiores, & breuiiores, & sine dubitatione vtiliores in ambienda amicitia Dei. Id quod etiam felices illi milites continuo fecerunt. vterque enim relicta militia seculari soli Deo seruire cæperunt. Et quod eis gaudium duplicauit, fuit, quòd ambo sponfas habebant, quæ hoc audito, libentissimè etiam ipsæ virginitatem suam dicauerunt Deo.



C A P. V I I I.

*Explicatur ad litteram verbum tertium : Ecce mater tua , ecce filius tuus .
Ioan. 19.*

Postrema sententia ex tribus illis, quæ ad charitatem proximi propriè pertinent, illa fuit, *Ecce mater tua , ecce filius tuus .* Sed antequam ad hæc verba veniamus , explicanda sunt verba Evangelistæ præcedentia. sic enim loquitur sanctus Ioannes, *Stabant autem iuxta crucem Iesu mater eius, & soror matris eius Maria Cleopha, & Maria Magdalene . Cum vidisset ergo Iesus matrem stantem, & discipulum quem diligebat, dicit matri suæ, Ecce filius tuus ; deinde dicit discipulo, ecce mater tua, & ex illa hora, accepit eam discipulus in sua .* Ex tribus

88 De sept. verb. Dom.

bus mulieribus, quæ cruci Domini astant, duæ notissimæ sunt, Maria mater Domini, & Maria Magdalene. De Maria Cleophæ nonnulla quæstio est. vulgo enim fertur Mariam Cleophæ fuisse germanam sororem B. Virginis Deiparæ, ex Anna matre procreatam: quibus addunt & tertiam sororem, Mariam Salome. Sed hæc opinio penitus explodenda est. Nam neque credibile est, tres sorores eodem nomine appellatas fuisse: & satis constans eruditorū, & piorum sententia est, B. Annam solius Virginis Mariæ matrem fuisse, neque vlla est Maria Salome in Euangelijs. Vbi enim scribit sanctus Marcus, *Maria Magdalene, & Maria Iacobi, & Salome emerunt aromata; vox Salome*, non est casus secundi, quasi significet, Mariā Salome, vt paulò ante dixit, Mariam Iacobi: sed est casus primi, & est generis feminini, vt manifestum est ex græco textu, *αὐλῶμην*. Denique Salome

vxor

vxor erat Zebedæi, & mater Iacobi, & Ioannis Apostolorum, vt intelligi potest ex sancto Matthæo cap. 27. & Marco cap. 15. sicut Maria Iacobi, siue Cleophæ, erat vxor Cleophæ, & mater Iacobi minoris, & Iudæ, siue Thaddæi. Vera igitur sentētia est, Mariam Cleophæ appellatam fuisse sororem Virginis Deiparę, quia Cleophas, frater erat sancti Iosephi sponsi Virginis Marię: coniuges enim duorum fratrum, rectē dici possunt inter se sorores. Quæ ratione etiam Iacobus minor dictus est frater Domini, consobrīnus videlicet, quia erat filius Cleophæ fratris, vt diximus, Iosephi. Hanc historiam scribit Eusebius Cæsariensis in historia Ecclesiastica, & adducit fidelem auctorem Egesippum, qui tempora Apostolorum attigit. Quod idem confirmat sanctus Hieronymus in libro aduersus Heluidium.

Lib. 2. c.
1. & lib.
9. c. 11.

Alia etiam literalis quæstio hic breuiter dissoluenda est, quomodo

90 De sept. verb. Dom.

*s. Augu-
stini.*

do dicat sanctus Ioānes, tres istas mulieres stetisse iuxta crucem Domini, cū Marcus cap. 15. & Lucas cap. 23. scribant eas longè stetisse. Concordat hæc testimonia sanctus Augustinus in libro 3. de consensu Evangelistarum, quòd sanctæ istæ mulieres dici possint & longè à cruce, & iuxta crucem fuisse. Longè, si conferantur ad milites, & satellites, qui tam prope erant, vt crucem tangerent. Iuxta verò, quia vocem Christi facilè poterant exaudire, ob vicinitatem: quod non poterant turbæ, quæ longissimè aberant. Posset etiam dici, tres illas sanctas mulieres, cū fieret crucifixio, longè admodū stetisse, impediēte turba, & militibus; sed paulò post, crucifixione completa, multisq; recedentibus, tres istas mulieres cum sancto Ioanne propius accessisse. Ex quo soluitur alia quæstio, qua ratione potuerint sancta Virgo, & sanctus Ioannes de se intelligere verba Domini,

Hic

Lib. I. Cap. VIII. 91

Hic est filius tuus, hæc est mater tua, cum turba frequens adesset, & Christus neque Virginem, neque discipulum appellasset ex nomine. Respondemus enim, tres illas mulieres, & sanctum Ioannē prope crucem astitisse, ut facile posset Dominus oculis designare personas, ad quas loquebatur, præsertim cum certum esset illum loqui ad suos, non ad extraneos: inter suos autem nullum fuisse virum, cui dici posset, *hæc est mater tua*, nisi sanctum Ioannem; & nullam ibi fuisse mulierem, quæ per mortem orbaretur filio, nisi Virginem matrem. Dixit igitur matri, *Ecce filius tuus*; & discipulo, *Ecce mater tua*. quorum verborum hæc sententia est, Ego quidem transeo de hoc mundo ad Patrem: & quoniam noui, te matrem meam, neque parentes habere, neque virum, neque fratres, aut sorores: ut non relinquam te omni humano auxilio destitutam, cōmendo te Ioanni discipulo meo

92 De sept. verb. Dom.

charissimo : ille erit tibi in filium,
& tu eris illi in matrem . Quod
salubre consilium , vel imperium
Christi , vtrique valdè placuit , &
vterque , vt credibile est , capite
inclinato annuit . & de se sanctus
Ioannes ait , *& ex illa hora acce-*
pit eam discipulus in sua : hoc est
continuo paruit . & enumerauit
eam inter personas , quarum cura ,
& prouidentia ad se pertinebat ,
quales erant parentes eius iam
senes , Zebedæus , & Salome .

Sed occurrit hoc loco noua
quæstio literalis . Sanctus enim
Ioannes vnus ex illis erat , qui di-
Matth. 19 xerant , *Ecce nos reliquimus om-*
nia, & sequuti sumus te, quid er-
go erit nobis ? & inter ea , quæ re-
liquerant , Dominus ipse numerat
patrem , & matrem , fratres , &
sorores , domum , & agros . & de
isto ipso sancto Ioanne , & fratre
eius sancto Iacobo scripsit sanctus
Matth. 4. Matthæus , *Illi autem relictis re-*
tibus, & patre, secuti sunt eum.
Cur igitur qui reliquerat vnâ
ma-

matrem, iterum accipit aliam matrem? Sed responsio facilis est. Apostoli enim vt Christum sequerentur, dimiserunt patrem, & matrem, quatenus illis impedimento esse possent ad Euangelium prædicandum; & quatenus inde commodum, vel delectationem carnalem percipere possent. Sed non dimiserunt sollicitudinem, quam ex iustitia exhibere tenebantur parentibus, aut filijs directione, vel subsidio indigentibus. Quæ ratio est (vt passim Doctores affirmant) vt non possit filius ingredi ordinem religiosum, qui patrem habet vel senio confectum, vel egestate ita pressum, vt sine ope filij vitam sustentare non possit. Sic igitur sanctus Ioannes reliquit patrem, & matrem, quando eius opera non indigebant: curam verò, & sollicitudinem Virginis matris, Christo iubente suscepit, quoniam destituta erat omni humano subsidio. Poterat quidē Deus sine humano labore, per

S. Tho. 2.
2. 2. 189.
art. 6.

94 De sept. verb. Dom.

Angelos, matri suæ, quæ ad vitam
 illi necessaria erant, facile procu-
 rare : nam & ipsi Christo in deser-
Matt. 4. to Angeli ministrabant : sed vo-
 luit id fieri per Ioannem, vt simul
 & Virgini prospiceret, & Ioannē
 honoraret, & adiuuaret. Nam &
 Eliam Deus misit apud viduam,
 sustentandum, non quòd non pos-
 set per coruos alere, vt antea fe-
 cerat, sed vt viduæ benediceret,
Ser. 26. vt sanctus Augustinus admonuit.
de verb. Sic igitur placuit Domino matris
Domini. sollicitudinem Discipulo deman-
 dare, vt ipsum maximo beneficio
 afficeret, ac verè sibi dilectum,
 præter ceteros esse demonstraret.
Matt. 19. Verè enim in hac mutatione ma-
 tris, impletum est illud, *Qui re-*
liquerit patrem, vel matrem, &c.
centuplum accipiet, & vitam
eternam possidebit. Verè enim
 centuplum accepit, qui reliquit
 matrem, vxorem piscatoris, &
 accepit in matrem, matrem crea-
 toris, mundi Dominam, gratia
 plenam, benedictam inter mulie-
 res,

Lib. I. Cap. IX. 95

res, & exaltandam paulò post super choros Angelorum ad cælestia regna.

C A P. I X.

*De primo fructu verbi
tertij.*

EX hoc tertio verbo multi fructus colligi possunt, si quis omnia diligenter obseruet. Ac primum colligi poterit, infinitum in Christo fuisse desiderium pro nostra salute patiendi, vt plenissima, & copiosissima esset redemptio. Nam cæteri homines cauent in morte, & multò magis in morte violenta, & plena dedecoris, & infamiæ, ne propinqui præsentés adsint, ne dolor & tristitia ab eorum præsentia duplicetur. Christus autem non contentus passione propria, eaque atrocissima, doloris & dedecoris plena: voluit etiam vt propria mater, & disci-

96 De sept. verb. Dom.

discipulus, quem diligebat, adessent, & prope ipsam crucem astarent, ut dolor compassionis charorum, dolorem passionis propriæ duplicaret. Erat Christus in cruce, quatuor quasi fontes sanguinis copiosè diffundens; voluit ut astarent mater, & discipulus, nec non Maria soror matris eius, & Magdalena, quæ præter cæteras sanctas mulieres eum ardentissimè diligebant, ut ex illis quatuor fontes lacrymarum erumperent: ut penè non minus ipse torqueretur ex propria sanguinis effusione, quàm ex copioso imbri lacrymarum, quem dolor astantium ex eorum cordibus exprimebat. Videor mihi dicentem Christum

Psal. 17. audire, *Circumdederunt me dolores mortis*: sed non minus cor meum lancinat, & disrumpit gladius ille à Symeone prædictus, qui matris meæ innocentissimæ animam cum incredibili dolore pertransit. Siccinè separas amara mors, non animam solùm à corpore,

pore; sed etiam matrem, & talem matrem à filio, & tali filio? Ideò enim non permisit amor, vt dicerem, *Mater*, sed, *mulier ecce filius tuus*. Sic Deus dilexit mundum, vt pro eius redemptione filium suum vnigenitum daret: & sic filius vnigenitus dilexit Patrem, vt pro eius honore sanguinem proprium largè profunderet: & non contentus dolore passionis, addidit & dolorem compassionis, vt esset pro peccatis copiosissima satisfactio. Itaque Pater, & Filius commendant charitatem suã in nobis, ineffabili ratione, & modo, vt non pereamus, sed vt vitam æternam habeamus: & tamen cor humanum adhuc tantæ charitati resistit; & mauult iram omnipotentis Dei viuētis experiri, quàm dulcedinem misericordiæ degustare, & charitati diuini amoris cedere. Verè ingratis sumus, & omni supplicio digni, si cùm Christus tanto nos amore dilexerit, vt pro nobis pati voluerit

98 De sept. verb. Dom.

multò amplius , quàm necesse esset ; & cùm ad redemptionem nostram gutta vna sanguinis eius sufficeret , ipse totum sanguinem fundere , & innumerabilia supplicia sustinere voluerit : nos pro eius dilectione , & nostra salute vix quod satis sit , tolerare velimus .

Causa huius tantæ socordix , & stultitiæ non alia est , nisi quia Christi passionem , & dilectionem serió , & attentè , vt oporteret , non cogitamus ; & tempora , & loca apta ad tantum negocium non eligimus : sed breuiter , & cursim Christi passionem legimus , vel audimus . Ideò Propheta sanctus

Thren. 1. monet, *Attendite & videte, si est dolor similis, sicut dolor meus.*

Hebr. 12. & Apostolus ait, *Recogitate eum, qui talem sustinuit à peccatoribus aduersus semetipsum contradictionem, vt ne fatigemini animis vestris deficientes.* Sed veniet tempus , quando nostræ huius tantæ ingratitude erga Deum , & negligentix erga propriam salutem

nos

Lib. I. Cap. X. 29

nos frustra pœnitebit. Multi enim sunt, qui in nouissimo die erunt *pœnitentiam agentes*, & *præ angustia spiritus gementes*, ac *dicentes*, *Ergo errauimus*, & *sol iustitiæ non luxit nobis*. Neque tunc primum incipient, sed etiam ante diem Iudicij, cùm primum clauferint per mortē oculos corporis, aperientur illis oculi cordis, & videbunt, quæ quando tempus erat, videre noluerunt.

C A P. X.

*De secundo fructu verbi
tertij.*

ALter fructus huius tertij verbi colligitur ex mysterio triū feminarum, quæ stabāt iuxta crucem Domini. Maria enim Magdalena personam gerit pœnitentium, ac per hoc incipientium; Maria Cleophæ proficientium; Maria Christi mater & virgo per-

100 De sept. verb. Dom.

fectorum; cum quā meritò iungere possumus sanctum Ioannem, qui & ipse Virgo erat, atque perfectus breui futurus; si nondum erat. Isti enim omnes, & soli iuxta crucem Domini inueniuntur: qui enim in peccatis viuunt, & de pœnitentia non cogitant, longè absunt à cruce, quæ scala est ad salutem. Præterea omnes illi non sine causa stant iuxta crucem, quia indigent auxilio crucifixi. pœnitentes enim, siue incipientes bellum gerunt cum vitijs, & concupiscentijs, & egent valde auxilio Ducis nostri Christi, vt animentur ad pugnam, dum vident eum colluctantem cum antiquo serpente, neque descendentem de cruce, donec de illo felicissimè triumphauerit. sic enim loquitur Apostolus in epistola ad Colossenses, *Expoliavit principatus, & potestates traduxit confidenter palam, triumphans illos in semetipso. & paulò ante, Affigens cruci schiographum decreti, quod erat*

con-

contrarium nobis. Proficientes significati per Mariam Cleophæ, quæ erat mulier coniugata, & pariebat filios, qui dicebantur fratres Christi; egent ipsi quoque auxilio crucis, ne curæ & sollicitudines huius seculi, quibus necessario implicantur, suffocent in eis bonum semen; vel per totam noctem laborantes nihil capiant. *Mar. 4.*
Luc. 5.

Itaque debent laborare in proficiendo, & intueri Christum in cruce, qui non contentus bonis operibus, multis & magnis, quæ ante fecerat: voluit per crucem, ad maiora procedere, & non descendere, nisi hoste deuicto, & profligato. Nihil enim magis nocet proficientibus, quàm si fatigentur in cursu, & desinant progredi. siquidē *in via virtutis nō progredi, regredi est*, vt S. Bernardus rectè docet in epistola ad Garinū: in qua *Epist. 253* ponit exēplum scale Jacob, vbi omnes ascēdunt, vel descendunt, nulli autē stant. Denique ipsi etiā perfecti, qui sunt in statu cælibatus, ac

102 De sept. verb. Dom.

præcipuè si virgines sint, quales erant Virgo mater Christi, & S. Ioannes discipulus Christi, atque ea de causa super omnes magis dilectus: isti, inquam, perfecti multum egent auxilio crucifixi. qui enim in altiore gradu sunt, valde timere debent à vento superbiæ, nisi fundati, & radicati sint in profundissima humilitate. Quamuis autem Christus sæpè se magistrum humilitatis ostenderit,

Matt. 11 vt cum dixit, *Discite à me, quia mitis sum, & humilis corde:* &

Luc. 14. cum rursus ait, *Recumbe in nouissimo loco:* & cum toties repeti-

Luc. 18. uit, *Qui se exaltat humiliabitur, & qui se humiliat exaltabitur:*

tamen nunquam Doctorem humilitatis magis se ostendit, quam in cathedra crucis. quod Aposto-

Philip. 2 lus declarauit, cum ait, *Humiliauit semetipsum factus obediens usque ad mortem, mortem autem crucis.* Quæ enim maior humili-

liga-

ligari, & cruci affigi? & in quo *Colos. 2.*
sunt omnes thesauri sapientiae, &
scientiae Dei, permittat se vt insa-
 num ab Herode, & eius exercitu
 reputari, & illudi alba veste indu-
 tum? & *qui sedet super Cheru-* *Psal. 98.*
bim, permittat se in medio latro-
 num crucifigi? Certè qui in spe-
 culo crucis se ipse serio intuetur,
 nimis erit indocilis, si non discat,
 & fateatur, se à vera humilitate,
 quantumcumque profecerit, ad-
 huc longè abesse.

C A P. X I.

De tertio fructu verbi
tertij.

Discimus tertio loco ex ca-
 thedra crucis, & verbis ad
 matrem, & discipulum dictis,
 quod sit officium parentum bono-
 rum erga filios, & bonorum filio-
 rum erga parentes. Incipiamus
 à priore. Debent parentes boni
 diligere filios; sic tamen, vt amor

104 De sept. verb. Dom.

Mat. 10 filiorum non impediatur amorem
 Dei. Atque hoc est, quod Domi-
 nus in Euangelio dicit, *Qui amat*
filium, aut filiam super me, non
est me dignus. Hoc planè accura-
 tissimè observauit Virgo beata.
 stabat enim iuxta crucem cum
 summo dolore, & cum summa
 constantia. Dolor testabatur a-
 morem summum erga filium in
 cruce pendentem: constantia te-
 stabatur obseruantiam maximam
 erga Deum in cælo regnantem.
 molestè ferebat, filium innocen-
 tem, quem vehementer amabat,
 doloribus acerbissimis affligi:
 sed non ideo verbo, aut facto cru-
 ciatus illos prohibuisset, quamuis
 potuisset, quia sciebat, definito
Mat. 2. consilio, & præscientia Dei patris
 illos omnes cruciatus à filio tole-
 rari. Mensura doloris est amor.
 proinde Mater valde dolebat, cum
 filium suum tam crudeliter vexa-
 ri cernebat, quia multum ama-
 bat. Et quo modo filium suum
 Virgo mater non ardentissimè
 dili-

diligeret, cū optimè omnium
 sciret, filium illum & omnibus fi-
 lijs hominum omni genere lau-
 dum excellere; & eundem illum
 filium magis ad se pertinere,
 quàm pertineant vlli alij filij ad
 matres eorum? Ratio enim, cur
 feminae filios diligant, duplex esse
 solet: vna, quòd ipsæ eos genue-
 rint; altera, quòd insigni aliqua
 laude excellent: alioqui enim non
 defunt matres, quæ filios aut pa-
 rum ament, aut etiam oderint,
 si fortè nimis deformes, aut ni-
 mis improbos, aut in parentes
 impios, & ingratos experiantur.
 Iam verò Virgo mater filium suū
 propter vtramque causam magis
 diligebat, quàm vlla alia mater
 filium suum vnquam dilexerit.
 Primū enim mulieres aliæ non
 solæ filios generant, sed in gene-
 ratione filij socium habent mari-
 tum. Virgo beata sola filium ge-
 nerauit. nam Virgo genuit, &
 Virgo peperit: & quemadmodū
 Christus Dominus in generatio-

106 De sept. verb. Dom.

ne diuina habuit Patrem sine matre, sic in generatione humana matrem habuit sine patre. Et quamuis verè dicatur idem Christus de Spiritu sancto conceptus, non tamen Spiritus sanctus est Pater Christi, sed effector, & fabricator corporis Christi: neque ex propria sua substantia Spiritus sanctus Christi corpus formauit, quod propriè ad Patrem pertinet; sed ex purissimis Virginis ipsius sanguinibus fabricauit. Verè igitur Virgo sanctissima sola, sine Patris consortio filium suum genuit, sola solum & integrum, sibi vendicabat: proinde magis diligebat filium suum, quàm vlla alia mater prolem suam vnquam dilexerit. Quòd verò attinet ad aliam causam, filius Virginis nostræ, non solum speciosus fuit, & est præ filiis hominum; sed etiam omni genere laudis hominibus, & Angelis omnibus antecellit. Sequitur igitur, vt Virgo beata, quæ filium suum plus omnibus amauit,

eius

Lib.I. Cap.XI. 107

eius passionē, & mortem plus omnibus defleuerit . Atque adeò hoc verū est, vt S. Bernardus in sermo-
ne quodam affirmare non dubi- *Serm. in illud, St- gnū ma- gnum .*
tauerit, dolorem B. Virginis de filij passione conceptum dici posse martirium cordis, iuxta illud Simeonis, *Et tuam ipsius animam* *Luc. 2.*
pertransibit gladius. Et quia martirium cordis acerbius esse videtur, quàm martirium corporis; sanctus Anselmus in libro de excellentia Virginis, scribit dolorem Virginis acerbiorē fuisse quolibet martyrio corporali. *Cap. 5.*
Certè quidem Dominus noster, cū orans in horto Gethsemani martirium cordis pateretur, attentè considerans omnes dolores, & cruciatus, quos die sequenti passurus erat; & simul mœrori, & pauiori habenas quodammodo laxans, tam vehementer cruciari cœpit, vt ex toto corpore sudorem sanguineum funderet. quod in passione corporali illi accidisse non legitur . Igitur Virgo

108 De sept. verb. Dom.

beata ex gladio illo doloris animam eius transuerberante, grauissimam sine dubio passionem, atque pœnam acerbissimam pertulit. & tamen quia plus honorẽ, & gloriam Dei, quàm carnem filij diligebat, stabat iuxta crucem, constantiæ plena; & sine vlllo impatientiæ signo patientem filium intuebatur. Non cecidit in terram semimortua, vt quidam fingunt: non lacerauit capillos: non muliebriter eiulauit; sed fortiter tulit, quod ex voluntate Dei tolerandum erat. Amabat enim valde carnẽ filij sui, sed magis amabat honorem Patris, & salutem mundi, quæ duo ipse etiam filius magis amabat, quàm incolumitatem corporis sui. Præterea fides resurrectionis filij sui post tertiam diem futuræ, in qua nunquã hæsitauit, addebat cordi eius ingentem constantiam, vt non egeret consolatione humana. Sciebat enim mortem filij similem futuram somno breuissimo, iuxta illud

Lib. I. Cap. XI. 109

Iud Propheta, *Ego dormiui, & soporatus sum: & exurrexi, quia Dominus suscepit me.* Psal. 3.

Hoc exemplum imitari deberent fideles omnes, vt amarent filios suos, sed non anteponerent Deo, qui Pater est omnium, & qui diligit eosdem multo magis, & melius quàm nos amare nouerimus. Ac primùm amare debent Christiani filios suos amore virili, ac prudenti, non blandientes illis, cùm male fecerint, sed educantes in timore Dei, & corripientes verbis, & flagello etiam coërcentes, cùm vel Deum offendunt, vel studia literarum negligunt. Hæc enim est voluntas Dei, quam in Scripturis sanctis reuelauit. sic enim loquitur Ecclesiasticus, *Filij tibi sunt, erudi illos, & curua illos à pueritia illorum.* Eccles. 7.
& de Tobia legitur, quòd *filium suum ab infantia timere Deum docuit, & abstinere ab omni peccato.* Tob. 1.
& Apostolus admonet patres, vt non prouocent filios ad indi, Coloss. 3.

110 De sept. verb. Dom.

Ephes. 6. indignationem, ne pusillo animo fiant. sed educent illos in disciplina, & correptione Domini; hoc est, ut tractent eos, non ut seruos, sed ut liberos. Qui enim nimis sunt erga filios austeri, sic ut illos perpetuò obiurgent, & flagellent, etiam pro minimo errato: ij tractant, ut mancipia & efficiunt, ut vel pusillo animo fiant, vel fugiāt; qui verò nimis sunt indulgentes, vitiosos illos efficiunt, & non Regno cælorum, sed gehennæ nutriunt.

Recta ratio educandi filios est, ut parentes erudiant filios in disciplina, ut discant libenter obedire parentibus, & magistris. & cum errant, eos paternè corripiant, sic ut intelligant, se ex amore, non ex odio corripi. Deinde si fortè Deus filios alicuius ad clerum, vel ad ordinem religiosum vocet, non audeant impedire, ne fortè Deo, qui primus pater est, repugnare videantur: sed dicant cum sancto Iob, *Domine*
nus

Lib. I. Cap. XI. 111

*nus dedit, Dominus abstulit, sit
nomen Domini benedictum.*

Denique si fortè immatura morte
filij parentibus subtrahatur, quod
Beatissimæ Virgini in primis ac-
cidit, considerent iudicia Dei, qui
sæpè rapit aliquos, ne malitia im- sap. 4.
mutet bonam mentem eorum,

& pereant in æternum. Certè si
scirent aliquando parentes, quo
consilio Deus ista faciat, non mo-
do non flerent, sed etiam gaude-
rent. Et si fides resurrectionis vi-
gilaret in nobis, vt in sanctissima
Virgine vigilabat; non magis cō-
tristaremur, cū aliquis ante se-
nium moritur, quā contrista-
mur, si quis ante noctem dormire
incipiat. mors enim fidelis homi-
nis, somnus quidam est, vt Aposto-
lus monet in epistola priore ad
Thessalonicenses. *De dormienti-* 1. Thes. 4

*bus, inquit, nolumus vos ignorare,
vt non contristemini, sicut & ca-
teri, qui spem non habent. Me-
minit autem spei potius, quā
fidei, quoniam non de resurrectio-*

ne

112 De sept. verb. Dom.

ne quacumque, sed de beata, & gloriosa loquitur, quæ est ad veram vitam, qualis fuit Christi resurrectione. Qui enim certò credit, futuram carnis resurrectionem, & sperat filium suum immatura morte sublatum, resurrecturum ad gloriam: non est, quòd tristet, sed magis gaudeat, quòd salus eius in tuto sit posita.

Venio nunc ad officium filij erga parentes, quod Christus moriens erga parentem suam cumulatè præstitit. Officium enim filiorum est, *mutuam vicem reddere parentibus*, ut Apostolus monet. Reddunt autem filij parentibus vicem mutuam, quando senescentibus parentibus ea, quæ necessaria sunt, procurant: quemadmodum ipsi parentes procurauerunt filiis parvis, & non valentibus sibi victum, & vestitum quærere. Christus igitur senescenti matri, & neminem habenti, qui mortuo filio, eius curam gereret, dedit illi sanctum Ioannem in filium

Lib.I. Cap.XI. 113

lium dicens, *Ece filius tuus*; & ipsi Ioanni, *Ecce mater tua*. Functus est autem Dominus cumulatè officio filij erga matrem multis modis. Primum enim assignauit Virgini matri Ioannem in filium, qui erat Christi ipsius coætaneus, vel potius anno vno iunior, ac per hoc aptissimus ad matrem Domini sustentandam. Deinde assignauit illum ex duodecim discipulis, quem ipse Dominus maximè diligebat, & à quo sciebat, se vicissim valdè diligere. proinde confidere poterat de fide, & diligentia eius in adiuuanda parente. Præterea assignauit illum, quem sciebat diutissimè victurum, ac per hoc matri sine ulla dubitatione superuicturum. Denique non defuit Christus matri suæ, etiamsi importuno tempore cogitationem illam suscipere deberet. Erat enim in perferendis doloribus totius corporis, & iniurijs inimicorum accipendis, & in amarissimo calice propinquæ

114 De sept. verb. Dom.

pinquæ mortis hauriendo occupatus, vt de nulla re alia cogitare posse videretur. Vicit tamen charitas matris, & se neglecto de consolanda, & adiuuanda matre cogitationem, consiliumq; suscepit. neque fefellit eum expectatio de promptitudine, ac fidelitate,

Ioan. 19. Ioannis. nam *ex illa hora suscepit eam in sua.*

Hanc prouidentiam, quam de parente sua Christus habuit, maiori ratione debent omnes filij de parentibus suis habere. Christus enim minus debuit parenti suæ, quàm cæteri homines suis parentibus debeant. Cæteri homines tantum parentibus debent, quantum referre non possunt; debent enim vitam parentibus, quam illis certè referre non possunt. *Me-*

Eccles. 7. *mento, inquit Ecclesiasticus, quod nisi per illos natus non fuisses.*

Christus autem, isq; solus excipitur ab hac regula. Accepit enim à Virgine matre vitam vnã, humanam videlicet; sed dedit illi
tres

Lib. I. Cap. XI 115

tres vitas: vitam humanam quando eam cum Patre, & Spiritu sancto creauit: vitam gratiæ, quando eam in benedictionibus dulcedinis præueniens, creando iustificauit, & iustificando creauit: vitam gloriæ, quando eam ad gloriam æternam euexit, & super choros Angelorū exaltauit. Quare si Christus, qui beatæ matri suæ plus dedit, quàm ab ea nascendo accepit: legem obseruare voluit, vt ei tanquam parenti mutuam vicem redderet: quanto magis cæteri homines ad hoc soluendum parentibus debitum tenebuntur? Adde, quòd quamuis honorando parentes faciamus, quod debemus: tamen benignitas Dei præmium addidit, dicens in lege, *Honora parentes tuos, vt sis longæuus super terram.* & per Ecclesiasticum addidit Spiritus sanctus, *Qui honorat parentes, iucundabitur in filiis, & in die orationis suæ exauditur.* Nec solùm præmium addidit Deus honorantibus

Exod. 20.

Eccles. 3.

116 De sept. verb. Dom.

tibus parentes; sed etiā poenā nō honorātibus. Nā *Deus ait*, inquit
Matt. 15 Dñs, *Qui maledixerit patri, vel*
Eccles. 3. *matri, morte moriatur.* & Ecclesia
 fictis addit, *Qui exasperat matrē,*
est maledictus à Deo. Atque hinc
 discimus, maledictionem paren-
 tum in filios, vim magnam habe-
 re, quoniam confirmat eā Deus.
 De qua re extant in historijs exē-
 pla non pauca, quorū vnum valde
 insignē narrat sanctus Augustinus
 in libris de ciuitate Dei. Summa
 hęc est, Apud Cæsaream Cappa-
 dociæ, decem filij, septem mares,
 & tres scēminæ, à matre maledi-
 cti, continuò diuinitus coërciti
 tali poena sunt, vt horribiliter
 quaterentur omnes tremore mē-
 brorum; in qua foedissima specie
 oculos suorum ciuium non feren-
 tes, quā quā versum cuique ire
 visum est, toto ferè vagabantur
 orbe Romano; duo ex illis, tan-
 dem per reliquias sancti Stephani
 Protomartyris, sancto Augustino
 præsente curati sunt.

C A P. X I I .

*De quarto fructu Verbi
tertij.*

O Nus, & iugum impositum à Domino, sancto Ioanni, ut Virginis matris curam, ac sollicitudinem gereret, verè fuit iugum suaue, & onus leue. Quis enim non libentissimè cohabitaret matri illi, quæ Verbum incarnatum in vtero nouem mensibus portauit; & illi totos triginta annos deuotissimè, dulcissimèq; cohabitauit? Quis non inuideat dilecto Domini, qui in absentia filij Dei, præsentiam obtinuit matris Dei? Sed nisi fallor, possumus & nos, à benignitate Verbi, nostri causa incarnati; & ex dilectione nimia, nostri causa crucifixi, precibus impetrare, ut dicat & nobis, *Ecce mater tua*; & matri suæ de nobis dicat, *Ecce filius tuus*. Nō est

118 De sept. verb. Dom.

est auarus pius Dominus gratiarum, dummodo ad thronum gratiæ eius cum fide, & fiducia, & non ficto corde, sed vero, & sincero accedamus. Qui nos cohæredes esse voluit Regni Patris sui, non dedignabitur certè nos cohæredes habere amoris matris suæ. Sed nec ipsa Virgo benignissima grauabitur multitudine filiorum, cum sinum amplissimum habeat, & valde cupiat, nullum perire ex his, quos filius suus tam pretioso sanguine, & tam pretiosa morte redemit. Adeamus ergo cum fiducia ad thronum gratiæ Christi; & suppliciter, nec sine lacrymis ab eo petamus, vt de vnoquoque nostrum matri suæ dicat, *Ecce filius tuus*: & vnicuique nostrum de matre sua dicat, *Ecce mater tua*. Quàm bene nobis erit sub præsidio tantæ matris? quis nos detrahare audebit de sinu eius? quæ nos tentatio, quæ tribulatio superare poterit, confidentes in patrociniò matris Dei,

& no-

Lib I. Cap. XII. 419

& nostræ? Neque nos primi erimus in tanti consecutione beneficij. Multi nos præcesserunt: multi, inquam, ad singulare, & planè maternum patrociniū tantæ Virginis accesserunt, & nemo confusus, aut tristis dimissus est: sed omnes hilares, & gaudentes, freti patrocinio tantæ matris. De qua enim scriptum est, *Ipsa conteret caput tuum*, in ea confidunt, se quoque fidenter ambulaturos *super aspidem, & basiliscum*, & conculcaturos *leonem, & draconem*. Audiamus de multis paucos, sed eos potissimum, qui singularem fiduciam in protectione Virginis matris se posuisse testantur, ut credibile sit, illos esse de numero illorum, quibus dictum sit à Domino, *Ecce Mater tua*, & de quibus dictum sit matri, *Ecce filius tuus*.

Gen. 2.

Psal. 90.

Primus sit sanctus Ephrem Syrus, Pater antiquus, & tantæ celebritatis, ut sancto Hieronymo teste, libri eius legerentur in Ecclesijs

Lib. de
Scriptor.
Eccles.

120 De sept. verb. Dom.

clesijs publicè post Scripturas sanctas. Hic in sermone de laudibus Deiparæ, *Intemerata, inquit, prorsusq; pura, Virgo Deipara, Regina omnium, spes desperantium.* & infra, *Tu portus procellis vexatorum, solatium mundi, carcere clausorum liberatrix, tu orphanorum susceptio, tu captiuorum redemptio, tu egrotantium exultatio, & omnium salus.* & infra, *Sub alis tuis custodi me, & protege, miserere mei, qui sum luto inquinatus.* & infra, *Non mihi alia fiducia, ò Virgo sincera.* *Aue pax, gaudium, & salus mundi.* Huic addamus sanctum Ioannem Damascenum, qui fuit vnus ex ijs, qui Virginem sanctissimam in primis coluerunt, & in eius patrocinio sperauerunt. Hic in oratione de natiuitate B. Virginis, *O Ioachim, inquit, & Anna filia, & Domina, peccatoris orationem accipe, ardenter tamen amantis, & colentis, teq; solam spem gaudij habentis, vite antistitem,*

Lib. I. Cap. XII. 121

*stitem, in gratiam cum filio tuo
reducentem, firmamque salutis
arham, peccatorum sarcinā discus-
te, tentationes comprime, pièque,
ac sanctè vitam meam gubernā,
atque ad caelestem beatitudinem,
fac te duce perueniam. Addam
duos ex Patribus Latinis. Sanctus
Anselmus in lib. de excellentia
Virginis, alicubi dicit, Itaque
cui saltem ita concessum fuerit,
sæpè dulci studio posse cogitare de
illa, magnum promerendæ salutis
indiciū esse coniecto. & infra, Ve-
locior est nonnunquam salus me-
morato nomine eius, (Virginis ma-
tris) quàm inuocato nomine Do-
mini Iesu, unici filij sui. Et id
quidem non ideo fit, quòd ipsa
maior, & potentior eo sit: nec enim
ipse magnus, & potens est per
eam, sed illa per ipsum. Quare
ergo propitior salus in recordatio-
ne eius, quàm filij sui sæpè perci-
pitur? Dicam quod sentio. Fi-
lius eius Dominus est, & Iudex
omnium, discernens merita singu-*

*De excel-
lencia
Virginis
cap. 3.*

Ibid. c. 6.

122 De sept. verb. Dom.

lorum. Dum igitur à quouis suo nomine inuocatus, non statim exaudit, profectò id iustè facit. Inuocato autem nomine matris, & si merita inuocantis non merentur, ut exaudiat, merita tamen matris intercedunt, ut ex-

J. Bern.

audiatur. Sed sanctus Bernardus miro modo describit sanctissimæ Virginis pium, ac planè maternum affectum in homines sibi deuotos; & contra eximiam, & filialem pietatem eorum, qui B. Virginem matrem agnoscunt. In sermone secundo super *Missus est Angelus*, O quisquis, inquit, te intelligis in huius seculi profluvio magis inter procellas, & tempestates fluctuare, quàm per terram ambulare, ne auertas oculos à fulgore huius syderis, (*Mariæ stellæ maris*) si non vis obrui procellis. Si insurgant venti tentationum, si incurras scopulos tribulationum, respice ad stellam, voca Mariam. Si iactaris superbia undis, si ambitionis, si detractionis, si amu-

Lib I. Cap. XII. 123

si emulationis, respice stellam, voca Mariam. Si criminis immanitate turbatus, conscientiae foeditate confusus, Iudicis horrore perterritus, barathro incipias absorberi tristitia, desperationis abyssu, cogita Mariam: in periculis, in angustiis, in rebus dubiis, Mariam cogita, Mariam inuoca. Ipsam sequens non deuias, ipsam rogans non desperas, ipsam cogitans non erras. Idem in sermone de Natiuitate B. Mariae, siue de aquae ductu, Altius, inquit, intuemini quanto deuotionis affectu à nobis Mariam voluerit honorari, qui totius boni plenitudinem posuit in Maria: ut proinde siquid spei in nobis est, siquid gratiae, siquid salutis, ab ea nouerimus redundare. & infra, Totis ergo medullis, cor-dium, & votis omnibus Mariam veneremur, quia sic est voluntas eius, qui totum nos habere voluit per Mariam. & rursus, Filioli hac peccatorum scala, hac mea maxima fiducia est, hac tota ratio

124 De sept. verb. Dom.

spei mea. His duobus sanctissimis Patribus, addā etiā duos de schola Theologorum æquē sanctos. Sanctus Thomas in opusculo de salutatione Angelica, sic loquitur,

Opusc. 8. Benedicta in mulieribus, quia ipsa sola maledictionem sustulit, & benedictionem portauit, & ianuam paradisi aperuit. Et ideo conuenit ei nomen, Maria, quæ interpretatur stella maris, quia sicut per stellam maris nauigantes diriguntur ad portum, ita Christiani diriguntur per Mariā ad gloriam. Sanctus Bonauentu-

Bib. 1. c. 5 ra in sua pharetra sic ait, *Sicut ò beatissima, omnis à te auersus, & à te despectus, necesse est, ut intreat: ita omnis ad te conuersus, & à te respectus, impossibile est, ut pereat.* Idem sanctus in vita Beati

Cap. 9. Francisci, de fiducia sancti Francisci in Beatam Virginem, *Matrem*, inquit, *Domini nostri Iesu Christi indicibili complectebatur amore, eo quòd Dominum maiestatis, fratrem nobis effecerit, &*
per

Lib. I. Cap. XII. 123

per eam simus misericordiam consecuti. In ipsa post Christum fides, eam sui, ac suorum aduocatam constituit, & ad honorem ipsius à festo Apostolorum Petri, & Pauli usque ad festum Assumptionis deuotissime ieiunabat. His omnibus addere placuit Innocentium Papam Tertium, qui insignis cultor fuit Virginis Deiparæ, nec solum in sermonibus eam magnificè prædicauit, sed etiam ad eius honorem monasterium extruxit; & quod magis est admirandum excitans populum ad spem in sanctissima Deipara constitutendam, quasi præscius futurorum, ea dixit, quæ proprio, ac felici experimento postea comprobauit. Sic enim ait in sermone secundo de Assumptione, Qui iacet in nocte culpæ, respiciat lunam, deprecetur Mariam; ut ipsa per filium cor eius ad compunctionem illuminet. Quis enim de nocte inuocauit eam, & non est exauditus ab ea? Consulat Lector, quæ

126 De sept. verb. Dom.

scripsimus de Innocentio Papa
Tertio, in libro secundo, capite
nono, de gemitu columbæ. Ex his
igitur satis apertè colligitur, ex
signis electionis ad gloriam, non
esse ex postremis deuotionem
singularem ad Virginem Dei ma-
trem. Neque enim videtur posse
perire is, de quo dictum sit Virgi-

ni a Christo, *Ecce filius tuus,*

dummodo & ipse non

furda aure audiat,

quod ei Chri

stus di-

xe-

rit, *Ecce ma-*

ter tua.

••

Libri Primi Finis.



LIBER II.

DE SEPTEM VERBIS
à Christo in cruce
prolatis.

C A P. I.

Explicatur ad litteram ver-
bum quartū, *Deus meus,*
Deus meus, ut quid dere-
liquisti me? Matth. 27.



Xposuimus libro
superiore tria
prima verba, quæ
Dominus noster
ex cathedra Cru-
cis pronunciauit
circa horam sextam, cū recens
cruci fuisset affixus. Exponemus
in hoc posteriore libro alia qua-
tuor verba, quæ post tenebras, &

128 De sept. verb. Dom.

silentium trium horarum idem Dominus ex cathedra eadem, iam morti propinquus, clamans magna voce pronunciauit. Sed necessarium esse videtur, breuiter antea declarare, quales fuerint illæ tenebræ, & vnde, & ad quem finem exortæ; quæ inter priora tria verba, & quatuor posteriora interiectæ sunt. sic igitur loquitur sanctus Matthæus, *A sexta*

Mat. 27.

*autem hora tenebræ factæ sunt super vniuersam terram, usque ad horam nonam: & circa horam nonam clamauit Iesus voce magna Eli Eli lammazababæ, hoc est, Deus meus, Deus meus, ut quid dereliquisti me? Quod autem tenebræ factæ sint ex deliquio Solis, expressè notat sanctus Lucas, *Et**

Luc. 23.

obscuratus, inquit, est Sol.

Sed tres sunt hoc loco enodandæ difficultates. nam Sol deficere solet in nouilunio, quando inter Solem, & terram media inuenitur Luna. Id quod in morte Christi fieri non potuit, cum Luna non
esset

esset coniuncta cum Sole, quod fit in nouilunio; sed esset opposita Soli, quod fit in plenilunio. erat enim tunc pascha Iudæorum, quod secundum legem fieri incipiebat quartadecima die mensis primi. Deinde etiamsi fuisset in passione Christi Luna coniuncta cum Sole, non tamen poterant tenebræ fieri per tres horas, id est à sexta ad nonam. siquidem eclipsis Solis diu durare non potest, præfertim si plena sit eclipsis, ut Solem totum abscondat, & eius obscuritas tenebræ dici possint. Luna enim celerius mouetur, quam Sol, secundum motum sibi proprium; ac per hoc non nisi breuissimo tempore totum Solem obumbrat. statim enim recedere incipiens, liberum Solem relinquit, ut possit terram fulgore solito illuminare. Denique nunquam accidere potest, ut ob coniunctionem cum Luna, Sol vniuersam terram in tenebris relinquat. Luna enim minor est, quàm sit Sol,

130 De sept. verb. Dom.

& quàm sit etiam terra ; proinde non potest interpositione sui corporis Luna Solem ita tegere , vt vniuersa terra in tenebris relinquatur . Quèd si quis dixerit , Euangelistas loqui de vniuersa terra Palestinæ , non de vniuersa terra absolutè : ista sententia facillè refelli potest testimonio sancti Dionysij Areopagitæ , qui in epistola ad sanctum Polycarpum , testatur se vidisse defectionem illam Solis , & tenebras horribiles in ciuitate Heliopoli , quæ est in Ægypto . Et Phlegon historicus Græcus , & Gentilis meminit huius deliquij dicens , *Quarto anno ducentesimæ secundæ Olympiadis magna, & excellens inter omnes , quæ antea acciderāt, defectio Solis est facta . dies hora sexta ita in tenebrosam noctem versus est , vt stella in calo vise sint* . Iste autem historicus non in Iudæa scripsit . citant istum auctorem Origenes contra Celsum , & Eusebius in chronico ad annum Christi trigesimum .

Lib.II. Cap.I. 131

finum tertium. Idem testatur
Lucianus Martyr, dicens, *Per-
quirite in annalibus vestris, & in-
uenietis temporibus Pilati fugato
Sole interruptum tenebris diem.*

Refert hæc sancti Luciani verba

Ruffinus in historia Ecclesiastica *Lib.9. c.6.*
Eusebij à se in linguam Latinam

translata. Tertullianus quoque *Apolog.*

in Apologetico, & Paulus Orosius *Oros.lib.7. c.4.*

in historia sua. & omnes loquun-

tur de alijs mundi partibus, non

de sola Iudæa. Sed hæc controuer-

sia non difficulter explicari pos-

sunt. Nam quòd initio dicebatur

de deliquio Solis, quod in nouilu-

nio, non in plenilunio accidere

solet, verum est, quando naturale

deliquium accidit. Sed in morte

Christi deliquium fuit singulare,

& prodigiosum, quod ab eo solo

fieri potuit, qui fecit Solem, &

Lunam, & cælum, & terram. Scri-

bit enim sanctus Dionysius loco

notato, à se, & Apollophane visam

Lunam circa meridiem insolito,

eoq; velocissimo cursu venisse ad

132 De sept. verb. Dom.

Solem, seq; ei subiecisse, atque eo modo subiectam hæsisse vsque ad horam nonam, ac tùm demum per eandem viam ad locum suum ad partem Orientis rediisse. Et ad id, quod addebatur, non potuisse deliquium Solis ad tres horas ita permanere, vt toto illo tempore tenebræ super terram essent: responderi potest, id verum esse in deliquio naturali, & consueto. Sed hoc deliquium non regebatur à legibus naturalibus, sed à voluntate Omnipotentis creatoris, qui sicut potuit Lunam deferre insolito more ab oriente cursu velocissimo ad Solem, & post tres horas reducere ad locum suum in Oriente: sic etiam potuit efficere, vt sub Sole tres illas horas quasi immota duraret Luna, vt neque lentius, neque celerius, quàm Sol ipse moueretur. Denique quod addebatur, non potuisse fieri, vt deliquium Solis in vniuersa terra conspiceretur, cum Luna sit minor quàm terra, &
minor

minor etiam multo, quàm Sol: verissimum esse non dubitamus ex interpositione solius Lunæ: sed quod Luna facere non potuit, fecit creator Solis & Lunæ, tantum non cooperando cum Sole in illustranda terra. Nihil enim res creata facere possunt, non adiuuante, & cooperante creatore. nam, quod aliqui dicunt, per tetras, & densas nubes factum esse, vt tenebræ fierent super omnem terram, verum esse non potest, cùm ex testimonio veterum constet, tempore illius deliquij, & illarum tenebrarum, fulsisse stellas in cælo. siquidem densæ nubes non solum, obscurare possunt, ac solent ipsum Solem, sed etiam Lunam, & stellas.

Cur autem voluerit Deus, hoc signum tenebrarum existere in passione Christi, variæ reddi solent causæ; sed duæ sunt præcipuæ. Prior ad demonstrandam excæcationem maximam populi Iudaici: quam rationem sanctus Leo reddit

134 De sept. verb. Dom.

dit in sermone decimo de passione Domini: quæ cæcitas adhuc durat, & durabit, iuxta vaticiniū Isaiæ, qui de principio Ecclesiæ dicit, *Surge illuminare Hierusalem, quia venit lumen tuum, & gloria Domini super te orta est. quia ecce tenebræ operient terram, & caligo populos: tenebræ videlicet densissimæ operient terram Iudaicam; & caligo, quæ leuior est, & facile dissipari potest, operiet populos Gentilium. Posterior causa est, ad demonstrandum magnitudinem delicti Iudæorum, ut sanctus Hieronymus docet. Antea siquidem homines mali persequiebantur, & vexabant, atque occidebant homines bonos: nunc Deum ipsum humana carne indutum ausi sunt homines impij persequi, & in crucem agere. Antea ciues cum ciuibus lites habebant, & ex litibus ad iurgia, ex iurgijs ad vulnera, & cædes deueniebāt: at nunc serui & mancipia aduersus Regem hominum, & Angelorum*

Isai. 60

Cōment.
in Matt.

rum insurrexerunt, & eum cruci incredibili audacia affixerunt. Ideò mundus totus inhorruit, & Sol ipse tantum facinus auersatus, radios suos subtraxit, & aerem, totum tenebris horribilibus texit.

Veniamus nunc ad verba Domini, *Eli, Eli lammazabactani.*

Verba sunt ex principio psalmi vigesimi primi deprompta, *Deus Deus meus, respice in me, quare me dereliquisti?* Illud enim, *respice in me*, quod est in medio versus, additum est à Septuaginta interpretibus, & in ipso hebraico textu non habentur verba, nisi quæ Dominus protulit. Illud vnum est discriminis, quòd verba psalmi sunt omnia hebraica, verba à Christo prolata, sunt ex parte Syriaca, quali tunc lingua utebantur passim hebrei. nam & verba illa, *talitba cumi*, puella surge, & *Ephe-ta*, adaperire, & si qua sunt alia in Euangelijs, Syriaca sunt, non hebraica. Queritur ergo Dominus,
 se

136 De sept. verb. Dom.

se à Deo derelictum, & queritur clamans voce magna. Vtrumque breuiter explicandum est. Derelictio Christi à Patre quinque modis intelligi potest, quorum vnus tantum est verus. Siquidem quinque erant in filio Dei coniunctiones, vna naturalis, & æterna personæ Patris cum persona Filij in essentia: altera, noua, naturæ diuinæ cum natura humana in persona Filij, siue, quod in idem recidit, personæ diuinæ filij cum natura humana. Tertia fuit vnio gratiæ, & voluntatis: fuit enim

Ioan. 1. Christus homo *plenus gratiæ, &*

Ioan. 8. *veritatis, &, Quæ placita erant Deo, faciebat semper, vt ipse testatur apud Ioannem. & de ipso Pa-*

Matth. 3. *ter non semel dixit, Hic est filius meus dilectus, in quo mihi bene*

17. *complacui: Quarta fuit vnio gloriæ: vidit enim anima Christi Deū ab ipsa conceptione. Quinta fuit vnio protectionis, de qua loquitur*

Ioan. 8. *ipse, cū ait, Qui me misit, mecum est, & non reliquit me solū.*

Pri-

Prima vnio est omnino inseparabilis, & perpetua, quia est vnio in essentia diuina, de qua dicit ipse, *Ego & Pater unum sumus*, & Ioan. 8. ideò non dixit Christus, Pater meus, vt quid dereliquisti me? sed, *Deus meus*, vt quid dereliquisti me? Pater enim non dicitur Deus Filius, nisi post incarnationem, & ratione incarnationis. Altera quoque vnio nunquam dissoluta est, neque dissolui potest. quod enim semel assumpsit, nunquam dimisit. nam Apostolus dicit, *Pro-* Rom. 8. *prio filio non pepercit, sed pro nobis omnibus tradidit illū.* & Apostolus Petrus, *Christus passus est* 1. Pet. 3. *pro nobis.* & *Christo in carne pass-* 1. Pet. 4. *so.* Quæ omnia demonstrant, non esse purum hominem, sed verum Dei filium; & Dominum Christū, qui crucifixus est. Tertia vnio pariter semper manet, & manebit. *mortuus est enim iustus pro iniustis*, vt loquitur sanctus Petrus; & nihil omnino profuisset nobis Christi mors, si vnio gratiæ 1. Pet. 3. dis.

138 De sept. verb. Dom.

dissoluta fuisset. Quarta vnio disrupti nō potuerat, quia beatitudo animæ amitti non potest, cū omnium bonorum aggregationē complectatur. Erat autem Christi anima, secundum partem superiorem verè beata. Vide sanctū Thomam 3.p.q.46.ar.8.

Restat igitur sola vnio protectionis, quæ ad breue tempus disrupta fuit, vt locum haberet oblatio sacrificij cruenti pro redemptione generis humani. Poterat quidem Deus Pater multis modis protegere Christum, & impedire passionem eius. sic enim in oratione, quam habuit in horto, Christus dixit, *Pater, omnia tibi possibilia sunt: transfer calicem hunc à me. sed non quod ego volo, sed*
quod tu. & ad Petrum, *An putas, inquit, quia non possum rogare Patrem meum, & exhibebit mibi plusquam duodecim legiones Angelorum?* Poterat quoque ipse, Christus, vt Deus, protegere carnem suā, ne pateretur; ideo enim dicit,

Mat. 14.

Mat. 26.

dicit, *Nemo tollit animam meam* Ioan. 10.
à me, sed ego pono eam. quod mul-
 to ante Isaias prædixit, cum ait,
Oblatus est, quia ipse voluit. Isai. 53. Po-
 tuit denique anima Christi beata
 transmitti ad corpus donum,
 impassibilitatis, & incorruptio-
 nis: sed placuit Patri, placuit Ver-
 bo, placuit Spiritui sancto, ad exe-
 quendum commune decretum per-
 mittere, ut vis humana in Chri-
 stum ad tempus prævaleret. hæc
 enim fuit illa hora, de qua Domi-
 nus dixit ad eos, qui venerant ad
 eum capiendum, *Hæc est hora*
vestra, & potestas tenebrarum. Luz. 22.
 Sic igitur Deus filium dereliquit,
 quando permisit, ut humana ca-
 ro filij sui, absque vlla consolatio-
 ne dolores acerbissimos patere-
 tur. Porro clamans voce magna
 Christus, hanc derelictionem ma-
 nifestavit, ut omnes intelligerent
 magnitudinem pretij redemptionis.
 nam usque ad illam horam
 tam incredibili patientia, & tanta
 æquitate animi tulerat omnia, ut
 credi

140 De sept. verb. Dom.

credi posset sensu carere. Non-
 questus est de iudæis, qui eum ac-
 cusauerant; non de Pilato, qui
 sententiam mortis in eum tulerat;
 non de satellitibus, qui eum cruci
 affixerant: non ingemuit, non
 clamauit, non vilo signo dolorem
 manifestauit. Vt igitur, cum es-
 set iam morti vicinus, intellige-
 ret genus humanum, ac præcipuè
 vt nos serui eius non essemus in-
 grati tantæ gratiæ, & pretium re-
 demptionis magnifaceremus, vo-
 luit vt dolor passionis eius publi-
 cè innotesceret. Quare verba il-
 la, *Deus meus, vt quid dereliquisti*
me? non sunt verba accusantis,
 vel indignantis, vel conquerentis;
 sed, vt dixi, magnitudinem pas-
 sionis iure optimo, & opportu-
 nissimo tempore declarantis.



C A P. I I.

*De primo fructu verbi
quarti.*

EXposuimus breuiter ea, quæ ad verbum quartum secundum historiam pertinebant. Nunc ut fructus aliquos ex arbore crucis decerpamus, prima se offert illa consideratio, quod Christus exhaurire voluit calicem passionis, planè totum usque ad ultimam guttam. Mansurus erat in cruce tribus horis, à sexta usque ad nonam. Māsit tribus horis, integris, plenis, & super plenis. nam ante horam sextam cruci affixus fuit, & post nonam emisit spiritum. id verò hac ratione persuaderi potest. nam deliquium Solis cœpit hora sexta, ut tres Euangelistæ docent, Matthæus, Marcus, & Lucas. & disertis verbis Marcus ait, *Et* *Mar. 14*
facta hora sexta tenebra factæ sunt

142 De sept. verb. Dom.

sunt usque ad horam nonam.

Verba autem Domini tria dicta sunt in cruce ante initium tenebrarum, & antequam facta esset hora sexta : & quatuor verba postrema dicta sunt post tenebras, ac per hoc post horam nonam. Sed præterea sanctus Marcus clarius rem totam explicat, cum dicit, *Erat autem hora tertia, & crucifixerunt eum.* & postea subiungit, *Et facta hora sexta tenebre factæ sunt.* Cum autem dicit, hora tertia Dominum fuisse crucifixum, significat horam tertiam nondum fuisse completam, quando crucifixus est Dominus; ac per hoc horam sextam nondum fuisse inchoatam. numerat enim sanctus Marcus horas principales, quæ tres horas ordinarias continere solent. Ad quem modum Paterfamilias vocavit operarios ad vineam, hora prima, tertia, sexta, nona, undecima; & nos horas canonicas numeramus Primam, Tertiam, Sextam, Nonam, & Vesperas, quæ est

est vndecima . Igitur apud sanctum Marcum hora tertia crucifixus fuisse dicitur Dominus, quia nondum venerat hora sexta . Itaque calicem passionis bibere voluit Dominus in mensura plena, & supereffluente, ut nos doceret amare calicem amarum pœnitentiæ, & laborum : non amare calicem consolationum, & deliciarum secularium . Nos ex lege carnis, & mundi optamus exiguas pœnitentias, & magnas indulgentias : parum laboris, & multum consolationis ; breuem orationem, & longam confabulationem . Sed verè nescimus quid petamus, nam ut Apostolus admonet Corinthios, *unusquisque mercedem accipiet secundum suum laborem . & non coronabitur, nisi qui legitime certauerit* . Certè felicitas sempiterna digna fuisset sempiterno labore ; sed quia si labor sempiternus necessarius esset, ad felicitatem sempiternam nunquam perueniremus : ideo pius Dominus contenten-

144 De sept. verb. Dom.

tentus fuit, vt in hac solum vita,
 quæ fugit velut vmbra, pro viri-
 bus in operibus bonis, & in ob-
 sequio ipsius Domini laboremus.
 proinde sine corde sunt, sine men-
 te, sine consilio, non tam pueri,
 quàm infantes, qui breuem hanc
 vitam ociando, vel quod est multo
 deterius, grauitè peccando, at-
 que Deum ad iram prouocando,
 consumunt. *Nam si oportuit*
Christum pati, & ita intrare in
gloriam suam : quo pacto nos lu-
 dendo, & tempus in oblectanda
 carne amittendo intrabimus in
 gloriam alienam? si Euangelium
 valdè esset obscurum, & non pos-
 set sine magno labore intelligi,
 excusationem forsitan aliquam
 haberemus. at Euangelium ab il-
 lo, qui edidit, exemplo vitæ pro-
 priæ clarissimè declaratum est, vt
 cæcis etiam patere queat. Neque
 solum ab ipso Christo explicatum
 illud habemus : sed tot commen-
 taria, quæ ad sensum patent, cla-
 rissima extant, quot sunt Aposto-
 li,

Edi. 24.

3. 7. 13

li, Martyres, Confessores, Virgines, Sancti denique, quorum per singulos ferè dies, præconia, & triumphos celebramus. Omnes enim isti clamant, non per multas oblectationes, sed *per multas tribulationes oportere nos intrare in Regnum celorum.* AB. 14.

C A P. I I I.

*De secundo fructu verbi
quarti.*

Alter fructus, isq; valde pretiosus, colligi potest ex consideratione silentij Christi in tribus illis horis, quæ fluxerunt ab hora sexta vsque ad nonam. Quid enim quæso te, anima mea, fecit Dominus tuus in illis tribus horis? horror, & tenebræ mundum inuoluerant vniuersum: & Dominus tuus non in lecto molli quiescebat, sed in cruce nudus, doloribus plenus, sine vilo consolatore

146 De sept. verb. Dom.

pendebat. Tu Domine, qui solus hoc nosti, doce seruulos tuos, vt intelligant, quantum tibi debeant, & saltem pijs lacrymis compantiantur tibi, & discant in hoc exilio pro amore tuo aliquando, si tibi placitum fuerit, omni consolatione carere. Ego, fili, nunquam in toto vitæ meæ mortalis decursu, qui nihil fuit, nisi labor, & dolor, maiores angustias expertus sum, quàm in illo trium horarum decursu: neque vnquam libentius dolores pertuli, quàm in illo eodem spatio temporis. Tunc enim ex lassitudine corporis semper magis ac magis vulnera dilatabantur, & doloris acerbitas augebatur. Tunc ex ipsa Solis absentia frigus aëris auctum, corpori meo ab omni parte nudo dolorem augebat. Tunc ipsæ tenebræ, quæ conspectum cæli, & terræ, & rerum cæterarum auferebant, cogebant quodammodo animam, vt sola corporis sui tormenta cogitaret: ita ex hac parte tres illæ

horæ

Lib. II. Cap. III. 147

horæ tres mihi anni esse videbantur. Sed quoniam desiderium, quo pectus meum ardebat honoris paterni, & obedientiæ eius adimplendæ, & salutis animarum vestrarum procurandæ, tale erat, vt quò magis dolor corporis augebatur, eò magis ignis ille desiderij mitigaretur: videbãtur mihi tres horæ illæ, tria parua momenta temporis, præ amoris patiendi magnitudine. O pijsime Domine, si res ita se habet, valde ingrati sumus, quibus graue est vnã horulam in istis tuis doloribus cogitandis insumere, cum tibi graue non fuerit, tribus horis integris cum tenebrarum horrore, in frigore, & nuditate, in ardētissima siti, in cruciatibus acerbissimis pro salute nostra procuranda in cruce pendere. Sed quæso te, amator hominum, responde mihi, vtrum dolorum vehementia facere potuerit, vt in illotam longo trium horarum silentio, cor tuum ab oratione cessauerit.

148 De sept. verb. Dom.

uerit. Nos enim cum in tribulatione versamur, præsertim si membra corporis acri dolore pungeantur, non sine magno labore animū ad orandum applicare valemus. Non ita ego, fili, sed in carne infirma spiritum promptum ad orationem gerebā. Immò verò totas illas tres horas, in quibus nihil per linguam locutus sum, cordis ore ad Patrem pro vobis orando, & clamando consumpsi. Neque solum orabam corde, sed etiam vulnere, & sanguine. Quot erāt in corpore meo vulnera, erant autē plurima, tot erant ora clamantia pro vobis ad Patrem; & quot erāt sanguinis guttæ, tot erant lingue petentes, & postulantes misericordiam vobis ab eodem Patre meo, & vestro. Nunc verò Domine, planè confundis impatientiam serui tui, qui si fortè labore fatigatus, vel dolore grauatus ad orandum accedat, vix potest mentem ad Deum attollere, vt pro se oret; vel si per gratiam tuam attollat,

tollat, non potest diu attentionem
continuatione, quin mentem ad la-
borem, vel dolorem suum refle-
ctat. Miserere igitur Domine,
serui tui secundum magnam mi-
sericordiam tuam, vt tam magno
proposito exemplo patientiæ tuæ,
discat vestigia tua sequi, & perexi-
guas molestias suas, saltem in ora-
tione contemnere.

C A P. IV.

*De tertio fructu verbi
quarti.*

CUm Dominus in cruce cla-
mans dixit, *Deus meus, vbi
quid dereliquisti me?* non ideò di-
xit, quòd re vera nesciret, cur eū
Deus dereliquisset. Quid enim
nesciret, qui omnia nouit? sic enim
Apostolus Petrus respondit Do-
mino quærenti, *Simon Ioannis
amas me?* Domine, inquit, *tu om-*
nia nosti, tu scis, quia amo te.

Ioan. 21.

150 De sept. verb. Dom.

& Apostolus Paulus de Christo
Coloss. 2. loquens addit, *In quo sunt omnes thesauri sapientie, & scientie.*
 Non igitur quæsiuit, vt disceret, sed vt nos ad quærendum hortaretur, & vt quærendo, & inueniendo multa nobis vtilia, vel etiam necessaria disceremus. Cur igitur Deus filium suum in laboribus, & doloribus acerbissimis dereliquit? Quinque mihi occurrunt causæ, quas in medium adducam vt sapientioribus occasionem præbeam meliora, & vtiliora inuestigandi.

Prima igitur mihi esse videtur magnitudo & multitudo offensionum generis humani in Deum, quas filius in suo corpore expiandas suscepit. *Pecata nostra,* inquit sanctus Petrus, *ipse pertulit in corpore suo super lignum,* vt peccatis mortui iustitie vinamus: cuius liuore sanati estis. Porro magnitudo offensionis, quâ Christus passione sua delendam suscepit, est quidem aliquo modo infi-

Lib. II. Cap IV. 151

infinita, ratione personæ infinitæ, dignitatis, & excellentiæ, quæ fuit offensa: sed etiam persona satisfaciens, quæ est filius Dei, est etiam infinitæ dignitatis, & excellentiæ; ac per hoc quælibet pœna à filio Dei sponte suscepta, etiamsi vna tantum fuisset sanguinis gutta, satis esse potuisset ad satisfactionem. Atque hoc quidem verum est: sed ut copiosa esset redemptio, & quia non vnica fuit offensio, sed propè innumerabiles; non enim solius Adæ peccatum primum, sed omnia peccata omnium hominum, super se accepit Agnus Dei, qui tollit peccata mundi: ideo placuit Deo, ut pœnas innumerabiles, easque grauissimas filius eius portaret. atque hoc in illa derelictione significatur, de qua Filius ad Patrem dicit, *Quare dereliquisti me?* Altera causa fuit magnitudo, & multitudo pœnarum gehennæ, quam ut notam nobis faceret, voluit eam filius Dei tam ingenti pœnarum

152 De sept. verb. Dom.

suarum imbre restinguere. Quanta sint autem gehennæ incendia, docet Isaias Propheta, cum ea docet esse planè intolerabilia, cum

Isai. 33. ait, *Quis ex vobis habitare poterit cum igne deuorante? quis habitabit cum ardoribus sempiternis?*

Gratias igitur ex toto corde agamus Deo, qui derelinquere voluit filium suum vnigenitum in doloribus maximis ad tempus, vt nos liberaret ab ardoribus sempiternis. Gratias quoque Agno Dei, ex intimo corde reddamus, qui derelinqui maluit à Deo sub gladio iugulante, quàm vt relinqueret ille nos sub dentibus bestię infernalis, quæ semper rodit, & nunquam rodendo satiatur. Tertia causa est, magnitudo pretij

Mat. 13. gratiæ diuinæ, quæ est illa margarita pretiosa, quam mercator sapientissimus Christus, venditis omnibus, quæ habebat, emit, nobisq; restituit. Gratia Dei, quæ nobis in Adamo data fuerat, & quam Adamo peccâte perdidimus, tam

pre-

Lib.II.Cap.IV. 153

pretiosa margarita erat, vt & mirificè nos ornaret, & Deo gratissimos redderet, & pignus esset felicitatis æternæ. Hanc margaritam, quæ summa erat diuitiarum nostrarum, serpentis astutia nobis ademptam, nemo erat, qui recuperare posset, nisi filius Dei, qui sapientia sua vincit malitiam diaboli; sed cum grauissimo incommodo suo, exponens ipse se laboribus, & doloribus plurimis: vicit pietas Filij, qui se itineri laboriosissimo, ac molestissimæ peregrinationi commisit, vt margaritam illam nobis recuperaret. Quarta causa fuit magnitudo eminentissima Regni calorum, ad quod nobis aditum immensis laboribus, & doloribus suis aperuit filius Dei, de quo Ecclesia gratissimo animo canit, *Tu deuictio mortis aculeo, aperuisti credentibus Regna calorum*. Atque vt mortis aculeum vinceret, opus illi fuit durissimo prælio cum morte luctari: in quo prælio Pater eum,

154 De sept. verb. Dom.

dereliquit, vt gloriosius triumpharet. Quinta causa fuit amor ingens, quo Patrem Filius prosequabatur. Optabat enim, vt in redemptione mundi, & abolitione peccati, honori Patris æterni copiosissimè, & cumulativissimè satisfaceret. Id verò fieri non poterat, nisi Pater Filium derelinqueret, id est, pati sineret tormenta omnia, quæ à Diabolo excogitari, & ab homine tolerari queunt. Siquis igitur quærat, vt quid Deus Filiū in cruce extrema quæque patientem dereliquit? responderi poterit, vt appareat magnitudo peccati, magnitudo gehennæ, magnitudo gratiæ diuinæ, magnitudo vitæ æternæ, & magnitudo charitatis Filij Dei erga Patrem suum. Ex quibus causis alia quoque soluitur quæstio, cur videlicet multis Martyribus Deus sic admiscuerit calicem passionis cum ingenti copia spiritualium consolationum, vt Martyres illi maluerint calicem passionis cum admiscione

*vide Ruf
finū hist.
Eccles. c.
36.*

stione illarum consolationum, quàm sine illis cōsolationibus carere calice passionis: & Filium suum dilectissimum permiserit sine vlla cōsolatione calicem amarissimum vsque ad feces, vt sic loquar, exhaurire. Huius enim rei ratio est, quia in sanctis Martyribus nulla earum causarum locum habebat, quas in passione Christi enumerauimus.

C A P. V.

*De quarto fructu verbi
quarti.*

Addi potest etiam alius fructus non tam ex ipso quarto verbo, quàm ex circumstantia temporis, in quo dictum est, videlicet ex horrendis tenebris, quæ verbum illud proximè præcesserunt. Siquidem tenebræ illæ apertissimæ sunt ad gentem Hebræorum illuminandam, & ad Chri-

156 De sept. verb. Dom.

stianos ipsos in vera fide confirmandos, si ad vim demonstrationis, quam ex tenebris illis deductam nunc proponemus, animum serio applicare velint. Demonstratio ex quatuor veritatibus nullo negotio colligi potest.

Prima veritas est, Christo crucifixo Solem obscuratum esse planè totum, vt stellæ in cælo conspicerentur, vt noctu conspici solent. Hæc veritas quinque testibus fide dignissimis, & qui diuersarum erant nationum, & diuersis temporibus, & in locis diuersis erant, cùm scriberent libros suos, vt nō potuerint ex collatione, vel cōuentione inter se facta scribere.

Matt. 17 Primus est S. Matthæus, hebræus, qui in Iudæa scripsit, & vnus ex illis est, qui Solem obscuratum viderunt. Et certè hic vir grauis, & prudens, nunquam hoc in Iudæa, & vt credibile est, in ipsa ciuitate Hierosolyma, scripsisset, si verum non esset, quod scripsit. Quoniã alioqui potuisset ab omnibus

nibus illius ciuitatis, & regionis incolis reprehendi, & derideri, quasi scripsisset, quæ omnes scirēt esse falsissima. Alter testis est sanctus Marcus, qui Romæ scripsit, *Mar. 15.* & ipse quoque eclipsim illam vidit, quia tunc in Iudæa erat cum alijs discipulis Domini. Tertius est sanctus Lucas, qui græcus erat, *Luc. 23.* & in Græcia scripsit: & ipse quoque vidit eclipsim, Antiochiæ, in patria sua. Nam cum eam viderit Heliopoli in Ægypto sanctus Dionysius Areopagita, facilius eam videre potuit sanctus Lucas ex Antiochia, quæ vicinior est Hierosolymæ, quàm Heliopolis. Quartus testis, & quintus sunt Dionysius, & Apollophanes, qui Græci erant, & eo tempore gentiles: & disertis verbis testantur, eam eclipsim à se visam, & considerata, cum summa sua admiratione. Hi sunt quinque testes, qui de visu proprio testantur. His accedunt annales Romanorum veterum, & Phlegon chronographus

158 De sept. verb. Dom.

Adriani Imperatoris, vt supra monuimus in primo capite. Itaque prima veritas nullo modo sine ingenti temeritate negari potest à Iudæis, vel à paganis. Nam apud Christianos veritas hæc ad Fidem Catholicam pertinet.

Altera veritas est, prædictam eclypsim non potuisse fieri, nisi per omnipotentiam Dei; ac per hoc non à dæmonibus vlllo modo, vel ab hominibus auxilio dæmonum procurari potuisse: sed de speciali prouidentia, & voluntate Dei creatoris, & gubernatoris mundi esse profectam. Hæc veritas hac ratione demonstratur. Nam Sol non potest deficere, nisi vno ex tribus modis, vel per interpositionem Lunæ inter Solem, & terram, vel per ingentem, & densissimam aliquam nubem; vel per radiorum Solis retractionem, siue extinctionem. Primo modo non potuit naturaliter illa interpositio fieri, quia cùm tunc esset pascha Iudeorum, Luna inueniebatur

Lib. II.. Cap. V. 159

tur opposita Soli, proinde necesse fuit, vel sine interpositione Lunæ illam eclypsim fieri, vel inusitato, & maximo miraculo, Lunam paucis horis iter fecisse, quod quatuordecim diebus factura erat, ac deinde simili miraculo retrocessisse tanta velocitate, vt spatio triū horarum conficeret rursum iter dierum quatuordecim. Illa autem, quæ ad cælestes orbes pertinent, extra controuersiam est, nō posse fieri nisi à Deo: neque enim dæmones vllam potestatem habent nisi infra Lunam. Ideò enim

apostolus dæmonē appellat Principem potestatis aëris huius. *Eph. 2.* Secundo modo non potuit fieri deliquium illud Solis, quoniam, vt supra diximus, nubes densa, & crassa non potest eripere nobis aspectum Solis, nisi etiam auferat aspectum stellarum: constat autem ex testimonio Phlegontis, deficiente Sole in passione Christi, visas fuisse stellas in cælo, eo planè modo, quo videntur in noctibus.

160 De sept. verb. Dom.

bus. Tertio denique modo notissimum est, non posse Solis radios retrahi, vel extinguere, nisi à Deo, qui Solem creauit. Igitur secunda veritas non minus certa est, quàm prima, neque minori temeritate potest negari, quàm prima.

Tertia veritas est, tenebras illas, de quibus nunc agimus, Christi crucifixi causa exortas, atque à diuina prouidentia procuratas fuisse. Hęc veritas ex eo demonstrari potest, quòd tenebræ illæ tam diu perseuerauerunt in aëre, quandiu Christus Dominus viuē dependit in cruce: id est, ab hora sexta vsque ad nonam. Id attestantur quotquot huius deliquij meminerunt. neque casu fieri potuit, vt tenebræ plenę miraculis cum Christi passione coinciderēt. Quę enim miraculo fiunt, non casu, sed diuina prouidentia fiūt. Neque vllus auctor est, quòd ego sciam, qui aliam causam huius tam admirandi deliquij assignare po-

potuerit. Qui enim Christum nouerunt, eius causa deliquium illud factum esse confessi sunt: qui Christum non nouerunt, ignorantiam suam fassi admirantes permanserunt.

Quarta veritas est, tenebras illas tam prodigiosas nihil aliud indicare potuisse, nisi sententiam Caiphe, & Pilati iniustissimam, fuisse, & Iesum esse verum, & proprium Filium Dei, verissimūq; Messiam Iudæis promissum. Hec enim potissima causa fuit, cur Iudæi Christum ad necem postulauerint. Nam in concilio Pontificum, & Sacerdotum, Scribarum, & Phariseorum, cum videret Pontifex testimonia aduersus Christum nihil probare; surrexit, & ait, *Adiuro te per Deum viuum, ut dicas nobis, si tu es Christus filius Dei.* Consistente autem Domino, & confitente se esse, scidit vestimenta sua Pontifex dicens, blasphemauit: quid adhuc egemus testibus? ecce nunc audistis blasphemiam,

Matt. 26.

162 De sept. verb. Dom.

miam, quid vobis videtur? At illi respondentes dixerunt, Reus est mortis. Ac deinde coram Pilato,

Ioa. 19.

qui Dominum liberare à morte cupiebat, Pontifices, & ministri dixerunt, Nos legem habemus, & secundum legem debet mori, quia filium Dei se fecit. Hæc igitur potissima causa fuit, cur Dominus ad crucem damnatus fuerit.

Dan. 9.

Quod prædictum fuit à Daniele Propheta dicente, Occidetur Christus, & non erit eius populus, qui eum negaturus est. Atque hæc ipsa causa fuit, cur Deus in passione Domini horrendas illas tenebras in mundum effuderit, ut apertissimè testaretur, errauisse Pontifices, errauisse populū, errauisse Pilatū, errauisse Herodem: & illum qui pendeat in cruce, esse verum filium suum, & Messiam promissum. Quod ipsum Centurio animaduersis cælestibus signis, clama-

Mat. 27

mauit, Verè filius Dei erat iste.

Luc. 23.

& rursus, Verè hic homo iustus erat. Cognouit enim Centurio

signa

signa illa cælestia esse quasi vocem Dei retractantis sententiam Cai-phæ, & Pilati, & affirmantis, hominem illum contra omne ius morti traditum fuisse, cum sit auctor vitæ, verus Dei Filius, & Christus in lege promissus. Quid enim significare potuit Deus tenebris illis, addita scissione petrarum, & veli Sanctuarij, nisi auersum se iam esse à populo quondam suo, & iratum iracundia maxima, propterea quod *non* Luc. 19.
cognouerit tempus visitationis sue, ut Dominus illis manifestè prædixit apud Lucam.

Certè si Iudæi ista considerarent, & simul animaduernerent, se ab illo tempore dispersos esse inter varias nationes, & neque Reges habere, neque Pontifices, neque altaria, neque sacrificia, neque miracula diuina, neque responsa Prophetarum; planè intelligerent, se à Deo derelictos; & quod est longè miserius, datos esse in reprobum sensum, & nunc
 im-

164 De sept. verb. Dom.

Isai. 6.

impleri in eis, quod Isaias futurum prędixit, cum Dominum dicentem introducit, *Vade, & dices populo huic, audite audientes, & nolite intelligere: & videte visionem, & nolite cognoscere. Excaca cor populi huius, & aures eius aggraua, & oculos eius claudet, ne forte videat oculis suis, & auribus suis audiat, & corde suo intelligat, & conuertatur, & sanem eum.*

C A P. V I.

De quinto fructu verbi quarti.

IN primis tribus verbis commendauit nobis magister noster Christus tres eximias virtutes, charitatem ad inimicos, misericordiam ad miseros, & pietatem ad parentes. In quatuor sequentibus verbis comendat virtutes quatuor, non quidem excellentiores, sed nobis non minus necessaria.

Lib. II. Cap. VI. 165

cessarias, humilitatem, patientiā,
perseuerantiam, & obedientiam.
Et quidem humilitatem, quæ pro-
priè virtus Christi dici potest,
cùm eius nulla fiat mentio in-
scriptis sapientium huius mundi;
in toto vitæ suæ decursu re ipsa,
& factis ostendit: sed præterea di-
sertis verbis eius virtutis se ma-
gistrum professus est, cùm ait,
Discite a me, quia mitis sum, & Matt. 11
humilis corde. Sed nunquam cla-
rius hanc virtutem, & simul etiam
patientiam, quæ separari ab hu-
militate non potest, nobis com-
mendauit, quàm cùm ait, *Deus*
meus, Deus meus ut quid dereli-
quisti me? his enim verbis Chri-
stus ostendit, permittente Deo,
omnem suam gloriam, & excel-
lentiam in conspectu hominum
obscuratam: quod ipsum etiam
tenebræ illæ demonstrabant. Non
potuit autem Dominus sine exi-
mia humilitate, & patientia ob-
scurationem eiusmodi tolerare.

Gloria Christi, de qua loquitur
san-

166 De sept. verb. Dom.

Ioan. 1.

sanctus Ioannes in principio Euā-
gelij, cū ait, *Vidimus gloriam*
eius, gloriam quasi vnigeniti à Pa-
tre, plenum gratia, & veritatis:
posita erat in potentia, sapientia,
probitate, maiestate regia, bea-
titudine animæ, & dignitate di-
uina, quam habuit, vt verus, & na-
turalis filius Dei. Hæc omnia
passio obscurauit: & hanc obscu-
rationem illa verba significant,

Deus meus, Deus meus vt quid de-
reliquisti me? Potentiam passio
obscurauit, quia cruci affixus ni-
hil omnino posse videbatur; &
ideò Principes Sacerdotum, &
milites, & ipse etiam latro expro-
brabant illi impotentiam dicen-

Matt. 27

tes, Si tu es Christus, descende de
cruce. &, Alios saluos fecit, seip-
sum non potest saluum facere.

Quanta patientia, quanta humi-
litas necessaria fuit, vt nihil ad
ista responderet is, qui verè erat
omnipotens? Sapientiam passio
obscurauit, quando coram Prin-
cipibus Sacerdotum, coram He-
rode,

Lib.II. Cap.VI. 167

rode, coram Pilato ad multas interrogationes, quasi consilij omnis expertus, nihil respondebat. ex quo factum est, vt eum Herodes indutum veste alba, spreuerit, & Luc. 23. exercitus eius. Quanta humilitas, quanta patientia necessaria erat, ad ista toleranda, ei, qui non solum Salomone sapientior, sed ipsa Dei sapientia erat? Probitatem vitæ passio obscurauit, cum in medio latronum cruci affixus penderet, quasi seductor populorum, & Regni alieni vsurpator esset. Atque hanc innocentia gloriā magis adhuc obscurare videbatur illa derelictio Dei, quam ipse fatebatur dicens, *Cur me dereliquisti?* Deus enim non probos viros, sed improbos derelinquere solet. Certè superbi omnes valde cauent, ne aliquid dicant, vnde possint qui audiunt, suspicari indignitatem aliquam suam eos ipsos confiteri. Sed humiles, & patientes, quorū Rex Christus fuit, libenter occasionem omnem arripiunt

168 De sept. verb. Dom.

piunt humilitatis, & patientiæ, modò nihil falsi dicant. Quanta igitur humilitas, quanta patientia necessaria fuit ad ista toleranda illi, de quo Apostolus dicit,

Hebr. 7. Talis decebat, ut nobis esset Pontifex, sanctus, innocens, impollutus, segregatus à peccatoribus, & excelssior cælis factus. Porro regiam maiestatem passio sic obscuravit, ut pro diademate aureo spineam coronam, pro sceptro arundinem, pro tribunali patibulum, pro regio comitatu duos illi latrones adiunxerit. Quanta igitur humilitas, quanta patientia necessaria

Apo. 1. fuit illi, qui verè erat Rex Regū, & Dominus Dominantiū, & Princeps Regum terræ? Quid iam dicā de beatitudine animæ, quam verè Christus habuit ab ipsa sua conceptione? & quam potuisset, si voluisset, in corpus etiam transfundere? quàm vehementer gloriam istam passio obscuravit, cum

Isai. 53. eum fecerit virum dolorum, & scientem infirmitatem, & despectum,

etum, & nouissimum virorum,
iuxta Isaiam. & cum ipse clamet
præ magnitudine passionis, *Deus*
meus, ut quid dereliquisti me?
Denique celsissimam diuinæ per-
sonæ dignitatem passio sic obscu-
rauit, ut qui supra omnes, non
homines tantum, sed etiam Ange-
los sedet, propter passionem di-
cat, *Ego autem sum vermis, &* psal. 111.
non homo, opprobrium hominum,
& abiectio plebis.

Ad hunc igitur locum nouissi-
mum Christus in passione descen-
dit: sed hæc descensio non sine
ingēti merito, & exaltatione fuit.
Quod enim idem Dominus verbo
sæpissimè promisit, dicens, *Omnis* Mat. 23.
qui se humiliat exaltabitur; in Luc. 14.
ipsius persona impletum fuisse, & 18.
Apostolus testatur, cum ait, *Hu-* phil. 2.
milauit semetipsum factus obe-
diens usque ad mortem, mortem
autem crucis: propter quod &
Deus exaltauit illum, & dedit
illi nomen, quod est super omne
nomen, ut in nomine Iesu omne

170 De sept. verb. Dom.

genu flectatur, celestium, terrestrium, & infernorum. Ita qui fuit nouissimus, declaratus est primus; & humiliatio breuissima, & quasi mométanea fuit, sed exaltatio sempiterna. Quod idem

1. Cor. 4. purgamenta huius mundi, & omnium peripfema, id est, res vilissimas, quæ ab omnibus proijciuntur, & conculcantur. hæc fuit humilitas Apostolorum. Sed quæ exaltatio? Sanctus Ioannes Chrysostomus docet, cum ait, Apostolos nunc in cælo prope ipsum thronum Dei assistere, vbi Cherubim Deum glorificant, vbi Seraphim volant; id est, cum primis Principibus Regni cælorum locum tenere, à quo loco nunquam excident. Certè si homines attentè considerarent, quàm honorificum sit, humilitatem filij Dei hic in terris imitari; & simul aliquo modo suspicari possent, quanta sit exal-

*Hom. 32.
in epist.
ad Rom.*

Lib.II. Cap.VII. 171

exaltatio, ad quam humilitas ipsa perducit, paucos omnino superbos inueniremus: sed quia sensibus carnis, & humana cogitatione plerique omnia metiuntur, ideò mirum non est, si rara sit humilitas in terris, & superborum infinitus sit numerus.

C A P. V I I.

*De verbo quinto, Sitio, ad
literam.*

S Equitur verbum quintum, quod habetur apud sanctum Ioannem, & est verè verbum vnū, videlicet, *Sitio*. Sed vt intelligatur, necesse est addere verba Euāgelistæ præcedentia, & sequentia. sic igitur loquitur sanctus Ioannes, *Postea sciens Iesus, quia omnia consummata sunt, vt consummaretur Scriptura, dixit, Sitio. Vas ergo erat positum aceto plenum. illi autem spongiam ple-*

Ioan. 19.

172 De sept. verb. Dom.

nam aceto byssopo circumponentes, obtulerunt ori eius. Quorum verborum hæc sententia est: Dominus noster adimplere voluit omnia, quæ de vita, & morte eius Prophetæ, Spiritu sancto pleni, prænouerant, & prædixerant. & quoniam omnibus alijs adimpletis, adhuc vnum restabat, vt acetum in siti sua gustaret, iuxta illud psalmi sexagesimi octauī, *In siti mea potauerunt me aceto*, dixit clara voce, *Sitio*. & qui astabant, obtulerunt ori eius spongiā aceto plenā, & calamo impositā. Dominus igitur noster dixit, *Sitio*, vt impleretur Scriptura. Et quare vt impleretur Scriptura? cur non potius dixit *Sitio*, quia re vera sitiebat, & restinguere sitim cupiebat? nō enim Propheeta prædixerat, ad hoc vt fieret, quod prædixit; sed ideò prædixerat, quia præuiderat futurū; & futurū prædixerat, quia res verè futura erat, etiā si nō præuideretur. Itaque præuisio, vel prædictio non
est

Lib.II. Cap.VII. 173

est causa rei futuræ, sed res futura causa est, cur possit præuideri, vel prædici. Magnū hoc loco mysteriū aperitur. Verè enim Dominus siti grauissima laborauit à principio crucifixionis, & ea sitis creuit semper magis ac magis, ita ut vnū fuerit ex maioribus tormentis, quæ Dominus in cruce pertulit. Siquidem emissio magnæ copię sanguinis, exsiccat, & sitim, prouocat. Noui ego personam, quæ multis affecta vulneribus, ex quibus ingens copia sanguinis fluxerat, nihil nisi potum desiderabat, quasi nihil mali pateretur præter ardentissimam sitim. Idem legitur in vita sancti Emmerami martyris: qui ligatus ad palum, & plurimis vulneribus acceptis, de siti tantummodo querebatur. Christus igitur, qui post longam defatigationem multum sanguinis in flagellatione fuderat; & postea crucifixus quatuor quasi fontes in corpore suo patentes gerebat, ex quibus ingens san-

*Vide su-
rium ad
diem 22.
Septemb.*

174 De sept. verb. Dom.

guinis copia longo iam tempore fluxerat; quomodo fieri potest, ut non siti ardentissima cruciaretur? Et tamen longum hunc cruciatum per tres horas silentio prefferat, & potuisset etiam premere usque ad mortem, quæ iam tunc erat in ianuis. Cur igitur tanto tempore silentio texit cruciatum tam immanem, & iam iam moriturus illum manifestans dicit, *Sitio*; nisi quia voluntas Dei erat, ut nos omnes nouum hoc tormenti genus Christo non defuisse sciremus? Et ideò idem Pater cælestis à Propheta prædici voluit in persona Christi; & ipsi Domino Iesu Christo inspirauit, ut ad exemplum patientiæ fidelibus suis notum faceret hunc nouum & acerbissimum cruciatum. Dixit ergo, *Sitio*, id est, deficit iam in carne mea humor omnis: aruerunt venæ, aruit lingua, aruit palatum, aruerunt fauces, aruerunt interiora omnia: si quis me refocillare cupit, potum offerat.

Au.

Lib II. Cap. VII. 175

Audiamus nunc quem potum illi obtulerint, qui cruci aſtabāt. *Erat ergo vas aceto plenum, illi autem ſpongiam plenam aceto byſſopo circūponentes obtulerunt ei.* O conſolationem, o refrigerium. Erat ibi vas aceto plenum, quod noxium eſt vulneribus, & mortem accelerare ſolet, atque ea de cauſa ibi conſeruabatur, vt mortem cruci affixis acceleraret. Certè ſanctus Cyrillus ad hunc locum ita ſcribit, *Pro iuuante, & iucundo potu nocentem, & acerbum obtulerunt.* Et hoc ideò credibilius redditur, quòd ſanctus Lucas ſcribat in Euangelio, *Illudabant autem ei & milites accedentes, & acetum offerentes.* & quamuis hoc ſcribat ſanctus Lucas de Chriſto recens cruci affixo: ramen credibile eſt, illos ipſos milites, cū audiuerunt claman- tem, *Sitio*, tunc acetum per ſpongiam, & calamum dediffe, quem antea illudentes obtulerāt. Summa eſt, vt initio paulò ante,

176 De sept. verb. Dom.

Matth. 27. cruci affixionem, obtulerunt vinū
Joan. 19. felle mistum; sic in exitu vitæ acetum
noxium vulneribus obtulerunt, ut à principio vsque ad finem tota Christi passio fuerit simplex, & vera passio nulla consolatione admixta.

C A P. V I I I.

De primo fructu verbi quinti.

Scripturæ testamenti veteris plerunque per scripturas testamenti noui declarari solent: sed in hoc mysterio de siti Domini, verba psalmi sexagesimi octauui haberi possunt pro commentario Euangelij. Siquidem in Euāgelio non apertè declaratur, an qui obtulerunt acetum Domino sitienti, id fecerint, ut ei gratificarentur, an ut eum magis affligerent, id est, ex amore, vel odio. Nos cum sancto Cyrillo in malam par-

partem accipimus factum illorū,
 qui Domino sitienti acetum pro-
 pinauerunt. Sed verba psalmi a-
 pertiora sunt, quā vt explicatio-
 ne indigeant: atque ex eis hunc
 fructum colligemus, vt discamus
 sitire cum Christo, quæ verè, & sa-
 lubriter sitienda sunt. Hæc sunt
 verba Prophetæ. *Sustinui, qui
 simul contristaretur, & non fuit:
 & qui consolaretur, & non inue-
 ni. & dederunt in escam meam
 fel, & in siti mea potauerunt me
 aceto.* Itaque qui dederunt Chri-
 sto Domino, paulo antequam cru-
 cifigeretur, vinum cum felle mix-
 tum; & qui crucifixo Domino a-
 cetum obtulerunt, de illis erant,
 de quibus queritur dicens, *Susti-
 nui qui simul contristaretur, &
 non fuit: & qui consolaretur, &
 non inueni.*

Sed posset aliquis quærere, an
 non Beatissima Virgo mater Do-
 mini, & soror matris eius Maria
 Cleophæ, & Maria Magdalena,
 cum Apostolo Ioanne, stantes iux-

178 De sept. verb. Dom.

ta crucem verè, & ex corde simul contristabantur? An non etiam mulieres illæ, quæ sequebantur

LUC. 23. Dominum ad montem Caluariæ plangentes eum, verè simul cum eo contristabantur? denique nonne Apostoli omnes passionis tempore tristabantur, cùm eis Chri-

IOAN. 16. stus ipse prædixisset, *Mundus gaudebit, vos verò contristabimini?* Omnino contristabantur omnes isti, & seriò contristabantur: sed non simul cum Domino contristabantur; quia non eadem erat tristitiæ causa, vel ratio in Christo, & in alijs. Dominus enim ait, *Sustinui, qui simul contristaretur, & non fuit: & qui consolaretur, & non inueni.* Illi tristabantur de passione, & morte Christi corporali: ille non de hac re tristabatur, nisi ad breue tempus in horto, vt se verè hominem demonstraret: immò dicebat, *Desiderio desideravi hoc pascha manducare vobiscum antequam pa-*

LUC. 22. *tiar.* & alio loco, *Si diligeretis*

me,

me, gauderetis utique, quia vado ad Patrem. Quæ nam igitur erat causa tristitiæ Domino, in qua simul contristantes non inuenit? perditio animarum, pro quibus patiebatur. Et quæ erat causa cōsolationis, in qua consolantem, non inuenit nisi salus animarum, quam sitiebat? Hanc vnā consolationem quærebat, hanc optabat, hanc esuriebat, hanc sitiebat: sed datum est ei fel in escam, & acetum in potum. Fellis enim amaritudo peccata significat, quibus nihil est amarius, ei qui sensum gustandi habeat non infectū, vel deprauatum: aceti verò acrimonia, vel acerbitas obstinationem significat in peccato. proinde meritò Christus tristabatur, quia videbat pro vno latrone cōuerso, non solum alterum latronem in obstinatione mansisse, sed multos alios item obstinatos manere, & ex Apostolis ipsis omnes ferè scandalum passos, Petrum negasse, Iudam desperasse.

180 De sept. verb. Dom.

Siquis igitur velit Christum in cruce esurientem, & sitientem, & inde valde contristatum, & dolentem consolari, atque reficere: primum ipse se offerat verè poenitentem, & peccata propria detestantem; deinde simul cum Christo tristitiam magnam in corde suo concipiat, quòd tanta animarum multitudo quotidie pereat, cùm tam facile possent omnes homines saluari, si redemptionis pretio uti vellent. Verè Apostolus Paulus vnus erat ex ijs, qui cum Christo tristabantur, cùm ait in epistola ad Romanos, *Veritatem dico in Christo, non mentior, quoniam tristitia mihi magna est, & continuus dolor cordi meo. Optabam enim ego ipse anathema esse à Christo pro fratribus meis, qui sunt cognati mei secundum carnem, qui sunt Israelitæ, quorum adoptio est filiorum, &c.* Nō poterat Apostolus magis amplificare desiderium suum erga salutem animarum, quàm illa

Rom. 9.

amplius

exag-

Lib.II. Cap.VIII. 181

exaggeratione, *Cupiebam anathema esse à Christo*. Significat enim ex sententia sancti Ioannis Chrysostomi de Compunctione cordis, & in epist.ad Romanos, se adeò vehementer tristari de damnatione Iudæorum, vt si fieri posset, cuperet ipse separari à Christo, propter Christum; non quidē à charitate Christi separari cupiebat, de qua dixerat paulò ante, *Quis nos separabit à charitate Christi?* Sed à gloria Christi, malens ipse gloria cælesti priuari, quàm vt Christus priuaretur tanto fructu passionis suæ, quantus appareret in conuersione multorum millium Iudæorum. Iste igitur verè tristabatur cum Christo, & consolabatur dolorem Christi: sed paucos habet hoc tempore imitatores. Primùm enim Pastores animarum non pauci magis tristantur, si prouentus Ecclesiæ suæ diminui, aut etiam perire videant, quàm si multus animarum numerus ex ipso absentia, vel

Lib. I.
Rom. 18.
Rom. 8.

ne-

182 De sept. verb. Dom.

Lib 4 de
confider.
cap. 9.

negligentia pereat. *Patientius*, inquit sanctus Bernardus de Episcopis loquens, *ferimus Christi iacturam, quam nostram. Quotidianas expensas, quotidiano reciprocamus scrutinio, & continua Domini gregis detrimenta nescimus*. Non satis esse debet Prelato, si ipse piè viuat, & Christi virtutes priuatim imitari fatagat, nisi etiam subditos suos, vel potius filios suos, pios efficiat, & per Christi vestigia ad vitam æternam ducat. proinde si Christo cōpati, & cum illo tristari, eiusque dolores consolari cupiunt; vigilant super gregem suum, non deserant ouiculas suas, verbo dirigant, exemplo præcedant.

Sed etiam de priuatis hominibus iure queri potest Christus, quòd cum illo non contristentur, neque dolorem suum consolentur. Et si cū in cruce pendeat, meritò querebatur de perfidia, & obstinatione Iudæorum, à quibus videbat tantum suum laborem,

do-

Lib. II. Cap. VIII. 183

doloremq; contemni, & tam pretiosam medicinam sanguinis sui tãquam à phreneticis respui: quid nunc dicere potest, cùm non iam de cruce, sed de cælo videat, ab his, qui in eum credunt, aut credere se dicunt, nihili fieri passionem suam, sacrum sanguinem conculcari; & nihil, nisi fel, & acetum sibi offerri, id est, sine consideratione diuini iudicij, & sine metu gehennæ multiplicari peccata? *Gaudium est in calis suis* Luc. 15. *per uno peccatore pœnitentiam agente*: sed si paulò post ille qui per fidem & baptismum natus videbatur in Christo, & qui per pœnitentiam à morte reuocatus videbatur ad vitam, iterum peccando moritur; nonne gaudium vertitur in tristitiam? & lac in fel; & vinum vertitur in acetum? Certè *mulier, quæ cùm parit tristiniam habet*, si viuû pariat puerum, iam non meminit pressura, quia natus est homo in mundum; sed si fortè puer continuò moriatur,

184 De sept. verb. Dom.

tur, aut etiam mortuus nascatur; nonne duplici dolore torquebitur? sic etiam multi laborant confitendo peccata, fortasse etiam in ieiunijs, & eleemosynis non sine labore versantur. Sed quia per conscientiam erroneam, vel ignorantiam non probabilem ad indulgentiam non perueniunt; nonne isti laborant in parturiendo, & tamen abortum faciunt, & se ipsi, & pastores suos duplici mœrore conficiunt? Similes sunt eiusmodi homines viro ægrotanti, qui amarissimo pharmaco, vnde sanitatē sperabat, sibi ipse mortem accelerat: vel agricolæ, qui post multos labores in vinea, vel in agro colendo consumptos, improuisa grandine superueniente, prouentus omnes, id est, labores suos omnes amittit. Ista igitur sunt mala iure deflenda, & qui ista deflet, & de his contristatur; is cum Christo in cruce contristatur. & cum in istis depellendis malis pro viribus laborat; is Christi patientis

Lib.II. Cap.IX. 185

tis in cruce labores, ac dolores
mirificè consolatur, & cum Chri-
sto vicissim in cælo gaudente gau-
debit, & cum regnante regnabit.

C A P. I X.

*De secundo fructu verbi
quinti.*

ALia, nec parum utilis confi-
deratio mihi occurrit, dum
sitim Christi in cruce pendentis
attentè considero. Videtur enim
mihi Dominus in eum sensum di-
xisse, *Sitio*, quo dixit mulieri Sa-
maritanæ, *Da mihi bibere*. Nam
paulò post aperiens mysterium
verbi sui adiunxit, *Si scires do-
num Dei, & quis est, qui dixit ti-
bi, da mihi bibere: tu forsitan
petisses ab eo, & dedisset tibi aquam
vivam*. Quomodo enim sitiet,
qui est fons aquæ vivæ? an non
de se loquebatur, cum diceret in
Euangelio, *Si quis sitit, veniat ad* Ioan. 7.
me,

186 De sept. verb. Dom.

me, & bibat ? & nonne ipse est petra illa, de qua loquitur Apostolus ad Corinthios, Bibebant de
consequente eos petra, petra autem erat Christus ? Denique nonne ipse est, qui loquitur ad Iudæos
per Hieremiam, Dereliquerunt me fontem aquæ viuæ, & foderunt sibi cisternas, cisternas dissipatas, quæ continere non valent aquas.
 Videor igitur mihi videre Dominum in cruce, tanquàm in tubli-
 mi specula, respicientem orbem terrarum plenum hominibus si-
 tientibus, & languentibus præ si-
 ti : & occasione sitis suæ corpora-
 lis, eundem Dominum miseratum communem illam sitim generis
 humani, clamauisse, *Sitio*, hoc est,
 verè quidem sitio propter exhau-
 stum iam, atque exsiccatum hu-
 morem corporis mei ; sed hæc si-
 tis in momento finietur : magis
 autem sitio, vt homines ex fide
 cognoscere incipiant, me esse ve-
 rum fontem aquæ viuæ & veniant
 ad me, & bibant, & deinceps
 non

non sitiant in æternum.

O nos beatos, si concionem istam Verbi incarnati, attentissimo corde aud remus. An non enim homines ferè omnes sitiunt siti concupiscentiæ ardentissima, & insatiabili aquas labentes, & turbidas rerum transeuntium, & defluentium, quæ vulgò dicuntur bona, pecunias, honores, voluptates? Et quis vnquam istam aquam bibens, non sitiuit iterum? Et quis vnquam Christum magistrum audiens gustare cœpit aquam viuam sapientiæ cælestis, & charitatis diuinæ qui non continuo extincta siti rerum terrenarum, respirare cœperit in spem æternæ vitæ; & deposita mordaci cura acquirendi, & cumulandi terrena, non cœperit desiderare, & sitire cælestia? Hæc aqua viua, non ex terra ascendens, sed de cœlo descendens, quam Dominus fons aquæ viuæ nobis dabit, si eam ab illo ardentibus precibus, & non sine fonte lacrymarum postulabimus; non

188 De sept. verb. Dom.

solum sitim sedabit rerum terrenarum, sed etiam erit nobis cibus, & potus indeficiens toto tempore nostræ peregrinationis. Sic enim loquitur Isaias Propheta,

Isai. 55. Omnes sitientes venite ad aquas. Et ne fortè putes simplicem esse aquam, vel magno pretio emendam; subiungit, Properate, inquit, venite, & emite absque argento, & absque vlla commutatione vinum, & lac. Aqua emenda dicitur, quia non sine aliquo labore, id est, dispositione propria acquiritur; sed absque argento, & absque vlla commutatione, quia gratis datur, neque vllum æquale pretium inueniri posset. & quam paulò ante vocauerat aquam, nunc appellat vinum, & lac, quia res quædam est pretiosissima, quæ simul comprehendit virtutem, siue perfectionem aquæ, vini, & lactis.

Hæc est vera sapientia, & charitas, quæ dicitur aqua, quia refrigerat æstum concupiscentiæ;

Lib. II. Cap. IX. 189

vinum, quia calefacit, & inebriat
mentē ebrietate maxime sobria;
lac, quia nutrit dulci pabulo præ-
cipuè infantes in Christo, iuxta
illud Apostoli Petri, *sicut modo* 1. Pet. 2.
geniti infantes lac concupiscite.
hæc eadem vera sapientia, & cha-
ritas concupiscentiæ carnis con-
traria, est *iugum illud suauē*, & Matt. 11
onus leue, quod qui libenter, hu-
militerq; suscipiunt, inueniunt re-
quiem veram, & solidam anima-
bus suis, vt non amplius sitiant,
neque opus habeant aquas ex ter-
renis puteis haurire. Hæc dulcis-
sima requies animorum aperuit
solitudines, impleuit monasteria,
reformauit clerum; ipsos etiam
coniugatos ad moderationem nō
exiguam reuocauit. Certè pala-
tium Theodosij iunioris Impera- Socr. lib.
toris, non absimile magno mona- 7. c. 22.
sterio videbatur; & domus Comi-
tis Elzearij parui monasterij for- vid. sup.
mam præseferbat. In vtroque 10. 5 die
loco nulla iurgia, nullæ conten- 27. Sept.
tiones audiebantur, sed psalmi, &
can-

190 De sept. verb. Dom.

cantica sacra frequentissimè resonabant . Hæc omnia Christo debemus , qui siti sua sitim nostram extinxit , & tanquam fons viuus aquis iugiter manantibus agros cordium nostrorum ita rigauit , vt siccitatem non timeant , nisi ab ipso fonte corda nostra (quod absit) inimico instigante recedant .

C A P . X .

De tertio fructu verbi quinti .

Tertius fructus , qui ex verbo quinto decerpi potest , est imitatio patientiæ Filij Dei . Quâuis enim in verbo quarto claruerit humilitas cum patientia ; tamen in verbo quinto , tanquam in proprio loco . summa , & sola patientia Christi fulsisse videtur . Porro patientia non solum vna ex magnis virtutibus est , sed etiã præter cæteras valde necessaria .
sic

fic enim loquitur sanctus Cyprianus ; *Non inuenio , inter ceteras celestis disciplina vias , quid magis sit vel utilius ad vitam , vel maius ad gloriam , quam ut qui præceptis Dominicis obsequio timoris , ac deuotionis innitimur , patientiam maximè tota obseruatione tueamur .* Sed antequam de necessitate patientiæ aliquid dicamus , necesse est patientiam , veram à falsa distinguere . Vera patientia est , quæ tolerare iubet mala poenæ , vt non cogatur facere mala culpæ . Talis fuit patientia Martyrum , qui maluerunt tormenta subire carnificum , quam Christi fidem abnegare ; & maluerunt iacturam omnium bonorum pati , quam Dijs falsis cultum adhibere . Falsa verò patientia est , quæ suadet mala omnia tolerare , vt legi concupiscentiæ pareatur : & amittere bona sempiterna , vt temporalia conseruentur . Talis est patientia martyrum diaboli , qui facilè tolerant famem , & sitim ,

Serm. de bono patientia.

Vide S. August. lib. de patientia c. 1. 2. 3.

192 De sept. verb. Dom.

tim, frigus, & æstus, & iacturam nominis boni, & quod admirabilius est, Regni cælorum, vt opes adaugeant, vel carnis concupiscentiæ satisfaciant, vel ad gradus honorum ascendant.

Iam verò patientia vera id habet proprium, vt omnes virtutes perficiat, & conseruet: atque hoc est, quod sanctus Iacobus prædicat in laudibus patientiæ, cum ait,

Iac. 1.

Patientia opus perfectum habet, vt sitis perfecti, & integri in nullo deficientes. Virtutes enim cæteræ sine patientia non diu subsistere possunt propter difficultates, quæ in earum actibus inveniuntur. Sed quando comitem habent patientiam, facile superant omnes difficultates. patientia

enim conuertit praua in directa, & aspera in vias planas. Atque hoc adeò verum est, vt sanctus Cyprianus de ipsa etiam Regina virtutum charitate dicat, *Charitas*

Serm. de
patientia.

fraternitatis vinculum est, fundamentum pacis, tenacitas, ac firmitas

tas unitatis, quæ spe, & fide maior est; & martyria præcedit, quæ nobiscum semper æterna apud Deum in regnis celestibus permanebit. tolle illi patientiam, & desolata non durat; tolle sustinendi, tolerandi; substantiam, & nullis radicibus, ac viribus perseverat.

Quod idem facilius probat idem Cyprianus de castitate, de iustitia, de pace cum proximis. Sit fortis, inquit, & stabilis in corde patientia, & nec adulterio sanctificatum corpus, & Dei templum, polluitur, nec iustitia dicata innocentia contagione fraudis inficitur, nec post gustatam Eucharistiam manus gladio, & cruore maculatur. hæc ille, qui à contrario sensu significare voluit, neque castitatem adulterio resistere posse sine patientia, neque iustitiam fraude vacare, neque sumptam Eucharistiam ab homicidio liberare.

Hoc autem quod scribit sanctus Iacobus de virtute patientiæ,

194 De sept. verb. Dom.

tia, alijs verbis docent Propheta
 Daud, & ipse Dominus, & Apo-
 stolus eius. Daud in psalmo no-
 no, *Patientia*, inquit, *pauperis*
non peribit in finem; quia vide-
 licet opus perfectum habet, ac per
 hoc fructus eius nunquam marce-
 scet. Dicitur enim patientia non
 perire, quia fructus eius, & mer-
 ces semper manebit. Quomodo
 dicere solemus, labores agricolæ
 perire, quando fructum non fe-
 runt; & non perire, quando ferunt.
 Additur autem vox illa, *pauperis*,
 quæ hoc loco humilem significat,
 qui se pauperem agnoscit, & sine
 adiutorio Dei nihil posse vel fa-
 cere, vel pati. Sic sanctus Augu-
 stinus exponit in libro de patien-
 tia. neque enim soli pauperes, sed
 etiam diuites veram patientiam
 habere possunt, dummodo non in
 seipsis cōfidant, sed in Deo, à quo,
 ut veri pauperes donorum diui-
 norum, patientiam petant, & ac-
 cipiant. Hoc idem Dominus ip-
 se significare voluit, cū ait in

Euan-

Lib.II. Cap.X. 195

Euangelio, *In patientia vestra* Luc. 21.
possidebitis animas vestras. Illi
enim soli verè possidebunt animā,
id est, vitam suam, vt propriam,
& quæ à nullo subripi possit, qui
patienter tolerabunt omnes affli-
ctiones, & ipsam etiam corporis
mortem, vt non peccent in Deū.
Quamuis enim moriendo vitam
videantur amittere: tamen non
amittunt, sed in æternum custo-
diunt eam. Mors enim iustorum
non mors, sed somnus, isq; admo-
dum brevis dici potest. Sed im-
patientes, qui vt vitam corporis
non amittant, peccare non dubi-
tant, vel Christum abnegando,
vel idola colendo, vel libidini suc-
cumbendo, vel aliud quodcumque
scelus perpetrando: illi videntur
quidem ad tempus conseruare
vitam suam, sed perdunt in æter-
num vitā corporis, & animæ. & si-
cut veris patiētibus rectè dicitur,
Capillus de capite vestro non pe- Luc. 21.
ribit: sic impatiētibus dici debet,
membrū de corpore vestro immu-

196 De sept. verb. Dom.

ne à gehēnæ incēdionō manebit .

Denique hoc idem confirmat

Heb. 10. Apostolus, dicens, *Patientia vobis necessaria est, ut voluntatem Dei facientes, reportetis promissionem.*

vbi patientiam non vtilem, sed necessariam omnino esse pronunciat, ut voluntatē Dei sēper faciamus, & voluntatem Dei facientes reportemus promissionem, id est,

Iacob. 1. *coronam gloria, quam promisit Deus diligentibus se, & mandata sua custodientibus. Si quis enim diligit me, sermonem meum seruabit.*

Ioan. 14. *& qui non diligit me, sermones meos non seruat.* Itaque videmus totā scripturam sibi ipsi coherentem, predicare fidelibus patientiæ necessitatem. Hæc igitur causa est, cur Christus voluerit in exitu de hac vita, testificari omnibus inuisibilem quamdam, & acerbissimam, & longissimam passionem suam, sitim videlicet, ut hoc tanto exemplo proposito, accenderemur ad patientiam in omni afflictione seruandam. Fuisse

se autem Christi sitim, pœnā vehementissimam, paulò ante in explicatione verbi, *Sitio*, demonstraui-
mus. Quòd verò longissima fuerit, nullo negotio demonstrari potest.

Ac vt incipiamus à flagellatione, cùm Christus flagellaretur, iam fatigatus erat ex oratione prolixa, & agonia, ac sanguinis effusione in horto: deinde ex multis itineribus, quæ illa ipsa nocte, & die sequente confecerat, ab horto ad domum Annæ, à domo Annæ ad domum Cayphæ, à domo Cayphæ ad domum Pilati, à domo Pilati ad domum Herodis, à domo Herodis ad domum Pilati; quæ itinera multa milliaria continent, neque Dominus à cœna hesternæ cibum, vel potum, vel somnum gustauerat: sed vexationes multas, & grauissimas in domo Cayphæ acceperat, ad quas omnes accessit durissima flagellatio, quam sitis vehemens comitata est; & flagellatione finita sitis non finem, sed incrementum accepit. Suc-

198 De sept. verb. Dom.

cessit coronatio, & illusio, ac noua vexatio, quam etiam sitis comitata est; & coronatione finita, sitis non extincta, sed aucta est. Inde crucis patibulo oneratus, quamuis ex tot itineribus, & laboribus fessus, & sitibundus processit ad montem Caluariæ. Itinere illo confecto, oblatum est ei vinum cum felle mistum; quod cum gustasset, noluit bibere. Itaque iter quidem finem accepit, sed sitis, quæ toto itinere pium Dominum cruciauerat, sine dubitatione incrementum accepit. Sequuta est crucifixio, & ex quatuor vulneribus, quasi ex fontibus quatuor sanguine defluente, vnusquisque per se cogitare potest, quam vehementer sitis creuerit. Denique tribus horis sequentibus à sexta vsque ad nonam horam in horribilibus illis tenebris, vix credi potest, quo sitis ardore sacratissimum illud corpus confectum fuerit. Et quamuis acetum ministri obtulerint ori eius; tamen
quia

quia non vinum vel aqua, sed acetum, id est, aspera, & ingrata portio fuit, & valde modica, cum ex spongia guttas sorbere deberet, & iam iam moriturus esset: verissimè affirmare licet, Redemptorem nostrum à principio passionis usque ad obitum grauissimum hoc tormentum patientissimè tolerauisse. Quantum sit autem hoc tormentum, rari apud nos experiuntur, cum passim occurrat aquæ, quibus sitis sedari possit; sed qui multos dies iter faciunt per loca deserta, illi experiuntur, quale sit tormentum sitis.

Scribit Curtius, aliquando Alexandro Magno, per desertum cum exercitu iter faciente, occurrisset post longam ariditatem, & sitim fluuium quemdam; tanta verò ariditate cœpisse milites aquam illam bibere, ut multi intercluso spiritu statim extincti fuerint; & addit, *multoq; maior horum, sic extinctorum, numerus fuit, quam ille amiserat bello.* Itaque ardor

*Lib. 7. de
reb. gest.
Alexan.*

200 De sept. verb. Dom.

ille sitis tam erat intolerabilis, ut non possent milites illi sibi met imperare, ut inter bibendum aliquantulum respirarent. sic periit maxima pars exercitus Alexandri. Inueniuntur etiam, qui præ magnitudine sitis suauem putauerint aquam luto admixtam, oleum, sanguinem, & alia sordidiora, & horribiliora, quæ nemo hauriret, nisi extrema necessitate coactus. Hinc discere debemus, quàm acerba fuerit Christi passio, & quanta in ea patientiæ virtus eluxerit: quæ nobis Deo volente innotuit, ut eam imitemur, & ita Christo compatiamur, ut simul cum illo glorificemur.

Sed audire mihi videor pias quasdam animas, quæ libenter discerent, qua ratione possent ad hoc peruenire, ut patientiam Christi serio imitarentur, & cum

Gal. 2. Apostolo dicere possent, *Christo confixus sum cruci, & cum sancto*
Epist. ad Rom. *Martyre Ignatio, Amor meus crucifixus est.* Res hæc non est adeò diffi-

difficilis, ut multi existimare videntur. Non enim necesse omnibus est humi cubare, flagellis ad sanguinem usque corpus propriū cadere, ieiunare quotidie in pane & aqua, cilicium asperum, vel ferream catenam ad nudam carnem quotidie gerere, & alia id genus ad carnem edomandam, & cum vitijs & concupiscentijs crucifigendam facere. Illa enim laudabilia, & utilia sunt, cum fiunt ab ijs, qui possunt, & non sine consilio magistri spiritualis: sed ego rationem exercendæ patientiæ, & Christum patientem imitandi demonstrare pijs Lectoribus cupio, quæ omnibus conueniat, & nihil insolitum, nihil nouum, nihil quod ad popularem auram captandam fieri ullus suspicari possit.

Primum igitur aio, oportere patientiæ amatorem in illis laboribus, & doloribus libenter versari, quæ certum sit, voluntati diuinæ placere, iuxta illud Apostoli; *Patientia vobis necessaria* Heb. 10.

202 De sept. verb. Dom.

est, ut voluntatem Dei facientes, reportetis promissionem. Quid autem velit Deus nos patienter subire, non est difficile discere, vel docere. Primum enim pro comperto habemus, ea quæ nobis mandat mater Ecclesia, quamvis dura, vel difficilia sint, obedienter, & patienter perficienda esse. Quid nobis mandat Ecclesia? ieiunia, quadragesimæ, quatuor temporū, & vigiliarum. ista si suscipiantur, ut oportet, non sine patientia perfici possunt. Nam si quis velit, in diebus ieiuniorum exquirere delicatas epulas; & in cœna vna, siue prandio vno, tantum cibi sumere, quantum in prandio simul & cœna capere solitus erat; & horam anticipare, & postea sub vesp̄um cœnulam sumere tam copiosam, ut cœna dici possit; iste certè non facilè esuriet, neque sitiet, neque patientia opus habebit: sed si seriò statuatur, non anticipare horam, nisi morbus, aut alia necessitas cogat: vulgares, & viles

viles epulas pœnitentiæ agendæ accommodatas sumere, easq; in ea mensura, quæ refectiōem vnā, eamq; ordinariam non excedat; & quod in alia refectiōe sumeretur, si dies ieiunij non esset dare pauperibus, vt sit iuxta B. Leonem, *refectio pauperis, abstinentia ieiunantis.* & alibi, *Ejuria-
mus paululum dilectissimi; & aliquantulum, quod iuuandis possit
prodesse pauperibus, nostræ consuetudini subtrahamus.* & denique sub noctem cœnula, quæ sumi à multis solet, verè sit cœnula: tùm sine dubio patientia necessaria erit, ad esuriem, & sitim tolerandam; & sic ieiunando Christi patientiam vtcumque saltem imitabimur; & Christo confixi erimus cruci, saltem ex parte. At ista non sunt omnia necessaria. Ita sit, sed ad patientiam exercendam, & ad Christi passionem imitandam necessaria sunt. Deinde Mater Ecclesia iubet Ecclesiasticos, & regulares recitare, vel ca-

ser. 11.

de ieiun.

10. mensis.

ser 9 de

ieiun 7.

mensis.

204. De sept. verb. Dom.

nere septem horas canonicas : & ut fideles omnes saltem orando legant Dominicam orationem, & Angelicam salutationem. Ista sacra lectio, & oratio si fiat eo modo, quo posset, & deberet fieri, sine dubio patientiæ auxilio indigebit. sed non desunt multi, qui ut patientiæ suffragio non indigeant, tollere satagunt omnes difficultates. Primum quasi onus aliquod graue gerere debeant, velocissimè percurrunt omnia, ut videlicet ab illo onere breuissimè se expediant: deinde non erecti, & stantes, vel flexis genibus, sed sedentes, vel deambulantes horas canonicas legunt; videlicet ut tædium lectionis, & orationis, vel sedendo minuat, vel deambulando leuetur. Loquor autem de ijs, qui priuatim horas legunt, non de illis, qui in choro psalmos decantant. Præterea ne somnum interrompere cogantur, non solum horas diurnas, sed etiam nocturnas sole fulgente decantant.

De

De attentione, & mentis eleuatione, cū Deus laudatur, vel oratur; nihil dico, quia plerique nihil minus cogitant, quā id, quod canunt, vel legunt. Itaque subla-
ta difficultate consumendi longū
tempus in lectione, vel oratione,
nec non surgendi ad horas noctur-
nas; & omisso labore standi, vel
flectendi genua, & animum coer-
cendi, vt non hūc, atque illūc di-
uagetur, sed totus sit in ijs, quæ
legit: mirum non est, si multi pa-
tientia subsidio egere nō videan-
tur. Sed isti audiant, qua sollici-
tudine canonicas horas sanctus
Franciscus legebat, & tunc intel-
ligent, hoc pium officium sine pa-
tientia auxilio peragi non posse.
Sic igitur loquitur sanctus Bona-
uentura in vita sancti Francisci,
*Solutus erat vir sanctus horas ca-
nonicas non minus timoratē Deo
persolvere, quā deuotē. nam li-
cet oculorum, stomachi, splenis,
& hepatis agitudine laboraret;
nolebat tamen muro, vel parieti
inha-*

Cap. 10.
vita S.
Frā:isci.

206 De sept. verb. Dom.

inbarere, dum psalleret; sed horas semper erectus, & sine caputio non girouagis oculis, nec cum aliqua syncopa persoluebat. si quando esset in itinere constitutus, figebat tunc temporis gressum, huiusmodi consuetudinem reuerentem, & sacram ob pluuiarum inundantiam non omittens. Gravier etiam se putabat offendere, si quando orationi deditus vanis phantasmatibus interius vagaretur. Cum aliquid tale accideret, non parcebat confessioni, quin illud protinus expiaret. Psalmos cum tanta mentis attentione dicebat, quasi Deum presentem haberet: & cum nomen Domini in eis occurreret, præ suauitatis dulcedine, labia sua lingere videbatur. Certè si quis conari velit sic horas canonicas legere, & noctu etiam surgere ad nocturnas horas persoluendas, experietur omnino, sine labore, & patientia se non posse diuino officio satisfacere. Multa sunt alia, quæ mater Ec-

cle-

clesia de voluntate Dei, ex literis sacris edocta, præcipit, quæ sine patientia rectè peragi non possunt, qualia sunt: dare superfluum opum pauperibus, ignoscere peccantibus in nos, & satisfacere ijs, quos nos offendimus; confessio peccatorum omnium saltem annis singulis; perceptio sacrosanctæ Eucharistiæ, quæ non parvam exigit præparationem; quæ sine patientia rectè peragi non possunt: sed ego pauca ista per modum exempli ponere volui.

Alterum est, in quo diuina voluntas cernitur, & sine patientia perfici nequit, id totum, quod ad nos vexandos vel demones, vel homines faciunt. Quamuis enim homines mali, & demones pessimi, cum nos exercent, nihil boni cogitent: tamen Deus, sine quo illi nihil agere possunt, illam vexationem non permetteret, nisi nobis vtilem esse iudicaret: proinde omnis illa vexatio de manu Domini suscipienda; ac per hoc

208 De sept. verb. Dom.

Iob 1.

patienter, & libenter toleranda est. Sic Iob simplex, & rectus, non ignorabat stragem illam, quam passus est, cum vna die perdidit omnes opes, & omnes filios, ac deinde totius corporis sanitatem, à Diaboli invidia processisse: dixit tamen, *Dominus dedit, Dominus abstulit, sit nomen Domini benedictum*, quia nouerat, stragem illam sine Dei voluntate fieri non potuisse. Non hæc dico, quasi velim homines ab hominibus, vel à dæmonibus afflictos, non posse, aut non debere refarcire damna, medicinam adferre corpori, seq; resq; suas defendere: sed hoc tantum admoneo, non esse cogitandum de vltione contra homines malos, neque reddendum malum pro malo, sed patienter tolerandum, quod Deus nos tolerare voluerit, vt voluntatem Dei facientes reportemus promissionem.

Postremum illud est, vt omnia, quæ casu, vel fortuito accidere videntur

dentur, vt nimiam siccitatem, nimiam pluuiam, pestilentiam, penuriam, & alia id genus, intelligamus, non sine prouidentia, & voluntate Dei contingere; ac per hoc non queramus de elementis, vel de ipso Deo, sed agnoscamus flagellum Dei, & peccata nostra; & subiecti Deo, in humilitate vera patienter feramus omnia: sic enim fiet, vt placatus Deus relinquat post se benedictionem, & nos vt filios paterna pietate castiget, non vt adulterinos hereditate cælesti priuet. Addam ex sancto Gregorio exemplum vnū, ex quo intelligi possit, quanta sit merces patientiæ. In homilia trigesima quinta super Euangelia narrat, quendam Stephanum adeo fuisse patientem, vt eos sibi præ cæteris amicos crederet, qui sibi molestiam aliquam irrogassent, & gratias pro contumelijs redderet: damna sibi illata, lucra maxima existimaret, aduersarios omnes in adiutoribus, & benefacto-

210 De sept. verb. Dom.

factoribus numeraret. Hunc sine dubitatione mundus amentem, & stultum esse censuisset; sed ipse Apostolum Christi non surda aure audiuerat dicentem, *Si quis videtur inter vos sapiens esse in hoc seculo, stultus fiat, ut sit sapiens.* nam, ut in eodem loco S. Gregorius dicit, huic morienti Angeli multi visi sunt adfuisse, qui eius animam in cælum recta deferrent: & ipse sanctus Doctor, hunc Stephanum inter martyres sanctos, ob eius patientiam eximiam, numerare non dubitauit.

C A P. X I.

De quarto fructu verbi quinti.

A Dhuc superest fructus vnus, isq; dulcissimus, qui ex verbo, *Sitio*, decerpi potest. Sanctus enim Augustinus enarrans psalmum sexagesimum octauum, exponens

Lib II. Cap. XI. 211

ponens verbum, *Sitio*, dicit, eo verbo significatum fuisse non solum desiderium potus corporalis; sed etiam desiderium, quo Christus flagrabat fidei, & salutis inimicorum suorum. Sed possumus nos occasione accepta ex sancti Augustini sententia, paulò altius ascendere, ac dicere: Christum, sitiuisse gloriam Dei, & salutem hominum: nos autem sitire debere gloriam Dei, honorem Christi, salutem nostram, & salutem fratrum nostrorum. Et quidem, quòd Christus sitierit gloriam Patris, & salutem animarum, dubitari non potest: id enim clamant omnia opera eius, & omnes conciones eius, & omnes passionibus eius, & omnia miracula eius. Nobis potius cogitandum est, ut non simus ingrati tanto benefactori; qua ratione sic inflammari possimus, ut verè sitiamus honorem Dei, qui *sic dilexit mundum, Ioan. 3. ut filium suum unigenitum daret: & simul Christi gloriam verè,*

212 De sept. verb. Dom.

rè, atque ardentèr sitiamus, qui
Ephes. 5. dilexit nos, & tradidit semetip-
sum pro nobis hostiam & oblatio-
nem Deo in odorem suauitatis.
 necnon, vt sic verè compatiatur
 fratribus nostris, vt salutem ipso-
 rum ardentissimè sitiamus. Sed
 illud nobis est maximè necessa-
 rium, vt salutem propriam ita
 verè, & ex animo sitiamus, vt si-
 tis illa cogat nos omnia pro viri-
 bus cogitare, & loqui, & agere,
 quæ ad salutem nostram conse-
 quendam expediunt. Si enim nos
 neque honorem Dei, neque Chri-
 sti gloriam, neque salutem proxi-
 morum sitiamus; non propterea
 vel Deus honore debito carebit,
 vel Christus gloria sua priuabi-
 tur, vel proximi salutem non
 consequentur sed nos ipsi verè pe-
 ribimus in æternum, si salutem
 propriam sitire neglexerimus.
 Ex quo mihi sæpè vehemens ad-
 miratio subit, vnde fiat, vt scia-
 mus, Christum salutem nostram
 tam ardentèr sitiuisse; & nos ipsi,
 qui

qui certò credimus, Christum esse Dei sapientiam, non moueamur ad eius exemplum imitandum in re, quę nobis super omnia necessaria est. Nec minus admiror, quòd nos ipsi temporalia bona tam ardentè sitiamus, quasi essent bona sempiterna; & salutem verè sempiternā tam negligenter quæramus, & non solùm non sitiamus, sed vix leuiter desideremus, quasi res esset momentanea, & leuis. Adde, quòd temporalia non sunt pura bona, sed admixta malis plurimis: & tamen sollicitè, & anxie appetuntur; salus æterna nullum malum habet admistum, & tamen sic negligitur, sic leuiter appetitur, ac si nihil solidi contineret. Illumina Domine oculos meos interiores, vt inueniam aliquando tam noxię ignorantie causam.

Amor certè desiderium parit, desiderium verò cùm ardere vehementer incipit, sitis appellatur. Sed quis potest non amare salutem propriam, præsertim æternā,
& ab

214 De sept. verb.Dom.

& ab omni malo immunem ? & si non potest non amari res tanta, cur non vehementer desideratur? cur non ardentè sititur? cur non totis viribus quæritur? Fortasse ratio est, quia salus æterna non cadit sub sensum, ideòq; neque experimētum eius habemus, quale planè nobis adest de salute corporali; proinde istam sitimus, illam frigidè desideramus. Sed si res ita se habet, vnde David, qui homo mortalis erat, tam ardentè visionem sitiebat Dei, in qua visione salus æterna consistit, vt cla-

Psal. 42. maret, Quemadmodum desiderat ceruus ad fontes aquarum, ita desiderat anima mea ad te Deus. Sitiuit anima mea ad Deum, fortem, viuum: quando veniam, & apparebo ante faciem Dei? Vbi Propheta adhuc in terris manens, visionem Dei, quæ est ipsa salus æterna, ardentissimè sitiebat. Quod idem non soli contigit Dauidi, sed viris plurimis sanctitate insignibus, quibus res omnes terrenæ

Lib. II. Cap. XI. 215

renæ fordebant, & insipidæ videbantur; & sola vehementissimè sapiebat, & dulcissima esse videbatur memoria, vel recordatio Dei. Non igitur causa, cur nos non ardentè sitiamus beatitudinem sempiternam, ea est, quòd ea sub sensu non cadat: sed quòd non attentè, & assiduè cum plena fide cogitetur. Cur autem non ita, vt oportet, cogitetur, causa est, quia nos spirituales non sumus, sed animales. *Animalis enim homo non percipit ea, quæ sunt spiritus Dei.* 1. Cor. 2. Quare si cupis, anima, sitire salutem tuam, & aliorum, & multo etiam magis honorem Dei, & gloriam Christi, audi B. Iacobum dicentem, *Siquis ex vobis indiget sapientia, postulet à Deo, qui dat omnibus affluenter, & non improperat: & dabitur ei.* Neque enim ista tam sublimis sapientia in scholis mundi reperitur, sed in solo auditorio spiritus Dei, qui hominem animale conuertit in spirituale: neque satis est semel & fri-

216 De sept. verb. Dom.

& frigide petere, sed oportet perseverare pulsando, & inenarrabili gemitu clamare ad aures Patris. Si enim pater carnalis ploranti filiolo, & panem poscenti denegare non solet, *quanto magis, inquit Dominus, Pater vester de celo dabit spiritum bonum petentibus se?*

Luc. 11.

C A P. XII.

Exponitur ad literam verbum sextum, Consummatum est.

Ioan. 19.

Verbum sextum à Domino in cruce prolatum, refertur ab eodem sancto Ioanne, ut penè cōiunctum cum quinto. Statim atque Dominus dixerat, *Sitio, & acetum sibi oblatum biberat, addidit* *sanctus Ioannes, Cum ergo accepisset Iesus acetum, dixit, Consum-*
ma-

Ioan. 19.

Lib.II. Cap. XII. 217

matum est. Et quidem ad lire-
ram nihil est aliud, *consummatum*
est, nisi consummatum, ac perfe-
ctum est opus passionis. Siquidem
opera duo iniunxerat Pater Filio;
vnum prædicandi Euangelium, &
alterum patiendi pro genere hu-
mano. De priorre opere dixit Do-
minus apud Ioannem, *Opus con-*
summaui, quod dedisti mihi, ut fa-
cerem: manifestaui nomen tuum
hominibus. Hæc dixit Dominus
post ultimam, & longissimam con-
cionem habitã ad discipulos post
cœnam. Proinde tunc consumma-
uit primum opus, quod ei Pater
iniunxerat. Alterum opus erat
bibendi calicem passionis, de quo
Dominus ait, *Potestis bibere cali-*
cem, quem ego bibiturus sum? &
alibi, *Pater si vis, transfer calicem*
hunc à me. & alibi, *Calicem quem*
dedit mihi Pater, non vis ut bibam
illum? De hoc igitur Dominus
proximus morti, ait, *Consumma-*
tum est, calicem enim exhausto
tum vsque ad fæces; nihil iam

Ioan. 17.

Matt. 26

Matt. 26

Ioan. 18.

218 De sept. verb. Dom.

superest, nisi vt abeam ex vita.
Et inclinato capite tradidit spiritum.

Sed quoniam neque Dominus ipse, neque sanctus Ioannes, breuitati consulentes, explicauerunt, quid esset illud, quod consummatum est; data est nobis occasio ad plura mysteria, non sine ratione & fructu, illud applicandi. Primum igitur sanctus Augustinus in commentario huius loci, refert vocem illam, *Consummatum est*, ad impletionem prophetiarum, quæ de ipso erant. *Sciens enim*, inquit Euangelista, *quia iam omnia consummata erant, vt consummaretur Scriptura, dixit, Sitis:* & paulò post, *accepto aceto, dixit, Consummatum est*, id est, impletum est illud, quod supererat adimplendum. Ex quo intelligimus, etiam illum voluisse dicere, consummata, & adimpleta iam esse, quæ de ipsius vita, & morte prædicta à Prophetis fuerant. Verè enim omnia prædicta fuerant.

Con-

Lib. II. Cap. XII. 219

Conceptio, *Ecce Virgo concipiet.* *Isai. 7.*
 Natiuitas in Bethleē, *Et tu Beth-* *Mich. 2.*
leem terra Iuda, &c. ex te exiet
Dux, qui regat populum Is-
rael. Apparitio nouæ stellæ, *Orie-* *Num. 23*
tur Stella ex Iacob. Adoratio Re-
 gum, *Reges Tharsis, & insula* *Psal. 71.*
munera offerent. Prædicatio Euā-
 gelij, *Spiritus Domini super me,* *Isai. 61.*
euangelizare pauperibus misit me.
 Miracula, *Deus ipse veniet, & sal-* *Isai. 35.*
uabit nos: tunc aperientur oculi
cæcorum, & aures surdorum pa-
tebunt. tunc saliet sicut ceruus
claudus, & aperta erit lingua
mutorum. Sessio super asinam,
 & pullum eius, *Ecce Rex tuus ve-* *Zach. 9.*
niet tibi iustus, & Saluator, ipse
pauper, & ascendens super asinā,
& pullum filium eius. Denique
 passio tota per partes descripta
 est à Dauide in psalmis; & ab Isa- *Pf. 21. 68*
 ia, Hieremia, Zacharia, & alijs. *Isai. 53.*
Hier. 11.
 Atque hoc est, quod ipse Domi- *Zach. 12.*
 nus iturus ad passionem dicebat,
Ecce ascendimus Hierosolymam, *Luc. 18.*
& consummabuntur omnia, quæ

220 De sept. verb. Dom.

scripta sunt per Prophetas de filio hominis . De illis igitur , quæ consummanda erant , nunc dicit , Consummatum est ; id totum videlicet , quod consummandum , id est , implendum erat , vt Prophetæ fideles inuenirentur .

Deinde Consummatum est , significat , ex sententia sancti Ioannis Chrysostomi , consummatam fuisse in morte Christi , potestatem , quæ permessa erat hominibus , & dæmonibus in Christum ; de qua potestate Christus ipse dixit ad Principes Sacerdotum , & magistratus Templi , & seniores ,
Luc. 22. Hæc est hora vstra , & potestas tenebrarum . Hæc igitur hora , & hoc tempus totum , quo Deo permittente , potestatem habuerunt impij in Christum , finitum est , cum Dominus dixit , *Consummatum est : tunc enim finem accepit peregrinatio Filij Dei inter homines , quam prædixit Baruch ,*
Baruc. 3. cum ait , Hic est Deus noster , & non æstimabitur alius aduersus eum .

*eum. Hic adinuenit omnem viam
disciplinae, & tradidit illam Iacob
puero suo, & Israel electo suo.
Post hæc in terris visus est, & cum
hominibus conuersatus est. Et si-
mul cum peregrinatione finem,
accepit vitæ mortalis conditio,
secundum quam esuriebat, sitie-
bat, dormiebat, fatigabatur, in-
iurijs, & flagellis, vulneribus, &
morti obnoxius erat. Itaque ubi
dixit Christus in cruce, Consum-
matum est: Et inclinato capite
tradidit spiritum: consummatum
est iter, de quo dixerat, Exiui à
Patre, & veni in mundum: ite-
rum relinquo mundum, & vado
ad Patrem. Consummata est pe-
regrinatio laboriosa, de qua di-
ctum erat à Hieremia, Expecta-
tio Israel, Saluator eius in tempore
tribulationis: quare quasi colonus
futurus es in terra, & quasi via-
tor declinans ad manendum? Con-
summata est mortalitas humani-
tatis eius, & consummata est po-
testas omnium inimicorum eius*

Ioan. 16.

Hier. 14.

222 De sept. verb. Dom.

in ipsum. Tertio consummatum est sacrificium omnium sacrificiorum maximum, & in quod omnia sacrificia veteris legis, tanquam figuræ & umbræ, in sacrificium verum, & solidum intuebantur. Sic enim loquitur sanctus Leo,

*Ser. 3. de
pass. Dñi.*

Traxisti Domine omnia ad te, quoniam scisso templi velo, sancta Sanctorum ab indignis Pontificibus recesserunt, et figura in veritatem, prophetia in manifestationem, & lex in Euangelium verteretur. & paulò post, Nunc etiam carnalium sacrificiorum varietate cessante, omnes differentias hostiarum, una corporis, & sanguinis tui implet oblatio. In hoc enim Christi sacrificio, sacerdos est Deus homo; ara, crux; sacrificium, agnus Dei; ignis holocausti, charitas; fructus sacrificij, mundi redemptio. Sacerdos, inquam, fuit Deus homo; quo nullus maior excogitari potest, Tu es sacerdos in æternum secundum ordinem Melchisedech. & verè secun-

Psal. 110

Lib.II.Cap.XII. 223

cundum ordinem Melchisedech,
 quia Melchisedech sine patre, sine
 matre, sine genealogia legitur in
 Scripturis : & Christus sine patre
 fuit in terra, sine matre in cælo :
 sine genealogia, quia *generatio-*
nem eius quis enarrabit? quippe *Isai. 53.*
 ante luciferum genitus, & *egres-* *Psal. 109*
sio eius à diebus æternitatis. Ara *Mish. 3.*
 fuit crux, quæ quanto vilior fuit,
 antequam Christus eam subiret,
 tantò postea illustrior, & nobilior
 facta est, & in nouissimo die ap-
 parebit in cælo, sole splendidior.
 De Cruce enim intelligit Eccle-
 sia, quod dicitur in Euangelio,
Tunc parebit signum Filij homi- *Matth. 24*
nis in calo : sic autem cantat Ec-
 clesia, *Hoc signum crucis erit in*
calo, cum Dominus ad iudican-
dum venerit. Quod idem confir-
 mat sanctus Ioan. Chrysostomus, *Hom. 77.*
 illud etiam obseruans, quòd quã- *in c. 24.*
 do *Sol obscurabitur, & luna non* *Matth.*
dabit lumen suum, tunc in cælo
 crux apparebit ipso Sole lucidior.
 Porro sacrificium fuit Agnus Dei

224 De sept. verb. Dom.

Isai. 53. prorsus innocens, & immaculatus. De quo Isaias, *Sicut ovis ad occisionē ducetur, & quasi agnus coram tondente se obmutescet, & non aperiet os suum.* & Præcursor Domini, *Ecce, inquit, Agnus Dei, ecce qui tollit peccata mundi.*
Joan. 1. & Apostolus Petrus, *Non corruptilibus auro, vel argento redēpti estis, sed pretioso sanguine Agni immaculati, & incontaminati Christi.* Qui etiam dicitur
Apoc. 13 in Apocalypsi, *Agnus occisus ab origine mundi, quia pretium eius à Deo præuisum proderat etiam illis, qui Christi tempora, præcesserunt.* Ignis holocaustum cremans, sacrificiumq; perficiens est charitas immensa, quasi fornax vehementer accensa, quæ flagrabat in corde filij Dei, & quam aquæ multæ passionum extinguere non potuerunt. Denique fructus sacrificij fuit expiatio peccatorum omnium filiorum Adam, siue mundi totius reconciliatio. Sic enim loquitur sanctus Iohānes
in

Lib. II. Cap. XII. 225

in epistola sua prima, *Ipse est propitiatio pro peccatis nostris. Non pro nostris autem tantum, sed etiam pro totius mundi.* Quod idem significant verba S. Ioannis Baptistæ, *Ecce Agnus Dei, ecce qui tollit peccata mundi.* 1. Ioan. 2.

Vna sola restat quaestio, ad quem modum Christus idem potuerit esse sacerdos, & victima: Sacerdotis enim officium est mactare victimam: Christus autem non se ipse mactauit, neque potuit id iure facere, quia sacrilegium perpetrasset, non sacrificiū obtulisset. Sed verè Christus non se ipse occidit, & tamen verè sacrificium obtulit; quia libens, & volens se mactandum obtulit, ad gloriam Dei, & expiationem peccati. Neque enim potuissent vnquam milites, aut satellites eum comprehendere, vel tenere: neque clauis manus eius, pedesq; transfigere: neque mors ad eum quantumuis crucifixum accedere potuisset, nisi ipse voluisset. Ita-

226 De sept. verb. Dom.

Isai. 53. que verissimè dicit Isaias, *Oblatus est, quia ipse voluit: & ipse Domi-*
Ion. 10. nus, *Ego pono animam meam, nemo tollit animam meam, sed ego pono eam.* & apertissimè Apo-
Ephes. 3. stolus Paulus, *Christus dilexit nos, & tradidit semetipsum pro nobis, oblationem, & hostiam Deo in odorem suavitatis.* Admirabili igitur ratione, & modo, quod mali, siue peccati, & sceleris fuit in passione Christi, id totum ad Iudam, & Iudæos, ad Pilatum; & milites pertinet; & isti non sacrificium obtulerunt, sed sacrilegiū perpetrarunt; neque sacerdotes, sed sacrilegi dici meruerūt: quod in eadem passione fuit boni, religiosi, & pii, id totum Christi est, qui ex affluentissima charitate sua, vt iram Dei placaret, & mundum Deo reconciliaret, & iustitiæ diuinæ satisfaceret, & genus humanum non periret, obtulit se ipse victimam Deo, non se occidendo, sed mortem, & mortem crucis patientissimè tolerando.

Quod

Lib. II. Cap. XII. 227

Quod paucissimis verbis sanctus Leo expressit, cum ait, *Admisit in se impias manus furentium, qui dum proprio incumbunt sceleri, famulati sunt Redemptori.* ser. 10. de pass.

Quartò, in Christi morte consummatum est præliū ingens Christi cum Principe huius mundi. de quo prælio loquitur Dominus ipse apud Ioannem, dicens, *Nunc iudicium est mundi, nunc Princeps huius mundi ejcietur foras: & ego si exaltatus fuero à terra, omnia traham ad meipsum.* Ioan. 12. Hoc verò prælium iudiciale fuit, non militare. qualia sunt prælia litigantium, non qualia sunt prælia militum. Litigabat enim diabolus cum filio Dei de possessione mundi, id est, generis humani. Diabolus à longo tempore intruserat se in possessionem mundi, quia vicerat primum hominem, & servum suum illum fecerat cum vniuersa eius progenie. Itaque ipse etiam B. Paulus dæmones vocat *principes, & potestates mun.* Ephes. 6.

228 De sept. verb. Dom.

di, & rectores tenebrarum harū.

Et Christus ipse, vt paulò ante diximus, vocat diabolum *Principem mundi huius*. Nec solùm diabolus se mundi principem haberi volebat, sed etiam deum.

Psal. 95. vnde est illud psalmographi, *Dij gentium demonia, Dominus autem calos fecit*. Passim enim diabolus in sculptilibus gentium adorabatur, & sacrificijs arietū, & vitulorum colebatur. Ab altera parte filius Dei, vt verus, &

Hebr. 1. legitimus hæres vniuersorum, mundi principatum sibi repetebat. Hoc igitur prælium in cruce tandem consummatum est, & lata sententia in fauorem Domini nostri Iesu Christi: quia Dominus in cruce plenissimè satisfecit iustitiæ diuinæ pro culpa hominis primi, & omnium filiorum eius. Reddita enim est obedientia Patri à Filio, maior quàm fuisset inobedientia serui ad Dominum. & humiliatus est Filius Dei vsque ad mortem in honorem Patris, ma-

magis quàm in superbiam elatus
fuiſſet ſeruus in iniuriam Dei . Ita
Deus reconciliatus in gratiam
filij generi humano , eripuit illud
de poteſtate diaboli, & tranſtu- Coloſſ. 1.
lit in regnum filij dilectionis ſuæ.

Eſt & alia ratio, quã adducere
ſolet B. Leo , quam verbis illius
reddemus . *Si crudelis, inquit, & Ser. 10.
ſuperbus inimicus conſilium miſe- de paſſ.*
ricordie Dei noſſe potuiſſet, Iu-
daeorum animos manſuetudine po-
tius temperare, quàm iniuſtis odijs
ſtuduſſet accendere, ne omnium
captiuorum amitteret ſeruitutem,
dum nihil ſibi debentis perſequi-
tur libertatem. Egregia omninò
ratio: æquum enim fuit, vt diabo-
lus imperium amitteret in eos
omnes, quos per peccatum ſeruos
ſibi fecerat; quia in Chriſtum, qui
ſeruus eius non erat, & quem ad
peccandum nunquam induxerat,
extendere manus, eumq; ad mor-
tem vſque perſequi non dubita-
uerit.

Sed ſi res ita ſe habet, ſi præ-
lium

230 De sept. verb. Dom.

lium consummatum est, si victoria penes filium Dei stetit, & ipse
 1. Tim. 2. *vult omnes homines saluos fieri:*
 cur tam multi vsque ad hanc diē,
 mancipia diaboli sunt in hac vi-
 ta, & ad tormenta gehennæ ra-
 piuntur in alia? Vno verbo re-
 spondeo, quia sic ipsi volunt; Chri-
 stus enim à prælio victor regre-
 diens, duo quædam ingentia be-
 neficia humano generi præstitit:
 Vnum, vt iustis paradisi ianuam
 aperiret, quæ à primi hominis la-
 psu vsque ad eam diem clausa fue-
 rat; & illo ipso die victoriæ suæ,
 dixit, *Hodie mecum eris in para-*
diso, latroni, qui merito sangui-
 nis eiusdem Christi per fidem,
 spem, & charitatem iustificatus
 fuerat; vnde canit exultans Ec-
 clesia, *Tu deuictō mortis aculeo,*
aperuisti credentibus Regna calo-
rum. Alterum, vt sacramenta
 institueret, quæ vim haberent re-
 mittendi peccata, & gratiam cō-
 ferendi; & præcones in omnes
 partes mundi mitteret, qui alta
 voce

voce prædicarent, *Qui crediderit, & baptizatus fuerit, saluus erit.* Itaque victor in prælio Dominus, viam strauit omnibus ad libertatem gloriæ filiorum Dei. Quòd si multi nolunt eam viam, ingredi, culpa sua pereunt, non impotentia, vel negligentia Redemptoris. Mar. 16.

Quintò denique, *Consummatio est*, rectissimè potest intelligi de consummatione ædificij, quod est Ecclesia. Perfectionem enim ædificij, consummationem dici, auctor est ipse idem magister noster Christus, qui ait apud Lucam, *Iste homo cœpit ædificare, & non potuit consummare.* Porro Ecclesiam in passione Christi fuisse cōsummatam, quæ in eius baptismo fuerat inchoata, docent sancti Patres, Epiphanius in libro tertio aduersus hæreses, & sanctus Augustinus in libro vltimo de ciuitate Dei. qui docent Euam de costa Adami ipso dormiente ædificatā, typum fuisse Ecclesiæ, quæ ex Christi Lib. 3. hæ ref. 78.
Lib. 22. 17.
sti

232 De sept. verb. Dom.

sti latere, dum ipse dormire cœ-
pisset, per mortem, ædificata est :
& notant non sine mysterio dixisse
Scripturam, Euam fuisse ædifi-
catam, non formatam. Quòd au-
tem à baptismo Christi ædificari
cœperit Ecclesia; probat sanctus
Augustinus ex psalmo, vbi dicitur,
*Dominabitur à mari vsque ad
mare, & à flumine vsque ad ter-
minos orbis terrarum*. Regnum
enim Christi, quod est Ecclesia,
cœpit à baptismo Christi, in quo
ipse baptismum Ioannis accipiēs,
aquas consecrauit, & baptismum
suum instituit, quod est ianua Ec-
clesiæ, & tunc manifestè innotuit,
voce Patris audita de cælo, *Hic
est Filius meus dilectus, in quo
mibi bene complacui: ipsum audi-
te*. Et ex eo tempore Dominus
cœpit prædicare, & congregare
discipulos, qui fuerunt primi, qui
ad Ecclesiam accesserunt. Quam-
uis autem apertio lateris Christi
post mortē facta sit, & tunc exie-
rint sanguis, & aqua, quæ signifi-
can-

Lib. 17.
de ciuit.
c. 8.
Psal. 71.

Mat. 3.

Lib. II. Cap. XIII. 233

cant duo præcipua sacramenta Ecclesiæ, Baptismum, & Eucharistiam: tamen à Christi passione virtutem accipiunt omnia sacramenta. & quòd de latere Christi iam defuncti fluxerint sanguis, & aqua, declaratio fuit mysteriorum, non institutio. Rectissimè igitur dicitur consummatio ædificij Ecclesiæ tunc facta, cum Christus dixit, *Consummatum est*, quia tunc nihil supererat, nisi mors, quæ statim consecuta est, & redemptionis pretiū consummauit.

C A P. X I I I.

*De primo fructu verbi
sexti.*

Non pauci fructus ex verbo sexto decerpi possunt, si quis huius verbi fecunditatem attentè consideret. ac primùm ex eo quod diximus, *Consummatum est*, intelligi debere de impletione vaticinio.

234 De sept. verb. Dom.

in 2s. 76.

ciniorum, deducit sanctus Augustinus vtilissimum documentum. Nam quemadmodum certi sumus ex ipso euentu rerum, vera fuisse, quæ Prophetæ sancti tanto antea prædixerunt: ita certi esse debemus, omnino futura esse, quæ iidem prophetæ futura prædixerunt, quamuis adhuc impleta non sint. Prophetæ siquidem non humana voluntate, sed Spiritu sancto inspirante locuti sunt: & quia Spiritus sanctus Deus est, & non potest vlllo modo fieri vt fallatur, vel mentiatur Deus; ideò certissimi sumus, omninò esse adimplenda, quæ futura denunciata sunt, & impleta non sunt. *Sicut vsque ad hodiernam diem* (inquit sanctus Augustinus) *omnia euenerunt: sic & quæ restant, euentura sunt. timeamus diem Iudicij; venturus est Dominus; qui venit humilis, veniet excelsus.* hæc ille. Sed nos argumēta maiora tenemus, quam antiqui tenuerint, vt in fide rerū futurarum non hæsitemus. Qui enim

2. Pet. 1.

Lib. II. Cap. XIII. 235

enim Christi tempora præcesserunt, sine experimento vllò, multa credere tenebantur; nos ex ijs, quæ scimus impleta, facile credere possumus adimplenda, quæ restant. Qui temporibus Noe audiebant futurum esse diluuium generale, hoc ipsum prædicante Noë, propheta Domini; non verbo solum, sed etiam magno illo labore, quo arcam sollicitè fabricabat: non erant faciles ad credendum, quia diluuium eiusmodi nunquam viderant, & ideò repentina super eos ira diuina descendit. Nos verò, qui scimus impletum fuisse, quod Noe propheta prædixit, cur non facile credemus futurum diluuium ignis, & eo destruenda omnia, quæ nunc tanti facimus? Et tamen re vera pauci sunt, qui ista futura ita credant, vt desiderium à rebus perituris auocent, & ibi figant corda, vbi vera, & sempiterna sunt gaudia.

Sed hoc ipsum est prædictum ab ipso Domino, vt inexcusabiles

236 De sept. verb. Dom.

les sint futuri, qui ex impletione präteritorum vix adduci possunt, vt credant adimplenda esse futura. sic enim Dominus loquitur,

Matth. 24 Sicut in diebus Noe, ita erit aduentus Filij hominis. sicut enim erant in diebus ante diluuium, comedentes, & bibentes, nubentes, & nuptui tradentes vsque ad eum diem, quo intrauit Noe in arcam, & non cognouerunt, donec venit diluuium, & tulit omnes: ita erit & aduentus filij hominis. Vigilate igitur, quia nescitis, quabora filius hominis venturus sit. &

2, Pet. 3. Apostolus Petrus, Adueniet, inquit, dies Domini, vt fur, in quo cali magno impetu transient, elementa verò calore soluentur, terra autem, & quae in ipsa sunt opera, exurentur. Sed inquirunt, ista procul absunt. Esto procul absint, si tamē procul absunt, certē mors tua non procul abest, & hora eius incerta est. & certum est tamen, in iudicio etiam particulari, quod non procul abest, reddendam esse ratio-

Lib. II. Cap. XIII. 237

rationem de verbo ocioso. & si Mat. 12
 de verbo ocioso, quid fiet de verbo
 pernicioso? de blasphemia,
 quæ tam multis familiaris est? &
 si de verbis; quid de rebus? de
 furtis? de adulterijs? de fraudi-
 bus in emendo, & vendendo? de
 cædibus? de incendijs? de pecca-
 tis alijs etiam grauioribus? Ita-
 que res prædictæ iam impletæ nos
 inexcusabiles reddent, nisi certis-
 simè credamus esse omninò im-
 plenda, quæ restant: neque satis
 est credere, nisi fides nos efficaci-
 ter moueat ad facienda, vel fu-
 gienda, quæ fides docet facienda
 esse, vel fugienda. Si dicenti ar-
 chitecto domum minari ruinam,
 & qui intus sunt; fidem se habere
 architecto dicant, & tamen non
 exeant, & ruina domus se oppri-
 mi sinant; quid dicemus de illa
 fide? id quod Apostolus de simili-
 bus ait, *Dicunt se nosse Deum*, Tit. 1.
factis autem negant. Et si iuben-
 ti medico, ne agrotus vinum bi-
 bat; æger assentiatur, medicum
 vtilia

238 De sept. verb. Dom.

utilia præcepisse, atque interim vinum postulet, & irascatur, nisi detur; quid dicemus? certè vel ægrotum phrenesi laborare, vel medico fidem non habere. Utinam nō essent plurimi inter Christianos, qui futurum iudicium Dei, & alia id genus dicant se credere, factis autem negent.

C A P. X I V.

De secundo fructu verbi sexti.

Alter fructus colligi potest ex secunda explicatione verborum Christi, *Consummatum est*. Diximus enim cum sancto Ioanne Chrysostomo, consummatum fuisse in morte Christi iter laboriosum peregrinationis ipsius Christi. Quæ quidem peregrinatio, negari non potest, quin fuerit supra modum aspera: sed tamen asperitas illa brevitatem, & fructu, glo-

Lib. II. Cap. XIV. 239

gloria, & honore compensata est. Duravit annis triginta tribus: sed quid est labor annorum triginta trium ad quietem æternitatis cōparatus? Laboravit Dominus in fame, & siti, in doloribus multis, in iniurijs sine numero, in plagis, in vulneribus, in ipsa morte; sed nunc torrente voluptatis potatur: quæ voluptas non deficiet in æternum. Denique *humiliatus est, Psal. 21. factus opprobrium hominum, & abiectio plebis ad breuē tempus. sed Deus exaltauit illum, & do-* *Philp. 2. nauit illi nomen, quod est super omne nomen, ut in nomine Iesu omne genu flectatur, celestium, terrestrium, & infernorum.* Cōtra verò Iudæi perfidi exultaue-
runt ad horam in passione Christi; Iudas auaritiæ mancipium exultaui-
t ad horam in lucro pau-
corum nummorum: Pilatus exul-
tauit ad horam, quia non amisit
amicitiam Augusti, & recupera-
uit amicitiam Régis Herodis; sed
iam ad annos ferè mille sexcentos
cru-

240. De sept. verb. Dom.

cruciantur in gehenna, & fumus
Apo. 19 eorum ascendet in sæcula sæculo-
rum. Ex his discant omnes serui
crucis, humiles, mites, patientes;
quàm bonum, & faustum sit, cru-
cem suam tollere in præsentì vi-
ta, & Christum Ducem sequi; nec
villo modo inuideant ijs, qui feli-
ces esse videntur in hoc sæculo.
Vita enim Christi, & sanctorum,
Apostolorum, & Martyrum ve-
rissimus commentarius est verbo-
rum Magistri omnium magistro-
Matt. 5. rum, *Beati pauperes, beati mites,*
beati qui lugent, beati qui perse-
cutionem patiuntur propter iusti-
tiam, quoniam ipsorum est Re-
gnum celorum. & contra, *Vae*
Luc. 6. *vobis diuitibus, qui habetis conso-*
lationem vestram: vae vobis, qui
saturati estis, quia esurietis: vae
vobis qui ridetis nunc, quia luge-
bitis, & flebitis. Et quamvis non
solum verba Christi, sed etiam vi-
ta, & mors Christi, id est, non
solum textus, sed etiam commen-
tarius à paucis intelligatur, &
ca-

Lib. II. Cap. XV. 241

capiatur in gymnasijs huius mundi : tamen si quis exire voluerit de mundo, & ad cor suum intrare, & serio meditari, ac sibi ipse dicere, *Audiam quid loquatur in me Dominus Deus*; & simul humiliprece, & gemitu colūbino pulsare voluerit ad aures magistri, cuius est liber, & commentarius; non difficulter intelliget omnem veritatem, & veritas liberabit eum ab erroribus vniuersis; vt iam non sit difficile, quod antea impossibile videbatur.

C A P. XV.

De tertio fructu verbi sexti.

IAm fructus tertius, quem ex verbo sexto colligere possumus, ille est, vt discamus ipsi nos vt Sacerdotes spirituales offerre *Deo spirituales hostias*, vt loquitur sanctus Petrus, vel *exhibere corpora* 1. Pet. 2.

L ra

242 De sept. verb. Dom.

ra nostra, bestiam viventem, sanctam, Deo placentem, rationabile obsequium nostrum, ut nos docet Apostolus Paulus. Nam si verba illa, *Consummatum est*, significât, sacrificium Summi Sacerdotis in cruce fuisse completum: æquum est, ut discipuli crucifixi, magistrum imitari cupientes, eo modo, quo possunt, id est, pro sua tenuitate, & paupertate offerant & ipsi sacrificium Deo. Et quidem Apostolus Petrus docet omnes Christianos, esse Sacerdotes, non propriè dictos, quales sunt, qui ab Episcopis in Ecclesia Catholica ordinantur ad offerendum sacrificium corporis Christi; sed Sacerdotes spirituales, id est, ut ipse declarat, ad offerendas spirituales hostias; non hostias propriè dictas, quales erant in testamento veteri oves, & boues, & turtures, & columbæ; & in nouo Corpus Christi in Eucharistia: sed hostias mysticas, quæ ab omnibus offerri possunt, ut orationes, & lau-

Lib. II. Cap. XV. 243

laudes, nec non opera bona, ieiunia, & eleemosynas. de quibus dicit Apostolus Paulus, *Per ipsum ergo offeramus hostiam laudis semper Deo, id est, fructum laborum confitentium nomini eius.* idem verò Apostolus in epistola ad Romanos accuratissimè nos docet, mysticum sacrificium offerre Deo ex corporibus nostris, ad similitudinem veterum sacrificiorum legis antiquæ. Quatuor enim leges sacrificiorum erant, prima, ut in sacrificio adesset hostia, id est, res Deo sacrata, quam nefas esset in usum prophanum conuerti. Altera, ut ea esset res viuens, ut ouis, capra, vitulus. Tertia, ut esset sancta, id est, munda. Erant enim apud Hebræos animalia munda, & immunda: animalia munda censebantur oues, boues, capræ, turtures, passerres, columbæ. Reliqua censebantur immunda, ut equus, leo, vulpes, accipitres, corui, alia. Quarta, ut hostia incenderetur, & odor eius

244 De sept. verb. Dom.

uitatis emitteret. Atque hæc omnia Apostolus numerat, cùm ait, *Obsecro vos, vt exhibeatis corpora vestra, hostiam, viuentem, sanctã, Deo placentem*. Et addit, *rationabile obsequium vestrum*: vt eum intelligamus, non exhortari nos ad sacrificium propriè dictum, quasi velit, corpora nostra, instar ouium sacrificij, verè occidi, & comburi: sed ad sacrificium mysticum, & rationabile, similitudinarium, non proprium, spirituale, non corporale. Hortatur igitur nos Apostolus, vt quemadmodum Christus in cruce ad nostram vtilitatem obtulit sacrificiũ corporis sui per veram, & propriam mortem: sic nos offeramus ad eius honorem corpora nostra, quasi hostiam quamdam, eamq; viuentem, & sanctam, & perfectam, ac per hoc Deo benè placentem, quæ spirituali quodam modo occidatur, & concremetur.

Explicemus ordine singulas conditiones. Primum debent esse

no-

Lib II. Cap. XV. 245

nostra corpora, hostiæ, id est, res Deo sacræ, quibus utamur ad honorem Dei, non ut rebus nostris, sed ut rebus Dei, cui consecrati sumus per baptismum: & qui nos emit pretio magno, ut dicit idem Apostolus ad Corinthios. Nec so- 1. Cor. 6.
lūm hostia Dei esse debemus: sed hostia viuens vita gratiæ, & Spiritus sancti. Qui enim per peccatum mortui sunt, non sunt hostiæ Dei, sed diaboli, qui mortificat animas, & in ea re mirificè delectatur. At Deus noster, qui semper viuit, & est fons vitæ, non vult cadauera scetentia sibi offerri, quæ ad nihil vtilia sunt, nisi ut proijciantur ad bestias. Proinde necesse est, ut vitam animæ diligentissimè conseruemus, ut hoc modo rationabile obsequium Domino nostro exhibeamus. Sed neque satis est, ut hostia sit viua, nam præterea requiritur, ut sancta sit. *Hostiam*, inquit Apostolus, *viuentem, sanctam*. Sancta dicitur hostia, cum ex animanti-

246 De sept. verb. Dom.

bus mundis offertur, non ex immundis. Erant autem animalia munda, ex quadrupedibus, ut supra diximus, oves, capræ, boues; ex auibus, turtures, passerres, & columbæ. Priora animantia significant vitam actiuam, posteriora contemplatiuam. Proinde, qui vitam actiuam inter fideles ducunt, si semetipsos hostiam sanctam exhibere volunt Deo, imitari debent simplicitatem, & mansuetudinem ouis, quæ lædere proximum nescit. Item labores, & grauitatem bouis, qui non ocia-
tur, non leuiter discurret, sed iugum suum ferens, & aratrum trahens, in terra colenda laborat assidue. Denique etiam capræ velocitatem in ascensione montium, & oculorum acumen in rebus longè conspiciendis. neque enim, qui in Ecclesia Dei vitam actiuam ducunt, sola mansuetudine, & iustis laboribus contenti esse debent; sed oportet eos etiam per crebras orationes alta cōscendere, & quæ
sursum

Lib. II. Cap. XV. 247

furfum funt , mente conſpicere .
Quomodo enim opera ſua ad Dei
gloriam referent , & incenſum
ſacrificij furſum emittent , ſi de
Deo nunquam , aut rarò cogitent ?
ſi Deum non quærant ? ſi in amo-
rem eius per contemplationem
non exardeſcant ? Vita enim Chri-
ſtianorum actiua non debet à cõ-
templatiua omnino eſſe diſiuncta ,
vt neque contemplatiua ab acti-
ua , vt mox dicemus . Itaque qui
non imitantur oues , boues , & ca-
pras , quæ Domino ſuo affiduè ,
vtiliterq; deſeruiunt : ſed quærun-
t quæ ſua ſunt , id eſt , ſola commo-
da ſua temporalia conſectantur ,
ij non offerunt Deo hoſtiam ſan-
ctam , ſed ſimiles ſunt beſtijs ra-
pacibus , & carniuoris , lupis , cani-
bus , vrfis , miluis , vulturibus , cor-
uis , quæ ſuo ventri deſeruiunt , &
leonem illum ſequuntur , qui ſem-
per *rugiens circuit , quærens quem* 1. Pet. 5.
deuoret . Iam verò Chriſtiani ho-
mines , qui vitam contemplatiuā
elegerunt , & ipſi ſe hoſtiam viuen-

248 De sept. verb. Dom.

tem, & sanctam Deo exhibere fatagunt, imitari debent solitudinem turturis, puritatem columbæ, & prudentiam passeris. Solitudo turturis ad monachos maximè, & eremitas pertinet, qui nihil commune cum secularibus habere student, & toti contemplationi, & Dei laudibus intenti sunt. Puritas columbæ cum fœcunditate coniuncta Episcopis, & clericis necessaria est, qui cum hominibus versantur, & filios spirituales gignere, & nutrire ex officio proprio debent. qui nisi crebrò ad supernam patriam per contemplationem volent, & ad necessitates hominum, per charitatem descendant, ægrè poterunt puritatem cum fœcunditate coniungere: sed vel soli contemplationi dediti steriles erunt, vel soli procreationi filiorum intenti, pulvere terreno inquinabuntur, & dum alios lucrari volent, ipsi (quod absit) fortasse se perdent. Porro vtrisque, tùm vitæ contemplatiuæ
de-

Lib. II. Cap. XV. 249

deditis, tùm vitæ actiuæ addictis, passeris prudentia multum omnino prodesse potest. Sunt enim passeres montani, & passeres domestici. Passeres montani incredibili solertia fugiunt laqueos, & retia venatorum: passeres domestici in ciuitatibus habitant, & super tecta domorum nidificant, sed ita cum hominibus versantur, vt nulli homini familiares fiant, neque facile ab eis apprehendi se sinant. Sic igitur omnibus quidem Christianis, sed præsertim clericis, & monachis prudentia passerum necessaria est, vt à laqueis dæmonum sibi caueant, & cum hominibus versentur, vt eis profint, sed consuetudinem ipsorum, ac præsertim feminarum vitent, confabulationes fugiant, comestationes declinent, ludis & spectaculis non intersint, nisi capi velint à laqueo venantium demoniorum.

Restat lex vltima sacrificiorū, vt sint hostiæ non solum viuentes,

250 De sept. verb. Dom.

Gen. 8.

Ephes. 5.

& sanctæ, sed etiam bene placentes, id est, odorem suauissimum, sursum mittentes. Id quod Scriptura significat, cum ait, *Odoratus est Dominus odorem suauitatis*. & de ipso Domino, *Dedit se ipsum oblationem, & hostiam Deo in odorem suauitatis*. Vt autem hostia odorem emittat gratissimū Deo, necesse est, vt occidatur, & cremetur. Id fit in sacrificio mystico, & rationabili, de quo loquimur cum Apostolo, quando carnalis concupiscentia verè mortificatur, & igne charitatis incenditur. Nihil enim est, quod carnalem concupiscentiam efficacius, celerius, perfectiusq; mortificet, quā sincerus Dei amor. Ipse est enim Rex, & Dominus omnium affectionum cordis, & omnes ab eo reguntur, & pendent, siue timor, siue spes, siue desiderium, siue odium, siue ira, siue quæcumque animi perturbatio. Ipse autem amor non cedit, nisi amorī maiori: ac per hoc quando diuinus a-

mor

Lib. II. Cap. XV. 251

mor cor humanum intimè possidet, & incendit, tunc demum carnales concupiscentiæ cedunt, & mortificatæ quiescunt. Inde ignita desideria, & purissimæ preces ad Deum ascendunt, instar aromatum, in odorem suauitatis. Hoc est igitur sacrificium, quod requirit Deus, & ad quod promptissimè exhibendum hortatur Apostolus.

Sed quia oblatio ista, res est ardua, & grauis, & difficultate plenissima, ideò B. Paulus efficacissimo argumento utitur, ut eam nobis persuadeat. argumentum est in verbis illis, *Obsecro vos per misericordiam Dei, ut exhibeatis corpora vestra, &c.* In græco codice legitur in numero multitudinis, *Obsecro vos per miserationes Dei.* Et quæ sunt, & quot miserationes Dei, per quas nos Apostolus obsecrat? Prima est creatio, qua nos fecit esse rem aliquam, cum nihil essemus. Secunda, cum fecit nos seruos suos, cum nostra

252 De sept. verb. Dom.

opera non indigeret, sed vt haberet, quibus benefaceret. Tertia, cū fecit ad imaginem suam, ac per hoc capaces cognitionis suæ, & amicitia suæ. Quarta cū fecit per Christum filios suos adoptiuos, & cohæredes vnigeniti sui. Quinta, cū fecit nos membra sponsæ suæ, & corporis sui, quibus est caput. Denique sexta, quod obtulerit *semetipsum* in cruce *oblationem, & hostiam Deo in odorem suauitatis*, vt nos redimeret à seruitute, & lauaret à maculis, & exhiberet ipse sibi gloriosā *Ecclesiam, non habentem maculam, neque rugam*. Hæ sunt miserationes Domini, per quas nos Apostolus obsecrat, quasi diceret; Tanta Dominus contulit vobis, nec merentibus, nec petentibus: cur graue vobis videri debeat, si vos ipsi hostiam Deo viuentem, sanctam, & beneplacentem offeratis? Certè si quis ista attentè cogitare voluerit, non solum non graue, sed leue, & facile, & iucundum,

ac dulce illi videbitur, tam bono Domino toto corde, & toto tempore vitæ suæ seruire: eiq; se totum, ad exemplum eius, hostiam, & oblationem, atque adeò holocaustum in odorem suauitatis offerre.

C A P. XVI.

*De quarto fructu verbi
sexti.*

FRUCTUS quartus sumi potest ex quarta explicatione verborum illorum, *Consummatum est*. Si enim verum est, vt est verissimum, Christum iusto iudicio Dei transtulisse nos à seruitute diaboli in Regnum filij dilectionis suæ, quæramus diligenter, & non desistamus, donec inueniamus; quæ causa sit, cur tantus hominum numerus malit hosti humani generis iterum se in seruitutem tradere, vt cum eo ardeat in æternum in ge-

254 De sept. verb. Dom.

gehennæ camino ; quàm Christo Principi benignissimo deseruire , immò cū illo felicissimè , certissimèq; regnare . Ego certè nullam inuenio causam, nisi quia in obsequio Christi inchoādum est à cruce , & necesse est carnem crucifigere cum vitijs , & concupiscentijs . Hæc amara potio , atque hic calix absintij homini naturaliter ægro nauseam facit , & sæpè causa est, vt malit ægrotare, quàm eo modo curari . Et si quidem homo, non homo, sed bestia esset, aut certè homo delirus , & mente captus esset ; concedi illi posset, vt sensu , & appetitione regeretur : sed cū homo rationis sit particeps, certè intelligit, vel intelligere potest, eum, qui iussit, carnem crucifigi cum vitijs , & concupiscentijs , non solum instare præcepto , sed etiã iuuare, immò præuenire auxilio gratiæ suæ : quo modo sapiens medicus amarum poculum sic temperare nouit , vt non difficulter hauriatur .

De-

Lib.II. Cap.XVI. 255

Deinde si vnusquisque nostrum primus esset, cui diceretur, tolle crucem tuam, & sequere me; fortasse posset hærere, ac diffidere de viribus suis, nec audere crucem attingere, quam se portare posse non crederet: at cum tam multi ante nos, nec solum viri, sed etiã pueri, & puellæ, crucem post Christum fortiter tulerint, & constanter portauerint, & carnem suam cum vitijs, & concupiscentijs crucifixerint, quid nos timemus? cur hæremus? Hoc argumento sanctus Augustinus superatus carnalem concupiscentiam vicit, quam insuperabilem longo tempore reputauerat. Constituit enim sibi ante oculos mentis ex memoriæ promptuario multos, & multas continentes, multos, & multas virgines, ac sibi dicebat, *Cur non poteris, quod isti, & ista? isti, & ista non in se potuerunt, sed in Domino Deo suo.* & quod de concupiscentia carnis dicimus, idem dici potest de concupiscentia

Lib. 8. c. 11.
fes. c. 11.

256 De sept. verb. Dom.

oculorum, quæ est auaritia, & de
superbia vitæ; nullum enim est vi-
tium, quod adiuuante Deo cruci-
figi non possit: neque periculum
est, ne Deus iuuare non velit, cum
sanctus Leo dicat, *Iuste instat*
præcepto, quia præcurrit auxilio.
Verè igitur miseri sunt, ne dicam
amentes, & stulti, qui cum possint
iugum Christi suaue, ac leue subi-
re, & requiem animæ suæ in hac
vita reperire, & cum eodem Chri-
sto in futura regnare; malint quin
quæ iuga bouum, diabolo iubente,
portare; & sensibus carnis non si-
ne labore, & dolore seruire; & ad
extremum apud inferos cum ipso
suo domino diabolo perpetuò
cruciari.

Ser. 16.
de pass.
Domini.

Mass. 11

Luc. 14.



C A P. X V I I.

*De quinto fructu verbi
sexti.*

Q Vintus fructus ex verbis illis decerpendus erit, quatenus hæc verba significant, Ecclesiæ ædificationem in cruce consummatam fuisse; & ipsam Ecclesiam, ut alteram Euam, ex latere Christi morientis, tanquam ex costa Adami dormientis prodijisse. Hoc porro mysterium docet nos, ut crucem amemus, crucem honoremus, cruci vehementer afficiamur. Quis enim locum non amat, unde mater ipsius prodijt? Certè fideles omnes miro modo afficiuntur erga sacratissimam domum Lauretanam, quia ibi nata est Virgo Dei-para, & ibidem natus est, non quidem extra vterum, sed in vtero virginali Iesus Christus Deus

no-

258 De sept. verb. Dom.

noster. Sic enim loquitur Angelus
Mat. 1. ad Iosephum, *Quod in ea natum*
est, de Spiritu sancto est. Hinc
 etiam & ipsa Ecclesia memor na-
 tiuitatis suæ, crucem vbique pin-
 git, vbique locat, in fronte, in tē-
 plis, in domibus; neque vlla sacra-
 menta peragit sine cruce, neque
 aliquid benedicendo sanctificat
 sine cruce: sed amorem præcipuū
 tunc cruci deferimus, cū pa-
 tienter propter amorem crucifixi
 toleramus aduersa. hoc enim est
 in cruce gloriari, id facere, quod
 Apostoli faciebant, cū *ibant*
an. 5. *gaudentes à conspectu concilij,*
quoniam digni habiti erant pro
nomine Iesu contumeliam pati.
 & Apostolus Paulus quid sit in
 cruce gloriari, explicat cū di-
Rom. 5. *cit, Gloriamur in tribulationibus,*
scientes, quòd tribulatio patien-
tiam operatur, patientia autem
probationem, probatio verò spem,
spes autem non confundit, quia
charitas Dei diffusa est in cordibus
nostris per Spiritum sanctum,
 qui

Lib. II. Cap. XVII. 259

qui datus est nobis. Vnde concludit ad Galatas scribens, Mibi gal. 6. absit gloriari, nisi in cruce Domini nostri Iesu Christi, per quem mihi mundus crucifixus est, & ego mundo. Hic est verè triumphus crucis, si mundus cum suis pompis, & oblectationibus sit animæ Christianæ, & Christum crucifixum diligenti veluti mortuus; & anima ipsa Christiana sit ipsi mundo veluti mortua, amans tribulationem, & contemptum, quæ mundus odit, & odio prosequens carnales voluptates, & gloriam temporariam, quæ mundus diligit: sic perficitur, & consummatur seruus Dei, ut de ipso quoque dici possit, consummatus est.



CAP. XVIII.

*De sexto fructu verbi
sexti.*

Postremus restat fructus ab exemplo perseverantiæ Domini in cruce, vtilissimè colligendus. siquidem ex verbo illo, *Consummatum est*, intelligimus, Dominum consummasse opus passionis suæ ab initio vsque ad finem, vt nihil desiderari posset. *Dei perfecta sunt opera*, inquit Moyses: & quemadmodum Pater die sexto perfecit opus creationis, & die septimo requieuit; sic & Filius die sexto consummauit opus redemptionis, & die septimo requieuit. Frustra clamabant Iudæi ante crucem, *Si Rex Israel est, descendat de cruce, & credimus ei*. Rectius dicit sanctus Bernardus, *Immò quia Rex Israel est, titulum regni non deferat.* & paulò

Deut. 32

Matt. 26

3er 1 de
resurr.

Lib.II.Cap.XVIII. 261

lò intra , *Non tibi dabit occasionem surripienda nobis perseuerantiae , quæ sola coronatur . Non faciet obmutescere prædicatorum linguas consolantium pusillanimes , & dicentium singulis , Tu locum tuum ne deseras . quod sine dubio sequeretur , si respondere possent , quia Christus suum deseruit .* Christus igitur perseueravit in cruce vsque ad vitæ finē , vt consummaret opus suum sic , vt nihil ei deesset ; & nobis exemplum perseuerantiæ prorsus admirabile derelinqueret . Facile siquidem est , perseuerare in locis amenis , & in actionibus , quæ voluptatem adferunt : sed in labore , & dolore diutius perseuerare , difficillimum est . Sed si cognouerimus , quid Christum perseuerare fecerit in cruce ; fortasse discemus & nos crucem nostram perseueranter ferre ; & si opus etiam fuerit , in illa perseueranter ad mortem vsque pendere . Si quis ad solam crucem oculos admoueat ,
non

262 De sept.verb.Dom.

non poterit non horrere funestæ mortis instrumentum. Sed si oculos, non tam corporis, quàm mentis ad illum erigat, qui crucem, nos portare iubet, & ad locum, quo illa perducit, & ad fructum, quem eadem ipsa producit: tùm non difficile, & arduum, sed facile, & iucundum erit, perseverare in baiulanda cruce, vel perseveranter pendere de cruce.

Quid igitur Christum fecit tam perseveranter, sine querela de cruce pendere vsque ad mortem? Prima causa fuit amor Patris.

Ioan. 18. Calicem, inquit, quem dedit mihi Pater, non vis ut bibam illum? Amabat Christus Patrem amore prorsus ineffabili: & ab illo pari amore diligebatur. Cùm igitur videret calicem illum sibi dari à Patre optimo, & amantissimo, ut nullo modo suspicari posset, sibi dandum nisi ad finem optimum, & sibi ipsi gloriosissimum; quid mirum, si calicem illum libentissimè totum exhausit? Deinde Pa-
ter

Lib.II.Cap.XVIII. 263

ter Filio nuptias fecit, & sponsam Matt. 20
illi dedit Ecclesiam, sed sordida-
tam, & rugosam, quam tamen, si
vellet in balneo calente sanguinis
sui diligenter abluere, facile red-
deret gloriosam, *non habentem* Ephes. 5
maculam, neque rugam. Adama-
uit igitur Christus sponsam à Pa-
tre sibi coniunctam; & non graue
illi fuit, sanguine suo, illam ab-
luere, ut formosam, & gloriosam
efficeret. Nam si Iacob propter
Rachelem annis septem labora-
uit in pascendis gregibus Laban,
sic ut æstu vreretur, & gelu, & fu-
geret somnus ab oculis eius; &
visi sunt illi tam multi anni, *pauci* Gen. 29.
dies præ amoris magnitudine. Si,
inquam, pro vna Rachele Iacob
nihili fecit laborem annorum se-
ptem, & rursus aliorum septem:
quid mirum si Filius Dei pro Ec-
clesia sponsa, quæ multorum mil-
lium sanctorum Dei filiorum ma-
ter futura erat, tres horas in
cruce perseverare voluerit? De-
nique Christus non amorem so-
lum

264 De sept. verb. Dom.

lum Patris, & Sponsæ respiciebat, cum passionis calicem bibiturus esset; sed etiam eminentissimam, illam gloriam, & nunquam finientem lætitiæ magnitudinem, ad quam per crucis patibulum ascēsurus erat; dicente Apostolo, *Humiliauit semetipsum factus obediens usque ad mortem, mortem autem crucis. Propter quod & Deus exaltauit illum, & dedit illi nomen, quod est super omne nomen, ut in nomine Iesu omne genu flectatur, cælestium, terrestrium, & infernorum.*

Addamus ad Christi exemplū, exemplum Apostolorum. Paulus cruces suas, & aliorum Apostolorum enumerans in epistola ad Romanos, ait, *Quis ergo nos separabit à charitate Christi? tribulatio? an angustia? an fames? an nuditas? an gladius? sicut scriptum est: Quia propter te mortificamur tota die, æstimati sumus sicut oves occisionis. & respondet, sed in his omnibus superamus propter eum,*
qui

Lib.II.Cap.XVIII. 265

qui dilexit nos . Ut durarent, & perseuerarent in cruciatibus; non cruciatus attendebant, sed amorem Dei, qui nos dilexit, & Filiū suum pro nobis dedit; vel etiam, quia Christum ipsum considerabant, qui dilexit nos, & dedit semetipsum pro nobis . Idem Apostolus scribens ad Corinthios, *Repletus sum, inquit, consolatione, superabundo gaudio in omni tribulatione nostra .* Vnde consolatio tanta, vnde gaudium tantum, quod tribulationem quasi sentiri non patiatur? Respondet alio loco, quia *quod in presenti est momentaneum, & leue tribulationis nostre, eternum gloriae pondus operatur in nobis.* Itaque contemplatio gloriae sempiternae, quam ante oculos mentis gerebat, causa erat, cur tribulatio momentanea, & leuis illi videretur. *Has cogitationes, inquit sanctus. Cyprianus, quae persecutio potest vincere? quae possunt tormenta superare?* His addi potest exemplum

2. Cor. 7.

2. Cor. 4.

Libro de
exhort.
Martyr.

M

san-

266 De sept. verb. Dom.

sancti Andreæ, qui crucem, in qua
biduo pependit, non vt crucem
aspexit, sed vt amicam salutauit.
& cùm populus eum deponendum
curare vellet, nullo modo permi-
sit, sed in cruce vsque ad mortem
perseuerare voluit. neque erat iste
homo imprudens, sed sapientissi-
mus, & Spiritu sancto plenus.

Ex his exemplis Christi, & Apo-
stolorum eius, discere possunt om-
nes Christiani, quo modo se gere-
re debeant, cùm de cruce sua de-
scendere, id est, de tribulatione
liberari sine peccato non possunt.
Eiusmodi sunt in primis regula-
res omnes, quorum vita votis
paupertatis, castitatis, & obedien-
tiæ adstricta similis martyrio esse
censetur. Item coniugati, cùm
diuina prouidentia maritus vxo-
rem querulam, morosam, iracun-
dam, ac penè intolerabilem for-
titus est: vel vxor maritum non
minus difficilem habet, qualem
fuisse sanctæ Monicæ virum testis

Lib. 9. c. 9 est sanctus Augustinus in libris

Con-

Lib. II. Cap. XVIII. 267

Confessionum. Eiusmodi sunt etiam mancipia, quæ libertatem amiserunt, addicti perpetuo carceri, vel alligati triremibus; egroti denique, qui morbo incurabili laborant; & pauperes, qui nisi furtis, vel latrocinijs ad diuitias aspirare non queunt. Hi omnes, & si qui sunt alij, si perseverare in ferenda cruce cum gaudio spirituali, & ingenti mercede cupiunt; non respiciant crucem, sed eum, qui crucem humeris illorum imposuit. Is enim sine dubio Deus fuit, qui Pater noster amantissimus est, & sine cuius prouidentia nihil in hoc mundo geritur. Beneplacitum autem Dei sine dubitatione vlla optimum est, & nobis gratissimum esse debet. Proinde cū Christo dicere debent omnes, *Galicem quem dedit mihi Pater, Ioan. 18. non vis ut bibam illum?* & cum Apostolo, *In his omnibus superamus propter eum, qui dilexit nos. Rom. 8.* Deinde possunt etiam, ac debent omnes, qui crucem suam depone-

268 De sept. verb. Dom.

re sine peccato nequeunt; non
tām præsentem laborem confide-
rare, quàm futuram mercedem,
quæ sine dubitatione vlla superat
omnem laborem, & dolorem vitæ
præsentis, dicente Apostolo, *Non*
Rom. 8. *sunt condignæ passionēs huius tem-*
poris ad futuram gloriam, quæ re-
uelabitur in nobis. & alibi de Moy.
Hebr. 11. *se loquens, Maiores diuitias asti-*
mans thesauro Aegyptiorum im-
properium Christi: aspiciebat enim
in remunerationem.

Denique addere possumus ad
cōsolationem eorum, qui crucem
grauem, & longo tempore gesta-
re coguntur, exempla duorum,
qui perseuerantiam perdiderunt,
& crucem sine comparatione gra-
uiorem inuenerunt. Iudas Chri-
sti proditor, cū in se reuersus,
proditionis crimen detestaretur,
non ferens confusionem, qua suf-
fundi eum necesse erat, si cum
Apostolis vel discipulis alijs ver-
sari voluisset, laqueo se ipse suspen-
dit. sed mutauit, non euasit cru-
cem

Lib.II.Cap.XVIII. 269

cem confusionis, quam fugiebat .
Maior enim confusio illum seque-
tur in die iudicii, coram omnibus
Angelis, & hominibus, quando nō
solum Christi proditor, sed etiam
homicida sui ipsius declarabitur .
Et quanta cæcitas illa fuit, vitare
confusionem modicam apud gre-
gem pusillum, & mansuetum disci-
pulorum Christi, qui omnes illum
ad bene sperandum de misericor-
dia Saluatoris erexissent: & non
vitare infamiam, & confusionem
proditionis Christi, & proprii su-
spendij apud theatrum omnium
hominum, & Angelorum? Alte-
rum exemplum desumi potest ex
oratione sancti Basilij in Quadra-
ginta Martyres . summa hæc est .
In persecutione Licinij Imperato-
ris, milites Quadraginta cum in
fide Christi perseverare statuif-
sent, damnati sunt, vt sub dio, nu-
di, tempore, & loco frigidissimo,
totam noctem consumerent, & eo
modo longissimo, acerbissimoq;
martyrio ex congelatione peri-
rent .

270 De sept. verb. Dom.

rent. Aderat autem paratum balneum calidum, ut si qui fidem abnegare vellent, in eo reciperentur. Ex ijs triginta nouem non tam ad pœnam cōgelationis præsentem, & breui finiendam, quàm ad coronam gloriæ sempiternæ mentis oculis aspiciētes, facile in fide perseuerauerunt, & coronas splendidissimas de manu Domini meruerunt. Vnus, qui totus defixus erat in pœna sua consideranda, & appendenda, perseuerare non potuit, & ideò in tepesactum balneum insiluit. Sed continuò defluentibus carnibus iam congelatis, animam exhalauit, & ad inferos, ut Christi abnegator, ad perpetua tormenta descendit. Sic mortem fugiens mortem inuenit, & crucem breuem, & leuem cum sempiterna, & grauissima commutauit. Horum igitur duorum infelicium hominum imitatores sunt, quotquot crucem ordinis religiosi deserunt; qui iugum suæ, & onus leue proijciunt; &

quan-

Lib. II. Cap. XIX. 271

quando minimè cogitant, inueniunt se iugo longe grauiori alligatos, cupiditatum variarum, quas explere nunquam poterunt, & oneribus peccatorum grauissimis pressos, vt respirare non possint. Eadem ratio est de omnibus alijs, qui crucem suam cum Christo ferre recusant, & crucem diaboli peccando ferre coguntur.

C A P. X I X.

Explicatur ad literam verbum septimum, Pater, in manus tuas commendo spiritum meum. Luc. 23.

P Eruenimus ad postremain Christi vocem, quam in cruce moriturus non sine magno clamore emisit, dicens, *Pater in manus tuas commendo spiritum meum.* Explicabimus ordine verba singula. *Pater*, inquit. meritò

272 De sept. verb. Dom.

Patrem vocat, quia filius illi fuit obediens vsque ad mortem; ideò dignissimus qui audiat. *In manus tuas.* Manus Dei dicuntur in scripturis, intelligentia, & voluntas, siue sapientia, & potentia; siue, quod in idem recidit, intellectus omnia sciens, & voluntas omnia potens. His enim duabus, quasi manibus, Deus omnia facit; neque indiget instrumentis, quia

*Ser. 2. de
natiuit.*

vt loquitur sanctus Leo, *in Deo voluntas potentia est.* Itaque vel-
le apud Deum est facere: *Omnia quacumque voluit fecit in calo & in terra.* Commendo, quasi in de-
positum trado, vt cum fide resti-
tuatur, quando restituendi tem-
pus aduenerit. *Spiritum meum.*

Ps. 113.

De hac voce non parua quæstio est. Solet enim spiritus & pro anima, quæ forma substancialis corporis est, & pro vita ipsa accipi; quoniam signum vitæ spiratio est. & qui spirant, viuunt, qui spirare desinunt, moriuntur. Et quidem si per spiritum hoc loco intelli-

gamus

Lib. II. Cap. XIX. 273

gamus animam Christi, cauendū est, ne quis existimet, periculum aliquod fuisse illi animæ de corpore exeunti; in quem modum, alijs hominibus morientibus cōmendari solet anima multis precibus, & multa sollicitudine, quoniam ad tribunal Iudicis vadit, acceptura pro meritis bonis, vel malis gloriam, siue pœnam. Tali commendatione non eguit anima Christi; tūm quia beata erat ab initio creationis; tūm quia filio Dei in persona coniuncta erat, & anima Dei dici poterat; tūm denique quia victrix, & triumphatrix de corpore exhibat, & terrori erat dæmonibus omnibus, non ipsa terri a dæmonibus poterat. Itaque si spiritus hoc loco pro anima accipiatur, illa verba Domini, *Commendo spiritum meum*, significabunt, animam Christi, quæ fuerat in corpore, tanquam in tabernaculo, futuram esse in manibus Patris, quasi in deposito, donec reuertatur ad

274 De sept. verb. Dom.

Sap. 3.

corpus; iuxta illud Sapientiae, *Iustorum anima in manu Dei sunt.* Sed omnino credibilius est, hoc loco per spiritum, intelligi vitam corporalem, ut sensus sit, Ego spiritum vitae nunc trado, ac per hoc desino spirare, & viuere: sed hunc spiritum, hanc vitam, tibi Pater commendo, ut eam corpori meo breui restituas. Tibi enim nihil perit, quin etiam tibi omnia viuunt, qui vocando quæ non sunt, facis, ut sint; & vocando quæ non viuunt, facis, ut viuant.

Psal 30.

Hanc esse veram huius loci sententiam, primò colligi potest ex psalmo tricesimo, ex quo Dominus hanc orationem accepit. Sic enim orat sanctus David, *Educes me de laqueo hoc, quem absconderunt mihi, quoniam tu es protector meus. In manus tuas commendo spiritum meum.* quo loco apertissimè Propheta per spiritum intelligit vitam. Precatur enim, Deum, ut non finat se occidi ab hostibus, sed vitam sibi conseruet.

Lib. I I. Cap. XIX. 275

uet. Deinde colligitur ex hoc ipso loco Euangelij; posteaquam enim dixit Dominus, *Pater in manus tuas commendo spiritum meum*, subiunxit Euangelista, *Et hæc dicens, expirauit*. expirare enim est desinere spiritum trahere, quod est viuientium: quod non de anima forma substantiali dicitur, sed de aëre, quem spiramus, dum viuimus, & spirare desinimus, cum morimur. Postremo colligitur hoc idem ex illis verbis Apostolicis, *Qui in diebus carnis* Hebr. 5. *sue preces, supplicationesq; ad eum, qui possit illum saluum facere à morte cum clamore valido, & lacrymis offerens, exauditus est pro sua reuerentia*. Hunc locum aliqui exponunt de oratione, quam Dominus fudit in horto, dicens, *Pater, si fieri potest, transfer calicem hunc à me*. Mar. 14. Sed eo loco Dominus non orauit cum clamore valido, neque fuit exauditus, ac ne ipse quidem exaudiri voluit, vt saluus fieret à morte,

276 De sept. verb. Dom.

Orauit enim, vt calix passionis transiret à se; vt ostenderet desiderium naturale non moriendi, & se verè esse hominem, cuius natura mortem exhorret, sed addidit, *non quod ego volo, sed quod tu: fiat voluntas tua*. Itaque in horto fieri non potest, vt oratio Christi fuerit illa, de qua loquitur Apostolus ad Hebræos. Alij orationem istam Christi, cuius meminit sanctus Paulus, volunt illam esse, quam Dominus pro suis crucifixoribus fudit in cruce, dicens, *Pater dimitte illis, quia nesciunt quid faciunt*. At eo tempore Dominus non est vsus clamore valido, neque pro se orauit, vt saluus fieret à morte: quæ duo habentur apertè apud Apostolum ad Hebræos. Orauit enim in cruce pro crucifixoribus, vt eis peccatum illud grauiissimum, maximumq; dimitteretur. Restat igitur, vt verba Apostolica intelligantur de oratione illa postrema, quam fudit in cruce, dicens, *Pater in ma-*

nus

Lib.II. Cap.XIX. 277

nus tuas commendo spiritum meum.
 quam orationem fudit cum clamore valido, dicente sancto Luca,
Et clamans voce magna Iesus ait,
ubi manifestè Paulus, Lucasq; cō-
sentiunt. Deinde orauit Domi-
 nus, vt saluus fieret à morte, te-
 ste B. Paulo. id quod non potest si-
 gnificare, vt non moreretur in
 cruce: sic enim non fuisset exau-
 ditus, & Apostolus exauditum, *Hebr. 5.*
 fuisse testatur: sed significat, eum
 petiisse, vt non absorberetur à
 morte, sed mortem solùm degu-
 staret, & mox reuerteretur ad vi-
 tam. hoc enim significant illa
 verba, *Preces ad eum, qui posset*
illum saluum facere à morte, obtu-
lit. Non enim ignorare poterat
 Dominus, se omninò moriturum,
 ac præsertim cum iam esset vici-
 nissimus morti; sed cupiebat, sal-
 uus fieri à morte in hunc sensum,
 vt non diutius teneretur à morte,
 quod nihil fuit aliud, nisi orare
 pro celeri resurrectione: in qua re
 planè exauditus est, cum tertia die
 glo-

278 De sept. verb. Dom.

gloriosissimè resurrexit. Hæc verò explicatio testimoniij Paulini, satis aperte conuincit, spiritum accipi pro vita, non pro anima, cum Dominus ait, *In manus tuas commendo spiritum meum*. Non enim sollicitus erat Dominus de anima, quam sciebat esse in tuto, cum beatissima esset, & Deum facie ad faciem iam à sua creatione vidisset: sed sollicitus erat de corpore, quod vita destituendum per mortem esse videbat: atque adeò precabatur, vt corpus nō diu maneret in morte. quod, vt diximus, cumulatissimè impetrauit.

C A P. XX.

De primo fructu verbi septimi.

I Am verò ex hoc verbo postremo, & morte Christi, quæ proximè sequuta est, fructus aliquos more nostro colligemus. Ac primum

Lib. I I. Cap. XX. 279

mum ex ea re , quæ infirmitatis , & stultitiæ plenissima fuisse videtur; demonstrari video potentiã , sapientiam , & charitatem Dei longè maximam . In eo enim , quòd Dominus clamans voce magna expiravit, perspicuè cernitur potentia. Hinc enim colligitur eū potuisse non mori, & sponte sua obijisse. Qui enim naturaliter moriuntur, paulatim vires, & vocem amittunt, neque in extremo spiritu clamare possunt. Proinde non sine causa Centurio videns quòd Iesus, tanto profuso sanguine, clamans expirasset, dixit, *Verè filius Dei erat iste* . Magnus Dominus Christus est , qui etiam moriens potentiam suam ostendit , non solum in extremo spiritu clamando, sed etiã terrã concutendo, lapides scindendo, monumenta aperiendo, velum templi dirumpendo : quæ omnia Christo moriente facta esse Evangelista

Marc. 15

Matth. 26

Christi

280 De sept. verb. Dom.

Christi sapientia ostenditur. Nam concussio terræ, & scissio petrarū significabāt, per Christi passionē, & mortem fuisse permouendos homines ad pœnitentiam, & etiam obstinatorum corda scindenda. quod illo ipso tempore factum fuisse scribit sanctus Lucas, cū refert, multos ab illo spectaculo reuersos *tundentes pectora sua*. Apertio sepulchrorum designabat resurrectionem mortuorum, gloriosam ex Christi morte successuram. Scissio veli, vnde patuerunt Sancta Sanctorum, signum fuit, ob meritum mortis Christi, aperiendum cæleste sanctuarium, & Sanctos omnes deinceps admit-tendos ad videndam faciem Dei. Neque solum in his mysterijs significandis sapientiam suam Christus ostendit, sed etiam in eo, quod ex morte vitam produxit: in cuius rei figuram Moyses ex lapide scaturire fecit aquā. & ipse Christus ob eandem causam grano frumenti se ipse comparauit, quod

mo-

Luc. 23.

Num. 20

Ioan. 12.

Lib. II. Cap. XX. 281

moriendo multum fructū adfert :
nimirum vt granū frumenti dū
corrumpitur, germinat spicam vi-
uentem: sic Christus moriendo in
cruce multitudinem gentium vita
gratiæ donauit . & apertissimè
sanctus Petrus de Christo dicit,
Deglutiens mortem , vt nos vita 1. Pet. 3.
æternæ hæredes efficeremur. qua-
si dicere voluisset, Primus homo
deglutiens dulce pomū vetitum ,
omnem posteritatem morti addi-
xit : secundus homo deglutiens
mortis pomum amarissimum, om-
nes, qui ex illo renascuntur ad vi-
tam æternam adduxit . Denique
sapientiam suam moriendo Chri-
stus aperuit, quia fecit , vt crucis
patibulum , quo nihil foedius, aut
horribilius olim cernebatur, fa-
ctum sit honorificentissimum , &
gloriosum , vt Reges ipsi illud in
fronte gestare honori sibi ducant.
Nec solū honorificum, sed etiam
dulce , & amabile Christi amato-
ribus factum est . Vnde canit Ec-
clesia, *Dulce lignum, dulces clauos,*
dulce

282 De sept. verb. Dom.

dulce pondus sustinuit. Quod ipsum sanctus Andreas exemplo suo demonstraui, dum crucem, in qua figendus erat aspiciens, dixit, Salue crux pretiosa, quæ decorem de membris Domini suscepisti: diu desiderata, sollicitè quaesita, sine intermissione amata, & iam concupiscenti animo preparata. securus & gaudens ad te venio, & tu exultans suscipias me, discipulum eius, qui pependit in te magister meus Christus.

Joan. 15.

Quid iam de charitate dicemus? sententia Domini est, *Ma- iorem hac dilectionem nemo habet, ut animam suam ponat quis pro amicis suis. Id fecit Christus in cruce; nemo enim potuit illo inuito, vita ipsum spoliare. Nemo,*

Joan. 8.

inquit ipse, tollit eam à me, sed ego pono eam. Ideo autem maiorem charitatem nemo habet, quàm ut vitam suam ponat pro amicis suis, quia nihil amabilius, vel pretiosius vita inueniri potest, cum ipsa fundamentum sit omnium

Lib.II. Cap.XX. 283

bonorum. *Quid enim prodest ho-* Matt. 16
mini, inquit idem ipse Dominus,
si uniuersum mundum lucretur,
anima verò sua, id est, vitæ suæ
detrimentum patiatur? Hinc om-
nia pro viribus, resistunt, & supra
vires resistere conantur ijs, qui
vitam eripere conantur. Ex quo
legimus in libro Iob, *Pellem pro* Iob 2.
pelle dabit homo, & cuncta quæ
habet pro anima sua, id est, pro
vita sua. Sed hæc generalia sunt:
veniamus ad propria. Christus
charitatem suam erga genus hu-
manum, & erga vnumquemque
nostrum in cruce moriendo mul-
tis modis ineffabiliter demōstra-
uit. Primum enim vita eius om-
nium vitarum pretiosissima erat,
quippe vita hominis Dei, vita
Regis omnium potentissimi, vita
doctorum omnium sapientissimi,
vita proborum omnium optimi.
Deinde vitam posuit pro inimi-
cis, pro sceleratis, pro ingratis.
Præterea vitam posuit, ut istos ini-
micos, sceleratos, & ingratos, &
ge-

284 De sept. verb. Dom.

gehennæ incendijs, quibus additi iam erant, sui sanguinis pretio liberaret. Denique vitam posuit, ut istos eisdem sibi fratres, & cohæredes efficeret, & in regnis cælestibus, perpetuò felicissimos collocaret. Et erit deinceps aliquis tam durus, & tam efferatus, qui Christum Iesum toto corde non diligat? & in eius gratiam, quæcumque aspera non sustineat? Auertat Deus cor tam lapideum, & ferreum, non à fratribus nostris tantum, sed ab omnibus hominibus, etiam infidelibus, & atheis.

C A P. XXI.

De secundo fructu verbi septimi.

Alter fructus, & quidem utilissimus erit, si discamus frequentare orationem, quam Magister noster Christus nos docuit, eum iturus ad Patrem dixit, *In*

Lib. II. Cap. XXI. 285

manus tuas commendo spiritum meum. Sed quoniam ipse non ea necessitate premebatur, qua nos premimur, & ipse Filius, & sanctus erat, nos serui, & peccatores sumus: ideo Ecclesia mater & magistra nostra eandem orationem frequentare nos docet, sed integram, ut est in psalmo Davidis, non dimidiatam, ut Christus eam protulit. In psalmo sic legitur, *In manus tuas commendo spiritum meum: redemisti me Domine Deus veritatis.* Psal. 30. Omisit Christus partem posteriorem, quia ipse redemptor est, non redemptus: nos, qui pretioso eius sanguine redempti sumus, istam partem omittere non debemus. Præterea Christus Patrem orauit, ut Filius unigenitus; nos Christum oramus, ut redemptorem: ideo non dicimus, *Pater, in manus tuas commendo spiritum meum*, sed, *In manus tuas Domine commendo spiritum meum: redemisti me Domine Deus veritatis.* Ad quem
mo-

286 De sept. verb. Dom.

An 7. modum sanctus protomartyr Stephanus moriturus, dixit, *Domine Iesu accipe spiritum meum.*

Porro Ecclesia mater nostra, tribus temporibus hanc orationem frequentare nos docet. Primum diebus singulis ad Completorium, ut nouerunt, qui horas canonicas legunt. Deinde cum ad sacrosanctam Eucharistiam accedimus; post, *Domine non sum dignus*: sacerdos primum pro se, deinde pro alijs communicaturis dicit, *In manus tuas Domine commendo spiritum*: denique in exitu de hac vita, fideles omnes admonentur ut dicant, *In manus tuas Domine, &c.* Quod attinet ad Completorium, non dubium est, quin tunc dicatur, *In manus tuas Domine, &c.* quoniam Completorium ad finem diei legi solet: ac, ut loquitur sanctus Basilius, *primis se intendentibus tenebris, & quoniam nocturnis horis facile fieri potest, ut mors inopinata nos opprimat, commendamus animam*

*In regulis fusi-
us explicatis
quæst.*
37.

Lib II. Cap. XXI. 287

nostram Domino, ut si forte subitanea mors nobis adueniat, non adueniat improuisa. Quòd autem tempore sacrosanctæ Eucharistiæ percipiendæ, dici debeat, In manus tuas Domine, ratio est in promptu; quoniam actio illa, valde periculosa, & simul etiam, valde necessaria est, ut sine periculo neque frequentari, neque intermitti possit. Qui enim sumit I. Cor. I. E
corpus Domini indignè, iudicium sibi manducat, id est, condemnationem sibi ipse sumit: qui corpus Domini non sumit, panem Iean. 9.
vitæ, & ipsam vitam non sumit. Itaque angustia nobis sunt vndique, quales experiuntur, qui valde esuriunt, & tamen certi non sunt, an quod apponitur ad comedendum, cibus sit, an venenum. Igitur meritò cum timore, & tremore dicimus, Domine non sum dignus ut intres sub tectum meum, nisi tu ex pietate tua feceris dignum: ideò, dic tantum verbo, & sanabitur anima mea. Sed quia
de

288 De sept. verb. Dom.

de hoc etiam ambigo , an plagas meas sanare dignatus fueris, *in manus tuas commendo spiritum meum*, vt in hoc tam terribili negotio adsis animæ meæ, quam redemisti pretioso sanguine tuo .

Hæc si multi cogitarent , non tam auidè se ingererent ad sacerdotium suscipiendum, vt postea quotidie celebrando victum quærerent . Isti enim non valdè solliciti esse solent, an ea, qua par est, præparatione accedant, cum finis eorum magis sit cibus corporis, quàm animæ . Multi etiam, qui in aulis Prælatorum , vel Principum famulantur , etiamsi ritè parati non sint , ad mensam illam tremendam, accedunt tamen humano timore ducti , ne fortè Principi, vel Prælato suo displiceant, si tempore constituto inter cômunicantes non appareant . quid ergo ? vtilius fortasse erit quàm rarissimè ad mensam illam accedere? Immò verò vtilius est frequenter accedere, sed cum præparatione

ne

Lib. I I. Cap. XXI. 289

ne debita . Quò enim quis rarius accedit, eo minus aptus efficitur ad participationem mensæ cælestis , vt sanctus Cyrillus sapienter admonuit. Lib. 4. in
10. c. 17.

Restat tempus propinquæ mortis, in quo necesse est, cum magno mentis ardore, orationem istam frequentare, ac dicere, *In manus tuas Domine commendo spiritum meum : redemisti me Domine, Deus veritatis* . Illud enim est tēpus, in quo verè agitur de summa rerum omnium . Nam si fortè tūc anima de corpore exiens in manus diaboli veniat, nulla restat ad salutem via . Et contra, si ad paternas Dei manus aditum habeat, nulla deinceps timenda est inimicorum potentia . Itaque cum gemitu inenarrabili, cum vera, atque perfecta contritione, cum fiducia multa infinitæ misericordiæ Dei, iterum atque iterum repetendum est, *In manus tuas Domine commendo spiritum meum* . Et quoniam in illo temporis articulo

290 De sept. verb. Dom.

Ex ec. 33.
S. Leo ep.
ad Theo-
dorū Ep.
scopum.

culo nullam grauiorem tentatio-
nem patiuntur, qui negligenter
vitam duxerunt, quā desperationis,
quasi tunc pœnitentiæ tem-
pus iam præterierit; scutum fidei
opponendum est, cū scriptum
sit, *Quacunque die peccator inge-*
muerit, peccatorum eius non re-
cordabor. & galea spei arripien-
da, quæ in infinita Dei miseratione
confidat: & identidem repeten-
dum, *In manus tuas Domine com-*
mendo spiritum meum. Nec omit-
tenda ratio illa, quæ fundamen-
tum spei nostræ esse debet, *rede-*
misti nos Domine Deus veritatis.
Quis enim ei refundet innocen-
tem sanguinem? quis ei restituet
pretium, quo nos emit? sic loqui-
tur sanctus Augustinus in libro
nono Confessionum; nos omnes
docens, vt multum omnino con-
fidamus in redemptione, quæ est
in Christo Iesu: quæ irrita esse non
poterit, nisi nos ipsi obicem im-
pœnitentiæ, vel desperationis op-
ponamus.

C A P.

C A P. X X I I .

*De fructu tertio verbi
septimi.*

FRUCTUS tertius in eo positus est, ut discamus, morte propinquante, non multum esse confidendum in eleemosynis, ieiunijs, & orationibus propinquorum, vel amicorum. Multi sunt enim, qui dum vitam ducunt, obliuiscuntur animæ suæ, neque aliud cogitant, aut agunt, quam ut filios, vel nepotes quam ditissimos relinquāt. Cùm autem moriendum est, tunc primum de anima propria cogitare incipiunt; & quoniam facultates suas iam inter filios, vel nepotes diuiserunt: animam suam illis commendant, ut eam eleemosynis, precibus, & sacrosancto sacrificio, alijsq; bonis operibus iuuent. Non hoc exemplo suos Christus docuit, qui non cognatis,

292 De sept.verb.Dom.

ris, sed Patri spiritum commenda-
 uit : neque hoc sanctus Petrus
 admonuit, vt fideles animas suas
 1. Pet. 4. filijs, aut nepotibus, sed vt *fide-
 creatori commendent in benefa-
 ctis.*

Non reprehendo eos, qui pro
 anima sua eleemosynas fieri, &
 sacrosanctæ Missæ sacrificia offer-
 ri iubent, vel petunt, vel optant:
 sed damno in primis eos, qui in
 filijs, vel nepotibus nimium con-
 fidunt; cùm vsus doceat, facile il-
 los obliuisci maiorum suorum de-
 functorum. Deinde reprehendo,
 quod in re tanti momenti, non
 ipsi sibi prospiciant non ipsi elee-
 mosynas multas faciant, quibus
 multos sibi amicos concilient, à
 Luc. 16. quibus, iuxta Euangelium, *reci-
 piantur in aeterna tabernacula.*
 Præterea grauissimè illos arguo,
 qui non obediunt Principi Apo-
 stolorum, qui iubet fidei creato-
 ri animas proprias commendare,
 1. Pet. 4. nec solis verbis commendare, sed
 etiã benefactis cōmendare. Ope-
 ra

Lib. II. Cap. XXII. 293

ra enim bona præmissa ad Deum, illa sunt, quæ pios Christianos efficaciter, verèq; cōmendant. Audiamus, quid sancto Ioanni de cælo sonuerit, *Audiui vocem de* Apo. 14
cælo dicentem mihi, scribe, Beati mortui, qui in Domino moriuntur. à modo enim iam dicit Spiritus, ut requiescant à laboribus suis: opera enim illorum sequuntur eos. Itaque opera bona facta dum vivimus, non facienda post mortem à filijs, vel nepotibus, illa sunt, quæ certò nos consequuntur. Præfertim si opera illa non solùm sint ex genere suo bona, sed, ut sanctus Petrus non sine mysterio exprefit, benè sint facta. *In bene facitis*, inquit, *commendent animas suas fideli creatori.* Plurimi enim sunt, qui bona opera quàm plurima à se facta numerare possunt, conciones frequentes, missas quotidianas, preces horarias annorum multorum, ieiunia quadragesimalia annis plurimis continuata, eleemosynas quoque non

294 De sept. verb. Dom.

paucas : sed cum ad examen diuinum ista venerint, & accuratè discutientur, an bene fuerint facta, recta intentione, cum attentione debita, suis tempore, & loco, ab homine grato Deo; ò quàm multa, quæ videbantur lucra, in detrimentis numerabuntur. O

1. Cor. 3. quàm multa, quæ humano iudicio videbantur aurum, argentum, & lapides pretiosi supra fundamentum Fidei ædificata : inuenientur ligna, scenum, stipulæ, quæ mox ignis consumet. Hæc me consideratio non parum exterret : &

quò magis ad exitum propinquo (nam, vt Apostolus loquitur, *quod antiquatur, & senescit, propè interitum est*) tanto clarius video mihi necessarium esse consilium,

Hom. 38. sancti Ioannis Chrysostomi, qui ad pop. Antioch. monet vt de nostris operibus bonis non multum cogitemus; quoniam ea, si quæ sint vera bona, id est, bene facta, à Deo scribuntur in libris rationum, neque periculum est, vt mercede debita fraudentur :

Lib. II. Cap. XXIII. 295

tur : sed de malis nostris operibus assidue cogitemus, atque ea corde contrito, & spiritu contribulato, multis lacrymis, & seria poenitentia diluere satagamus. Qui enim hoc agunt, cum bona spe in exitu dicent, *In manus tuas Domine commendo spiritum meum. Redemisti me Domine Deus veritatis.*

C A P. X X I I I.

*De fructu quarto verbi
septimi.*

SEquitur fructus quartus, qui ex felicissima exauditione orationis Domini colligi potest, ut eo tam fausto euentu nos omnes animati, ardentiores simus in nostro spiritu Domino commendando. Verissimè enim Apostolus scripsit, exauditum fuisse Dominum Iesum Christum *pro sua* *reuerentia*. Orauerat Dominus

Hebr. 5.

296 De sept. verb. Dom.

Patrem, vt supra demōstrauimus, pro celeri resurrectione corporis sui: exaudita est oratio illa, vt non diutius resurrectio differretur, quàm necesse esset ad fidem faciendam, verè corpus Domini fuisse mortuum. Nisi enim probari potuisset, corpus illud verè vita fuisse defunctum, ipsa quoque resurrectio, & tota fides Christiana nutaret. Debuit igitur Christus in tumulo iacere ad horas, vt minimum, quadraginta; præsertim cùm esset implenda figura Ionæ Prophetæ; quam ipse Dominus in

Matt. 22 Euangelio ad mortem suam præmonstrandam, factam fuisse docuit. Sed vt resurrectio Christi, quantum fieri poterat, acceleraretur; & Christi oratio manifestius exaudita demonstraretur: tres dies, & tres noctes, quibus Ionas fuit in ventre ceti, voluit diuina prouidentia, vt reuocarentur in Christi resurrectione ad vnū integrum diem, & duas partes dierum duorum: quod tempus nō pro-

Lib. II. Cap. XXIII 297

propriè, sed per figuram intellectionis dici poterat continere tres dies, & tres noctes. Neque solum exaudiuit orationem Christi Pater, accelerando tempus resurrectionis, sed etiam restituendo corpori mortuo vitam sine comparatione meliorem, quàm ante fuisset. Siquidem vita Christi ante obitum, mortalis erat, & restituta ei est immortalis. *Christus enim resurgens à mortuis, Rom. 6. iam non moritur, mors illi ultra non dominabitur, vt Apostolus dixit. Vita Christi ante mortem passibilis erat, id est, obnoxia fami, siti, fatigationi, vulneribus: restituta est impassibilis, & nulli omnino iniuriæ subiecta. Corpus Christi ante mortem erat animale; euasit per resurrectionem spirituale, id est, ita subiectum spiritui, vt posset in ictu oculi deferri quòcunque spiritus voluisset.* Porro causa, ob quam oratio Christi tam facilè fuerit exaudita, subiungitur ab Apostolo, cum

N 5 ait,

298 De sept. verb. Dom.

ait, *pro sua reuerentia*. quæ vox, græcè *διδάσκω* significat timorem reuerentialem, qui in Christo erga Patrem omninò eximius fuit. Ideò enim Isaias describens dona Spiritus sancti, quæ in Christi anima fuerunt, de alijs donis dicit,

Isai. 11. Requiescet super eum spiritus sapientia, & intellectus; spiritus cōsiliij, & fortitudinis; spiritus scientia, & pietatis: de timore reuerentia dicit, & replebit eum spiritus timoris Domini. Quoniam

ergo anima Christi plenissima erat timore reuerentialem erga Patrem; ideò & Pater in illo sibi maximè complacebat, iuxta illud

Matth. 3. Matthæi, Hic est Filius meus dilectus, in quo mihi bene complacui. & quemadmodum Filius Patrem summoperè reuerebatur; ita & Pater semper eum orantem audiebat, & quicquid peteret concedebat.

Hinc & nos discere debemus, si volumus à Patre cælesti semper audiri, & quicquid ab illo petimus

Lib. II. Cap. XXIII. 299

mus impetrare ; oportere nos Christum imitari, & Patrem cælestem summa reuerentia prosequi, & nihil eius honori antepone-
 nere. Sic enim fiet, vt & nos quicquid petierimus, impetremus; ac præsertim illud, in quo summa stat rerum nostrarum, vt morte propinquante, commendatam Deus habeat animam nostram de corpore egredientem, quando leorugiens prope adstat paratus ad prædam. Neque existimet aliquis, reuerentiam Deo exhibendam, solum in genuflexione, in capitis apertione, in eiusdem generis cultu, atque honore. Non hoc solum vox *ὑπόβρεσις*, id est, reuerentialis timor significat. Sed potissimum designat timorem magnū offensionis diuinæ, horrorem intimum, & perpetuum peccati; non ob timorem pœnæ, sed ob amorem patris. Ille reuerentiali timore verè præditus est, qui culpam, præcipuè lethalem, ne cogitare quidem audet. *Beatus vir,*

300 De sept. verb. Dom.

Psal. 111. inquit Dauid, *qui timet Dominũ,*
in mandatis eius vult nimis. id
 est, ille timet verè Deum, ac per
 hoc beatus dici potest, qui valdè
 studet omnia Dei mandata serua-
 re. Atque hinc illa sancta vidua

Judit. 8. Judith *timebat Dominum valde,*
 vt in eius libro scriptum legimus,
 quoniam cùm esset adolescentula,
 & speciosissima, & diues valde,
 defuncto viro suo; ne vllam occa-
 sionem peccandi dare, vel accipe-
 re posset, in cubiculo secreto cum
 puellis clausa morabatur, & ha-
 bens super lumbos suos cilicium,
 ieiunabat omnibus diebus præter
 festa domus Israel. En quanto ze-
 lo in ipsa lege veteri, quæ maio-
 rem multò licentiam permitte-
 bat, quàm Euangelium, cauebat
 peccata carnalia mulier adole-
 scentula, & diues, non alia de
 causa, nisi quia timebat Domi-
 num valde. Id ipsum de sancto Iob
 Scriptura sancta commemorat.
Iob 31. Iste enim pepigerat fœdus cum
 oculis suis, vt ne cogitaret qui-
 dem

Lib.II. Cap.XIV. 301

dem de Virgine, id est, nolebat omninò virginē aspicere, ne fortè ex aspectu cogitatio vlla minus honesta subreperet. Et cur tam diligenter Iob ista vitabat? quia timebat Dominum valde. sic enim adiungit, *Quam enim partem haberet in me Deus desuper?* id est, si turpis cogitatio me vtcumque frædaret, non essem ego pars Dei, neque esset Deus pars mea. Quòd si vellem exempla Sanctorum novi testamēti proferre, nullus esset finis. Hic igitur est timor Sanctorum, quo si nos quoque pleni essemus, nihil esset, quod à Patre cælesti non facillimè impetrare possemus.

C A P . X X I V .

*De ultimo fructu verbi
septimi.*

Restat fructus postremus, qui ex consideratione obedientia
tia

302 De sept. verb. Dom.

tia in vltimis verbis, & in ipsa morte Christi declarata colligitur. Quod enim Apostolus ait, *Philip. 2. Humiliauit semetipsum factus obediens vsque ad mortem, mortem autem crucis; tunc potissimum impletum est, cum Dominus, verbis illis prolatis, Pater in manus tuas commendo spiritum meum, continuò expirauit. Operæpretium autem erit paulò altius repetere, quæ de obedientia Christi dici possunt, & debent, vt fructum pretiosissimum ex arbore sanctæ crucis decerpamus. Christus igitur magister, & Dominus virtutum eam obedientiam exhibuit Deo Patri, vt maior neque cogitari, neque fingi possit.*

Primum obedientia Christi erga Patrem ab ipsa eius cōceptione initium sumpsit, & vsque ad mortem sine intermissione durauit: sic vt vita Domini nostri Iesu Christi, vnus fuerit continuata obedientiæ cursus. siquidem anima Christi in ipso primo suæ crea-

tio-

Lib. II. Cap. XXIV. 303

tionis momento, vsum habuit liberi arbitrij: & simul gratia, & sapientia plena fuit; ac per hoc ex illo primo instanti adhuc in utero matris inclusus, exercere cœpit obedientiam. Id quod in psalmo illo exprimitur, vbi dicitur in persona Christi, *In capite* Psalm. 39. *libri scriptum est de me, ut facerem voluntatem tuam, Deus meus volui, & legem tuam in medio cordis mei.* Illud, *in capite libri*, nihil aliud significat, nisi in summa Scripturæ diuinæ, hoc est, in tota Scriptura summam, ac præcipuè de me prædicatur, quòd ad hoc electus, & missus fuerim, *ut facerem voluntatem tuam.* Ego verò, *Deus meus*, id volui, ac libentissimè acceptavi: ac *legem tuam*, mandatum tuum, imperiū tuum *in medio cordis mei* posui, ut illud semper considerarem, & accuratissimè, pròptissimèq; perficerem. Huc etiam respiciunt illa eiusdem Christi verba, *Meus* Ioan. 4. *quis est, ut faciam voluntatem eius,*

304 De sept. verb. Dom.

eius, qui misit me, ut perficiam opus eius. Quemadmodum enim cibis, non semel, aut iterum per totam vitam sumitur, sed quotidie, & cum voluptate sumitur: sic ipse Dominus noster, quotidie, & volenti animo in obedientiam Patris incumberebat: unde & dicebat,

10an. 6. Descendi de cælo, non ut faciam voluntatem meam, sed eius, qui misit me. Et apertius alio loco,

10an. 8. Qui me misit, mecum est, & non reliquit me solum, quia quæ placita sunt ei facio semper. Et quoniam obedientia sacrificium est sacrificiorum omnium præstantissimum, iuxta Samuelis sententiã; ideo Christus quot opera faciebat, dum in terris peregrinaretur, tot sacrificia, eaq; Deo gratissima offerebat. Hæc igitur prima est obedientiæ Christi prærogatiua, quòd ab ipsa conceptione usque ad vitæ finem durauerit.

Deinde Christi obedientia non fuit determinata ad unū aliquod genus operis, ut inter homines fieri

Lib. II. Cap. XXIV. 305

fieri videmus : sed extendebatur
 ad omnia omnino , quæ Deo Pa-
 tri imperare placuisset . hinc tan-
 ta varietas in vita Christi Domini
 cernitur , vt nunc moraretur in
 deserto non manducans , neque
 bibens , fortasse etiam neque dor-
 miens , & cum bestiis degens , vt
 sanctus Marcus adnotauit : nunc Marc. 1.
 in frequentia hominum mandu-
 cans , & bibens : nunc domi ob-
 scurus , & tacens , idq; per annos
 non paucos : nunc eloquentia , &
 sapientia clarus , & miracula ma-
 xima patrans : nunc cum potestate
 magna ex templo eiciens emen-
 tes , & vendentes : nunc denique
 latens , & quasi imbecillus decli-
 nans à turba . quæ omnia requi-
 runt animum liberum ab omni
 propria voluntate . Neque enim
 Dominus dixisset , *Qui vult veni-* Matt. 18
re post me , abneget semetipsum ;
 id est , propriæ voluntati , proprio-
 que iudicio renunciaret ; nisi ipse hoc
 iam fecisset : neque alibi ad obe-
 dientiæ perfectionem cohortans
 disci-

306 De sept. verb. Dom.

LUC. 14.

discipulos suos, addidisset, *Si quis venit ad me, & non odit patrem suum, & matrem, & uxorem, & filios, & fratres, aut sorores, adhuc autem, & animam suam, non potest meus esse discipulus*: nisi ipse prior rebus omnibus, quæ ardentè diligi solent, nuncium remisisset, sicut etiam animam suam, id est, vitam propriam paratus fuisset tam promptè deserre, ac si eam verè odisset. Hæc est vera radix, & quasi mater obedientiæ, quæ in Christo Domino mirabiliter fulsit: & qua qui carent, vix vnquam ad perfectæ obedientiæ palmam peruenient. Quo modo enim poterit alienæ voluntati promptè parere, qui propriæ voluntati, proprioq; iudicio adhæret? Hæc nimirum est causa, cur cælestes orbes Angelis mouentibus non resistent, siue in ortum, siue in occasum conuertantur; quoniam non habent propensionem aliquam propriam, siue ad vnâ partem, siue ad aliam. &

Lib. II. Cap. XXIV. 307

eadem causa est, cur ipsi quoque Angeli Deo iubenti ad nutum, obediunt, ut in psalmo canit sanctus David; quia nullam habent *Psalm. 102* propriam voluntatem repugnantem voluntati Dei, sed coniuncti feliciter cum Deo, unus spiritus sunt cum eo.

Præterea obedientia Christi non solum longè, latèq; diffunditur, sed etiam quantum per patientiam, & humilitatem ad ima deprimitur, tantum per meritum excellentiam ad alta sustollitur. Est igitur tertia obedientiæ Christi proprietas, quòd ad incredibilem patientiam, & humilitatem descendit. Incepit Christus infans ad paternam implendam, obedientiam, in ergastulo tenebricoso sciens, & prudens habitare. Infantes cæteri, quia ratione carent in utero, nullas molestias sentiunt. Christus autem, qui rationis usu fruebatur, horruisset sine dubio nouem mensibus degere in ergastulo angusto, & horrido

308 De sept. verb. Dom.

do materni vteri, nisi obedientia Patris, & charitas erga homines effecisset, vt ad liberandum genus humanum, vt Ecclesia canit, non horreret Virginis vterum. Deinde non exigua patientia, & humilitas necessaria fuit, vt toto infantia tempore Christus, qui etiã tunc sapientior erat Salomone, quippe in quo erant *omnes thesauri sapientia, & scientia Dei*, sese ad infantium mores, & imbecillitatem accommodaret. Sed illa admirabilis prorsus continẽtia, & modestia fuit, necnon patientia, & humilitas, quòd per annos octodecim, ab anno duodecimo vsque ad tricesimum, Patre iubente, sic latuit in paterna domo, vt fabri filius, & faber diceretur, & ignarus literarum, & fortè indocilis vulgò haberetur, cùm tamen omnes homines, & Angelos sapientia anteiret. Accessit postea gloria ingens ex prædicatione, & miraculis, sed admixta egestati extremæ, & laboribus assiduus,

Lib.II.Cap.XXIV. 309

fiduis, dicente ipso, *Vulpes foveas habent, & volucres cali nidos: filius autem hominis non habet ubi caput suum reclinet.* Et fatigatus ex itinere fedit aliquando super fontem, cum pedes obiret civitates & castella, prædicans Regnum Dei. Et tamen facile illi fuisset, si Patris obedientia sine-
ret, vel humano, vel angelico ministerio rebus omnibus abundare. Quid iam dicam de persecutionibus, de conuicijs, de maledictis, de sputis, colaphis, flagellis, denique de ipso crucis supplicio? Hic verò humilis obedientia sic profundas egit radices, ut planè inimitabilis videatur.

Sed restat adhuc aliquid profundius, videlicet vltimum terribilium. Atque ad hoc profundum obedientia Christi peruenit, cum clamans voce magna dixit, *Pater in manus tuas commendo spiritum meum: & hæc dicens expiravit.* Videtur autem filius Dei hunc in modum Patrem affari voluisse.

310 De sept. verb. Dom̃.

Ioh̃. 10. luisse, Ego à te Pater, mandatum accepi, vt ponerem animam meā, vt iterum eam reciperem : iam tempus aduenit, vt hoc postremū mandatum tuum adimpleam. Et quamuis nimis sit amara disunctio animæ meæ à carne mea, quæ à principio vnionis vsque ad hanc horam cum summa pace, & charitate coniunctæ manserunt; quāuis etiā mors, inuidia diaboli introducta, valde sit inimica naturæ, & verè vltimum terribilium : tamen mādatum tuum in medio, atque in intimo cordis mei altissimè defixum, omnibus rebus preualere debet. Ideò paratissimus sum nunc mortem deglutire, & calicem hunc amarissimum à te mihi datum exhaurire. Sed quia mandatum tuum fuit, vt sic ponerem animam meam, vt iterum reciperem eam; ideò in manus tuas commendo spiritum meum, vt primo quoque tempore illum mihi restituas. Et tunc licentia discedendi à Patre accepta, inclinato

Lib. II. Cap. XXIV. 311

nato ad obedientiam capite, emisit spiritum. Sic obedientia vicit, & triumphauit; nec solum præmium amplissimum in ipso Christo recepit, vt qui infra omnes descenderat, & omnibus in gratiam Patris cælestis obtemperauerat, supra omnes ascenderet, & omnibus imperaret: sed etiam, obtinuit, vt omnes homines, qui eius obedientiam, & humilitatem imitarentur, ipsi quoque super omnes cælos ascenderent, & super omnia bona Domini sui constituerentur, ac demum participes throni, & Regni fierent in æternum. Denique de rebellibus, & inobedientibus, ac superbissimis spiritibus tam insignē triumphum duxit, vt omnes illi ad conspectum crucis contremiscant, & fugiant.

Hoc exemplar aspicere, & imitari debent quicumque ad veram gloriam aspirant, & pacem, ac requiem animæ suæ desiderant. Nec solum viri Regulares, qui vovo ad obe-

312 De sept. verb. Dom.

obedientiam Superioris, qui loco Dei præsudet, sese obligarunt; sed omnes homines qui Christi discipuli, & fratres esse cupiunt, ad palmam huius præclarissimæ victoriæ aspirare debent, nisi velint cum superbis dæmonibus sub pedibus Sanctorum in æternum gemere. Obedientia enim, quæ diuinis præceptis debetur, & quæ idem Deus deferri iubet ijs, qui in terris præsunt, omnibus omninò necessaria est. Omnibus enim

Matth. 11 Christus dicit, *Tollite iugum meum super vos.* & omnibus A-

Hebr. 13. apostolus loquitur, cum ait, *Obedite Præpositis vestris, & subiacete eis.* & omnibus etiam Regibus Samuel præcepit, cum ait,

1. Reg. 15 *Numquid vult Dominus holocausta, & victimas, & non magis ut obediatur voci Domini? melior enim est obedientia, quam victima:* & addidit, ut gravitatem peccati inobedientiæ demonstraret, quia quasi scelus idololatriæ est, nolle acquiescere, mandatis videli-

Lib. II. Cap. XXIV. 313

delicet Domini, & eorum, qui loco Domini præsunt.

Sed in gratiam eorum, qui se totos maiorum obedientiæ sponte subiiciunt, addam pauca de felicissimo eorum statu, non ex meo sensu, sed ex verbis Hieremiæ Prophetæ, qui Spiritu sancto inspirante locutus, ait, *Bonum est viro, cum portauerit iugum ab adolescentia sua: sedebit solitarius, & tacebit, quia leuauit se supra se.* Admiranda planè felicitas significatur verbo illo, *Bonum est viro*: nam, vt ex verbis sequentibus apertè colligitur, bonum hoc loco dicitur id, quòd est vtile, honorificum, iucundum, denique omni ex parte beatum. Si quis enim assuescat ab adolescentia portare iugum obedientiæ, liber erit per totam vitam à iugo durissimo carnalium cupiditatum. testis est sanctus Augustinus in octauo libro Confessionum, quàm difficile sit excutere à se iugum concupiscentiæ illi, qui per annos

O

ali.

314 De sept. verb. Dom.

aliquos legi carnis obediuit; & contra, quàm sit iucundum, & facile iugum Domini portare, antequam vitiorum laquei animam irretierint. Deinde quàm ingens lucrum est, in omni opere mereri apud Deum? qui enim nihil agit ex voluntate propria, sed ex obedientia. Prælati, in omni opere sacrificat Deo sacrificium illi gratissimum, quia, vt loquitur Sa-

2. Reg. 15 *muel, melior est obedientia, quàm*
victimæ. & rationem reddit san-

ctus Gregorius, quia *per victimas*
35. c. 10. *aliena caro, per obedientiam pro-*

pria voluntas mactatur. Et quod est prorsus admirabile, si fortè Prælatus peccet imperando; subditus non peccat, sed meretur obediendo, modò quod iubetur, non sit manifestè peccatum. Addit Hieremias, *sedebit solitarius, & tacebit.* Quid enim est, *sedebit,* nisi quiescet, quia inuenit requiè animæ suæ? qui enim nuncium remisit voluntati propriæ, & se totum diuinæ voluntati adimplen-

dx

Lib. II. Cap. XXIV. 315

dæ addixit, nihil ambit, nihil quærit, nihil cogitat, nihil desiderat: sed liber à mordacibus curis, sedet cum Maria *secus pedes Domini*, *audiens verbum illius*. & verè solitarius sedet, tum quia cum illis habitat, qui sunt cor vnum, & anima vna, tum quia neminem singulari, ac priuato amore prosequitur: sed omnes in Christo, & propter Christum diligit. Ideò etiam tacet, quia cum nullo litigat, cum nullo rixatur, cum nullo negotium propriū habet. Atque huius tantæ quietis illa ratio est, quia *leuauit se supra se*. transcendit enim ab ordine hominum ad ordinem Angelorum. Multi sunt, qui abijciunt se infra se, atque ad ordinem transeunt bestiarum. illi videlicet, qui terrena sapiunt, & nihil magnifaciunt, nisi quæ carnem oblectant, vel sensus corporales pascunt, auari, lasciuui, comessationibus, & ebrietati addicti. Alij sunt, qui vitam hominum viuunt, & in se quodam

Luc. 10.

Mat. 23.

316 De sept. verb. Dom.

modo manent, quales sunt Philosophi, qui vel naturæ secreta rimantur, vel de moribus præcepta tradunt. Alij denique leuant se supra se, non sine insigni dono, & auxilio Dei, & vitam non tam humanam, quàm angelicam ducunt. Illi videlicet, qui relictis omnibus, quæ in mundo possident, & abnegata etiam voluntate propria, cum Apostolo dicere possunt, *Nostra conuersatio in caelis est.* & Angelorum puritatem, & contemplationem, & obedientiam æmulantes, vitam non tam humanam, quàm angelicam ducunt. Angeli enim nulla vnquam peccati sorde inquinantur, & semper contemplantur faciem Patris, qui in caelis est, & negocijs alijs intermissis, toti sunt in mandatis Domini exequendis intenti, iuxta illud psalmi, *Benedicite Dominum omnes Angeli eius, facientes verbum illius, ad audiendam vocem sermonum eius.* Hæc est felicitas vitæ regularis, quæ si seriò Angelorum

rum

rum puritatem, & obedientiam, imitetur in terris; sine dubitatione vlla eorum gloriæ particeps erit in cælo; præsertim si Christum Ducem, & Magistrum sequatur, qui *humiliauit semetipsum, factus obediens usque ad mortem, mortem autem crucis.* Philip. 2. & qui, *cum* Hebr. 5. *esset filius Dei, didicit ex ijs, quæ passus est, obedientiam,* id est, experimento proprio didicit, ex patientia veram probari obedientiam; ac per hoc non solum obedientiam exemplo suo docuit, sed docuit etiam obedientiæ veræ, atque perfectæ fundamenta, & quasi bases solidissimas esse humilitatē, & patientiam. Qui enim libenter obedit superiori suo, cum iubet opera honorifica, & iucunda; is non planè demonstrat, an virtus obedientiæ; an aliquid aliud eum ad parendum inuitet: sed qui in rebus vilibus, & laboriosis, ubi humilitas, & patientia necessariæ sunt, promptè, alacriterq; obedit; ille certus esse potest, se ut

318 De sept. verb. Dom.

verum Christi discipulum veram, atque perfectam obedientiam didicisse.

Lib. 35.
Moral. c.
10.

Egregiè omninò differentiam hanc inter veram, fictamq; obedientiam sanctus Gregorius explicat. Sic autem loquitur, *Quia nonnunquam nobis huius mundi prospera, nonnunquam verò iubentur aduersa: sciendum summo-
pere est, quòd obedientia aliquan-
do si de suo aliquid habeat, nulla
est; aliquando autem si de suo aliquid non habeat, minima. Nam cum huius mundi successus praecipitur, cum locus superior imperatur; is qui ad percipienda haec obedit, obedientia sibi virtutem euacuat, si ad haec etiam ex proprio desiderio anbalat. Neque enim se sub obedientia dirigit, qui ad accipienda huius vita prospera, libidini propriae ambitionis seruit. Rursus cum mundi despectus praecipitur, cum probra adipisci, & contumeliae iubentur; nisi ex se ipse animus haec appetat; obedi-*
tia

*tia sibi meritum minuit : quia ad
 ea, quæ in hac vita despecta sunt,
 inuitus, nolensq; descendit. Ad
 detrimentum quippe obedientia
 ducitur, cum mentem ad suscipien-
 da probra huius seculi nequaquã
 ex parte aliqua etiam sua vota
 comitantur. Debet ergo obedien-
 tia, & in aduersis ex suo aliquid
 habere; & rursus in prosperis ex
 suo aliquid omnino non habere :
 quatenus & in aduersis tantò sit
 gloriosior, quantò diuino ordini
 etiam ex desiderio iungitur; & in
 prosperis tantò sit verior, quantò
 à presenti ipsa, quam diuinitus
 percipit, gloria, funditus ex mente
 separatur. Sed hoc virtutis pon-
 dus melius ostendimus, si celestis
 patriæ duorum hominum facta
 memoremus. Moyses namque, cum
 in deserto oues pasceret, Domino Exod. 3.
 per Angelum in igne loquente, vo-
 eatus est, ut eripienda omni Israe-
 litarum multitudini præesset. Sed
 quia apud se humilis extitit, obla-
 tam statim tanti regiminis glo-
 riam*

320 De sept. verb. Dom.

- Exod. 4.** riam expauit, dicens, Obsecro Domine, non sum eloquens ab heri, & nudius tertius: ex quo cœpisti loqui ad seruum tuum, tardioris, & impeditioris lingua sum factus; & se postposito, alium deposcit, dicens, Mitte quem missurus es. Ecce cum auctore linguae loquitur, & ne tanti regiminis potestatem suscipiat, elinguem se esse causatur. Paulus quoque diuinitus fuerat, ut in Hierusalem debuisset ascendere, admonitus, sicut ipse ad Galatas dicit. Isque in itinere, cum Prophetam Agabum reperisset, quanta se aduersitas in Hierosolymis maneret, audiuit. Scriptum quippe est, quod idem Agabus zonam Pauli suis pedibus inferens
- Gal. 2.** dixit, Virum, cuius est zona hæc, sic alligabunt in Hierusalem. A Paulo autem protinus respondetur, Ego non solum alligari, sed & mori in Hierusalem paratus sum pro nomine Iesu. Præceptione igitur reuelationis Hierosolymam pergens aduersa cognoscit:
- & ita-

Lib. II. Cap. XXIV. 321

Et tamen hac libenter appetit: audit quæ timeat, sed ad hac ardentior anhelat. Moyses itaque ad prospera de suo nihil habet: quia praecepto renititur, ne Israelitica plebi praefatur. Paulus ad aduersa etiam ex suo voto ducitur, quia malorum imminentium cognitionem percipit, sed deuotione spiritus etiam ad acriora feruescit. Ille praesentis potestatis gloriam Deo voluit iubente declinare; iste Deo aspera & dura disponente, se studuit ad grauiora preparare. Praeunte ergo utrorumque Ducum infracta virtute insituihur, ut si obedientiae palmam apprehendere veraciter nitimur, prosperis huius seculi ex sola iussione; aduersis autem etiam ex deuotione militemus. Hæc sanctus Gregorius. Quam doctrinam exemplo suo Magister omniū Christus Dominus apertissimè comprobauit. nam cum sciret, venturas esse turbas, ut raperent eum, & facerent Regem, fugit in montem ip-
se

322 De sept. verb. Dom.

se solus. Sed cum sciret venturos Iudæos, & milites cum Iuda, ut eum caperent, & ad supplicium, ducerent, iuxta præceptum, quod *Matt. 26* habuerat à Patre; obuiam illis *Joan. 18.* sponte processit, & se capi, ac ligari permisit. Christus igitur Magister bonus non verbo, & lingua obedientiam qualemcumque ostentauit; sed opere; & veritate obedientiam Patri exhibuit in vera patientia, & humilitate fundatam. Hoc exemplar est nobilissimæ virtutis, quod intueri semper debent, qui à Deo vocati ad palmam propriæ abnegationis, & Christi imitationis aspirant.

FINIS.



Errata. Correctio.


pag. 15 lin. 22. abduxit adduxit
pag. 16 lin. 9 in marg. Luc. 23.
pag. 24 lin. 3 à fin. possumu possumus
pag. 121 lin. 3 arham arrham
pag. 175 lin. penult. quem quod
pag. 222 in marg. Psal. 106 Psal. 109.
pag. 291 lin. penult. suos suo



REGESTVM.

a A B C D E F G H I K L
M N O

*Omnes sunt Sexterniones, præter
a, & O, quæ sunt
Terniones.*



R O M Æ,
Typis Bartholomæi Zannetti.
M. DC. XVIII.

Superiorum Permissu.

